




17-1-18



Lincoln

*P. Fabianus Minoritas ex urbe Transilvania in Hungaria,
 P. Minoritas, et Chalcidius huiusmodi ferme popularis*

PRO CULTU
 LITTERARUM
 IN HUNGARIA



*evoluit hunc librum a
 tibi commodatum, ne
 liget dicit, in eo quidem
 vult scribi, sed oratore
 moris nimis effers
 atque amplificans; ne
 bagne stentis praestit
 quae non multum
 scriptori favissent. Pa
 lens, ego spei summi
 literarum in Hungaria,
 quae semitae, et cleri
 ci Regularis scholae
 diamus docent, et in
 oppido Sagrae sunt
 humanioris litterarum
 curisq. v. Pauli.
 Dicitur Dns Martinus
 anno MDCCXXV.*

VINDICATIO.

X

[Faint handwritten notes at the bottom of the page]

SECRET

[The page contains faint, illegible markings, possibly bleed-through from the reverse side.]

PRO CULTU
LITTERARUM
I N
HUNGARIA
AC SPECIATIM
Civitate Diocesique Nitriensi
VINDICATIO

INNOCENTII a D. THOMA AQUINATE

Clerici Regularis SCHOL. PIARUM.

Inde Genere, Patria, & Domicilio.



ROMAE M. DCC. XLIII.

EX TYPOGRAPHIA JOANNIS ZEMPEL AUSTRIACI
Superiorum Facultate.

Decet cariorem esse Patriam nobis ,
quam nosmetipsos : (a) ac nos , id quod ma-
xime debet , Patria nostra delectet . Cujus
rei tanta est vis , tanta natura , ut Itacam
in asperissimis faxis , tanquam nidulum affi-
xam , Sapientissimus Vir (b) Immortalitati
anteponeret . (c) Quoniam autem omnibus ,
qui Patriam conservaverint , adjuverint , au-
xerint , certus in Coelo sit , ac definitus lo-
cus , ubi Beati aevo sempiterno fruuntur ;
(d) pro ea proinde mori , & huic nos totos
dedere , & in ea omnia nostra ponere , &
(e) De Leg. quasi consecrare debemus (e) .

(a) Cie. de Sen.
tom. 3.

(b) Ulysses.

(c) De Orat.
tom. 1.

(d) In So.
cap. 3.

(e) De Leg.
pag. 170.

Excel-

Excellentissimo, ac Illustrissimo COMITI,
ANTONIO
GRASSALCOVICIO,
REGIORUM JUDICIORUM IN HUNGARIA PRAESIDI;
Virtute, & Eruditione ornatissimo;

INNOCENTIUS a D. THOMA AQUINATE
Salutem, & Felicitatem.



Tſi plerisque omni-
bus, Lucubrationes
Partusque ingenii cuiquam dicatur
ris, complures inter Patronos, ac
Fautores, delectum quemdam face-
re, huic proinde prae altero gratifi-
cari,

cari, sit integrum, atque etiam liberum; ego nihilominus necessitate quodammodo (illa quidem felice, atque propitia) compellor, hunc meum qualemcumque, ac certe properatum LABOREM, TIBI inscribere, ac devovere COMES EXCELLENTISSIME. Causæ siquidem, & argumenta id ipsum faciendi, quemadmodum frequentia sunt, & in primis congrua; ita multiplici veluti vinculo, adeo sane obligant, ut alio spectare, aut divertere, vix, ac ne vix quidem liceat. Quamquam, alias, non tam unquam in animum non induxerim hujusmodi TIBI gratificandi occasionem ullo modo defugere; quam immo ambiverim illam, atque percu pierim. Itaque rationum, quæ pertrahor, OPERAM hancce meam NOMINI Tuo quasi consecrare, una fortasse, eaque haud postrema nonnullis videri

deri possit, quod, cum NECESSITUDINIS ego nexu TIBI sim conjunctus (quod equidem singulari duco gloriae) deceat, referatque plurimum, PARTUM hunc nostrum, utique ex hujusmodi conjunctione ad TE propius, ac jure pertinentem, TUAS continuo in manus, gremiumque deferri. At vero, utut existiment alii; mihi tamen non modo non peculiaris, at satis etiam communis videtur causa ista; quin immo a studio, & privata quadam affectione profecta: quae Naturae potius propensionem, quam solidum Rationis Judicium, consequi (ut plurimum) consuevit.

Quocirca, quibusnam aliis, eis videlicet longe magis particularibus, & uni praesenti intento propriis momentis adducar, en retego, atque aperio. Quid enim? nunquid ego HUNGARIAE, ac speciatim PROVINCIAE,

Ci-

CIVITATISQUE NITRIENSIS LITTERARUM , ac
LITTERATORUM VINDICATIONEM destinato
non susceperim ? immo inprimis ,
immo maxime. Quocirca sub manu
res est , de qua quaerimus : jamque
concludi omnino necesse est , Opus
hoc ipsum Tuo sub PATROCINIO publica-
ri oportere. An quippe non Tu HUNGA-
RUS ? non Tu etiam LITTERATUS ? & Illu-
stris quidem longe admodum ; atque
LITTERATORUM nostratium facile pri-
mus . An Tu demum e PROVINCIA ,
sive COMITATU NITRIENSI non sis ? im-
mo vero DECUS illius praecipuum ,
ORNAMENTUMQUE . An Tu tandem po-
litiores omneis LITTERAS , quibus tan-
topere excellis , in CIVITATE NITRIEN-
SI , in amplissimis illis , atque pluri-
mum frequentatis SCHOLIS NITRIENSI-
BUS , inde ab infimis Elementis non
didiceris ? immo vero , quemadmo-
dum TUTE istud cum voluptate per-
saepe

saepe memoras; ita illae majorem in modum gratulantur, Te talem, ab eis, tantumque DISCIPULUM fuisse institutum. Atque sibi merito, neque sine jubilo vendicant, id, quod dicitur: *Praestantiam* (nimirum) *Discipuli, laudem esse Magistri*. Praesertim, cum insignem Tui expectationem, quam eis faciebas (ingenii felicitate, conique, & ad honestum quidlibet, decorumque flexili, ac ipsius quasi Virtutis manibus efficta indole) adeo profecto expleveris, ut operam illae, oleumque, haud unquam utilius, ac honorificentius insumserint.

TIBI proinde praesentem HUNGARICARUM LITTERARUM VINDICATIONEM, TIBI ante omnes dicari, plane oportere, quisque videt. Utpote, qui HUNGARUS, & LITTERATISSIMUS quidem; qui doctae PROVINCIAE NITRIENSIS Indige-

* * *

digena ; qui HUNGARICARUM juxta atq;
NITRIENSIIUM SCHOLARUM olim STUDIOSUS ,
nunc MECOENAS. Quem (scilicet) prae-
stantissimae LITTERAE , quas toto Pectore
hausisti , ad summa OPUM HONORUMQUE
provexere . Quotus enim quisque est
in PATRIA nostra , qui nesciat , hone-
sto TE quidem , atque Nobili Loco
natum ; tamen multum admodum ,
remoto ab eo *Splendoris , ac Digni-
tatis Culmine* , ab eo *Gradu* subli-
missimo , quem (GENUS TUUM prae-
tervectus) magnis quasi passibus ,
& quibusdam volatibus , inscendisti ,
infedisti ? Ecquid autem (Mortalium
felicissimo , sed etiam meritissimo)
ecquid vires alasque addidit ? quid
illud fuit , quod fere unicum , tant-
opere extulit ? adlevavit ? egregiae
utique LITTERAE , atque insignis TUA
ERUDITIO .

Posteaquam enim mansuetiori-
bus

bus DISCIPLINIS, ac reconditae PHILO-
 SOPHIAE Cognitionibus, probissime
 excultus, JURIS quoque PATRII, ac
 CIVILIS optimam notitiam accepisses,
 Causas agere, orareque coeperas ad-
 modum juvenis, & annis unde-
 viginti paullo major. Mox autem,
 tum & magis in dies ac magis, prae-
 cellentis, minimeque vulgaris PE-
 RITIAE laude, passim, & ultra caeteros
 inclarescebas. Jamque TE PRINCI-
 PES VIRI, jamque TE PRAESULES maximi,
 & OPTIMATES praecipui, pro suo AD-
 VOCATO non tam adsciscebant, quam
 pensabant, immo raptabant. Id-
 quod sane non poterat non ad-
 vertere immortalem HUNGARORUM RE-
 GEM, ROMANORUMQUE IMPERATOREM, CA-
 ROLUM VI. qui Tui obtinendi jure po-
 tior, *Regiarum Te Causarum DIRE-*
 CTOREM, supremumque MAGISTRUM,
 paucis post diebus jussit. Quo (sci-

licet) *Causas Regias* in quovis Foro cum potestate ageres; quo praeterea, quaecumque pro aequitatis, doctrinaeque, & experientissimae industriae ratione posses, in *Fiscum Regium* referres.

At, superasti propediem vota, opinionemque Maximi PRINCIPIS. Atque adeo, perhonorifica ille, peramplaque hujusmodi Provincia, amplio-rem LITTERATURAM, habilitatemq; TUAM esse (non vane) ratus, *Summum* TE REGII TRIBUNALIS PRAESIDEM constituit non multo post tempore. Qui nimirum universi Regni *Causas* cognosceres, judicium de illis statueres, sententiam pronunciares. Qui simul (cum res ferret) solemnibus quoque totius REGIONIS NOBILIUM COMITIIS praees- ses. Functus praesigni adeo, sed- vero etiam intricatissimo MUNERE, functus (inquam) es Annos fa-
cile

cile quatuordecim , ea dexteritate , prudentia , perspicacitate ; atque in primis aequitate ; ut neque in *Judicium Vocantibus* , neque *Vocatis* , unquam deesses . Dares etiam plurima consultissimi , & incorrupti *JUDICIS* documenta , quae mirarentur omnes , atque vix caperent : nihil autem committeres eorum , ob quae , aut suggillando , aut querulando , oblique de *TE* existimarent . Quippe qui cunctis continenter eras affabilis , perbenignus , ac propemodum melius ; uni *INIUSTITIAE* asper , torvusq ; , & inexorabilis .

Quis demum satis explicet circumspersionem accurratam , atque procul , & circumquaque spectantem ? Quis consilium providum ac sublime ? quis animi moderationem haud satis praedicandam ? qua semper quidem alias , sed vero maximè
nupe-

nuperis in REGNI *Comitiis* fuisti ,
cum de *Coronatione* MAGNANIMAE
MARIAE TERESIAE AUSTRIACAE , aliisque
maximae *Curae* , ac *Providentiae*
NEGOTIIS , agi coeptum fuit , atque
tractatum deinceps ? Equidem , nil
mihi videor insolentius dicturus ,
si dixerim , omnem tum confertissi-
mam illam , ac delectissimam , magnif-
que animis , & intelligentia vividam ,
NOBILIUM multitudinem , ab ore Tuo
pependisse . Increvit proinde , quan-
tum maxime poterat , increvit sane
occasione illa DOCTRINAE TUAЕ , atque
Prudentiae inusitatae FAMA , & EXISTI-
MATIO . Qua etiam propter accessit PRAE-
MIUM perinsigne , ac praeclarissimum .
Ecce enim dum haec pagellis illino ,
perlatum ad me est , Te nobilissimam in
COMITUM Conditionem , sive Summorum
in REGNI PRIMORUM Confortium , Ordin-
emq; , ab Serenissima REGINA relatum
esse

esse nuperrime : at q; paullo ante , IN-
TIMUM STATUS CONSILIARIUM declaratum ,
& insolito plausu evulgatum fuisse .
Quod equidem nostratum NOBILIUM
nemini uni , tota retro aetate accidisse,
reminiscimur. Huc Te igitur optimae
LITTERAE in HUNGARIA tractatae, inq; Ci-
vitate NITRIAE potissimum, inq; SCHOLIS
Loci istius a praeclaris Magistris pro-
liissima ratione traditae , & TUA de-
mum industria plurimum adauctae; huc
Te tandem HUNGARICAE LITTERAE pro-
vexere. Ut sane, quo Te amplius, vel
quemquam alium egregie Litteratum
provehere possint , vix habeant.

At siquidem , magnificentissima
cum REGINA nostra , MARIA TERESIA ,
REGNI BOHEMIAE Diadema in URBE PRA-
GENSI propediem receptura , sis profe-
cturus , (unus utpote ex designatis
OPTIMATUM praecipuis) jamq; omnino
in procinctu stes, haud velim (ultra)
mo-

moras TIBI neſtere. Perge *Fauſtis Avi-*
bus ; atque illic etiam , in illo vide-
licet VIRORUM PRINCIPUM ſpectatiſſimo
CONVENTU, oſtende atque perhibe (id-
quod facturum TE eſſe nullus ambigo)
illic (inquam) etiam oſtende, HUN-
GARIAE LITTERATUM, LITTERATUM TE eſſe
NITRIENSEM. Vale, & vade proſpere ;
OPELLAMq; noſtram, aliquam videlicet
impedimentorum particulam, TECUM
fumere dignare: nec non taedii levan-
di gratia nonnunquam per viam inſpi-
ce, lectita interdum. Ita vero maximum
Operae pretium reddidiſti. Vale ite-
rum; meque Conjunctione devinctum,
at magis etiam addictum officiis, in
Tuis numera. Dabam ROMAE poſtrid.
Cal. Apr. CIO IO CC XLIII.

CENSURA ET FACULTAS ORDINIS.

JUssu Reverendissimi P. N. Generalis Præpositi legi
VINDICATIONEM, quam nuper pro CULTU LITTERARUM
IN HUNGARIA, conscripsit R. P. Innocentius a D. Tho-
ma Aquinate, Clericorum Regul. Sch. Piarum Assistent
Generalis : Ex qua non modo florentissimi illius Regni
studium & Doctrina, mirum in modum elucet ; sed
Authoris quoque singularis Eruditio, & eximia erga suos,
ac Patriam Charitas inclarescit, *qua Homini nihil cbarius,
nihil jucundius esse debere*, Tullius affirmavit. Quae ve-
ro ibi ab Authore afferuntur rationes, & argumenta ad
vindican- dam PATRIAE Litteraturam, ac Decus; adeo
firma sunt & luculenta, ut de iis ambigere, perinde sit,
atque in meridiana luce umbras inquirere. Itaque minime
vereor, ut Opus adeo solidum & eruditum, non solum
ipsimet HUNGARIAE, sed toti quoque Orbi Litterario
maxime probetur; Cum revera parvi aestimandum non
sit id, quod VERITATIS Triumphum, PATRIAE De-
fensionem, & LITTERARUM Gloriam complectitur. Ita
censeo Romæ in Collegio Nazareno Kalend. Mar-
tii, CIO. 12CG. XLIII.

*Paulinus a S. Joseph, de Clericis Sch. Piarum,
in Romana Sapientia Publicus Professor, &
Ordinis Schol. Piarum Assistent Generalis.*

Man-

MAndante Reverendissimo P. N. Generali Praeposito
 legi diligenter R. P. Innocentii a D. Thoma Aquina-
 te, Assistentis Generalis, Viri doctissimi, & in Gra-
 vioribus Disciplinis mirandum in modum versati, ac
 Politioribus etiam LITTERIS Ornatissimi, Opus, cui Ti-
 tulus Pannoniae perhonorificus: Pro Cultu LITTERARUM
 in HUNGARIA VINDICATIO. Tantum sane abfuit, ut
 mihi in mentem venerit subvereri, ne aut Sanctissima Ec-
 clesiae Dogmata, aut integerrima morum probitas, quic-
 quam de eo detrimenti posse capere videretur; ut potius
 existimaverim ex hoc ipso Opere, & castissimos Ecclesiae
 mores, & orthodoxae Fidei nitorem, tum in HUNGA-
 RIA, cum alibi, non mediocriter auctum iri. Neque
 verò id sine causa: Satis enim aperte constat hanc esse
 Bonorum omnium consuetudinem, qui in qua re ani-
 madvertunt alios floruisse, in ea ipsi student excellere:
 & quod multa cum gloria egregios vident fecisse Homi-
 nes, id se quoque facere, pulcherrimum putant, & glo-
 riosissimum. Frangit quippe ignavos aliena amplitudo,
 intendit acres. Itaque, cum Regnum Hungari videant
 suum Religionis, LITTERARUMQUE nomine, a tanto
 Viro summo opere commendari; exterarum quoque Gentes,
 quum Pannoniae Sacerdotes, virosque in saeculo Princi-
 pes, & praesertim Episcopos palam observent cum
 Doctrina Virtutem ita conjungere, ut vitae integritate, ac
 multiplici eruditione prodelle omnibus soliti sint, obesse
 nemini; dubitare profecto non possum, HUNGAROS in-
 primis, ac quotquot hocce Opus pervolutarint, ad Vir-
 tutum Imagines, quas ibi admirabiliter expressas cer-
 nunt, pro viribus imitandas, subjectis veluti facibus ex-
 citandos esse. Ingentes porro animas, rerumque cupi-
 das immortalium, quae hoc in Volumine praedicantur, si
 tamquam exempla proposita imitentur ceteri, sequan-
 turve, praeclara hinc sane commoda non tam in HUNGA-

RIA,

3
RIA, quam alibi, Ecclesia capiat necesse est: Eo vel
maxime, quod quae isthic continentur, diserte omnia,
elegantè, ac solide, a Summo Viro perirata, agnove-
rim. Nihil igitur impedimento esse iudico, quo minùs
in lucem haec ipsa VINDICATIO proferatur. Ita sen-
tio Romæ in Collegio Nazareno. *Pridie Nonas Mar-*
tii CIO. MDCC. XLIII.

Franciscus Maria, a S. Joan. Evang. in Colle-
gio Urbis, de Propaganda Fide, Publicus
Eloquentiae Professor, et Clericis Regularibus
Sch. Piarum.

JOSEPH AB ANGELO CUSTODE

*Clericorum Regul. Paup. Matris Dei
Scholarum Piarum*

PRAEPOSITUS GENERALIS.

CUm librum, cui Titulus : PRO CULTU LITTERARUM IN HUNGARIA VINDICATIO ; a R. P. INNOCENTIO, à D. Thoma Aquinate, Assistente Nostro Generali, duo ex nostris, quibus commisimus, recognoverint, atque approbaverint; ut Typis mandetur, si iis ad quos pertinet, ita videbitur, Facultatem in Domino concedimus. Romæ in Aedibus nostris Scholarum Piarum apud S. Pantaleonem VIII. Idus Martii MD. DCCC. XLIII

*Joseph ab Angelo Custode
Præp. Generalis.*

*Laurentius a S. Hyacintho
Secretarius.*

AP-

A P P R O B A T I O. ⁵

Opus, cui Inscriptio: **PRO CULTU LITTERARUM IN HUNGARIA** &c. Jussu Reverendissimi Patris Magistri Sacri Palatii Apostolici, attenta à me mente expensum, ne vel apicem Sacrosanctis Fidei Catholicae Dogmatibus, Canonumque Decretis adversum, continet: a Christianae etiam *Erbices* Praeceptis in nullo passu deviat. Quin imo justam, cumq; moderamine Inculpatae Tutelae ubique procedentem, pro Patria exhibet Apologiam. Quid nî proinde duplicis Virtutis, nimirum Pietatis, & Vindicationis officia expleat? Juxta S. Thomam, enim 22. quest. 101. a. 1. *Ad Pietatem pertinet, exhibere cultum Parentibus, & Patriae; & ibid. q. 108. a. 2. Dicis Tullius in sua Rhetorica, quod Vindicatio est, per quam Vis, aut Injuria, & omnino, quidquid obscurum est, id est: ignominiosum, defendendo, aut ulciscendo, propulsatur. Unde Vindicatio est specialis Virtus.*

Nihil igitur obflare, imo laudabile, utile, ac propemodum necessarium videtur, ut praefatum Opus in Commentorum Confutationem, & Veritatis fulcimentum Typorum Beneficio in Urbe & Orbe publicetur. Ita censebam. Romae, in Conventu S. Mariae supra Minervam hac die 12. Martii Anno 1743.

*Fr. Dominicus Gentis Ord. Praedicatorum Sac. Theologiae
Mag., ejusdemq; in Universitate Colonienfi Publ. Doctor,
Collegii Cassanatenfis de Urbe Theologus.*

IMPRIMATUR.

Si videbitur Rñno Patri Mag. Sac. Pal. Apost.

F. M. de Rubeis Arch. Tarfi Vicefg.

IMPRIMATUR.

Fr. Nicolaus Ridolfi Magister Sac. Palatii Apost.
Ordinis Prædicatorum.

AEQUO

7

A E Q U O
L E C T O R I.



Emini (reor) dubitationem asferet, duo potissimum esse firmamenta, quibus Lectoris Fidem conciliet is, qui de ingenio nonnihil exaravit: Veritatem videlicet, atque comparatum ex Re Litteraria, jamque illustre Scriptoris Nomen. Quamquam autem, ab hoc altero parum admodum liceat polliceri; utpote quum, & peregrino in SOLO ignotus degam, ac praeterea bene me norim,
quam

quam *sim* mediocris, et si fortasse iis, quibus cum propius sum versatus, plusculum esse videar: sed vero ab eorum altero plurimam praesidii accessionem mihi fore plane confido. Tantum enim abest, ut Gentilium, Patriaeque amore, justos veri limites usquam transgredi velle cogitarim; ut etiam luculenta plurima, atque palmaria, missa fecerim. Quae jure quidem adferre poteram; tamen, ut ne infinitus essem, neve ADVERSARIO paullo amplius deferre viderer, quasi laborato prorsus opere ipsum retundi oportuerit; (qui nihilominus, neque in se, neque in eo, quod lucubrauit, est maximi faciendus) languidam data fere opera, ac prope neglectam, & (ut ita dicam) Ruri feriantis, obotiantisque curam sumpsi ad refellendum, quae (ut plurimum) remissior esse solet.

Ac

*Ac certe, ni asserendus PATRIAE
REGIONIS bonos, ni propulsandus ob-
repens rumor imperitorum, longeque
ab illa absentium; ni eorum, eorum
inquam supra Vulgus positorum ha-
benda fuisset ratio, quibus fortasse,
quicquam sinistrae opinionis ADVER-
SARIUS injecerat; si denique ad istum
ipsum ego unice attendissem, haud
putaverim, vel aurem fuisse scal-
pendam.*

*Et si autem nudis prope manibus ad
opus accesserim; et si feriendo scripse-
rim, (Ruri enim tum agebam) neque
vires propterea nimis contenderim;
tamen excrevit interea labor quasi
furtive, ac praeter opinionem. Ejus-
modi nihilominus (veluti praetuli)
quem Veri terminos nuspiam tran-
scendere admittebam, bene autem cum
recto assidue consuescere. Alieniissimum
b siqui-*

siquidem ab omni fore honestate jugiter ob oculos posui, si ROMAE, Urbium, & Orbis compendio, communi quodam Nationum omnium, ac totius fere Universi Domicilio, proindeque tum aliorum in quovis genere praestantium, cum in primis Litteratorum, ac Sapientum perpetuo Concilio; si deinde pro PATRIAE ILLUSTRIS, GENTISQUE PRAENOBILIS honore, aut istius VINDICATIONE, aliquidpiam in publicum emitterem, in quo laesae Veritatis, merito arcessi, ac postulari posse viderer.

Sed excrevit (ajebam) labor, praesertim si cum ADVERSARII Facto conferatur: utpote qui perpaucis verborum periodis laceffivit. Verum enim, ut pauca ipse profuderit, tamen mali plurimum ac detrimenti intulisse, credi debet. Ac sane, quemadmodum
Ephe-

Ephesinae Tempia Dianae

Condita bis centum , & vicensi insuper annis,
 Sustulit adposito male suafus Herostratus igni
 Uno forte die ; facturus futile Nomen ;
 Immortale dein , sero clarumque Nepoti ;

*Ita propemodum ipse si non obscuri ,
 profecto non admodum conspicui ,
 etiamdum Nominis , Regionem flo-
 rentissimam , Litteras ejus , Episco-
 pos , Omnemque Clerum , Municipia ,
 Nobiles , Optimates , contractis illis
 obtreccationibus usquequaque inqui-
 nare , praeclarissimam Famam in dis-
 pendium , jacturamque adducere , ac
 uno velut ictu cuncta pessumdare ,
 nequiter , aut summum improvide ,
 attentavit , quo fortasse Nominis cu-
 jusquam umbram prensaret . Quidni
 proinde necessum fuit raptim saltem ,
 minutatim , summatimque , horum
 omnium periclitanti apud Exteros*

existimationi consulere ? atque adeo pauca illa copiosius refellere ? Tum, ut ne cuiquam parti prorsus defuisse videremur ; cum vero , ut licentia Homini latius nudaretur , ac luculentius pateret . Terris denique sepositis persuasum omnino fieret , nullo pacto HUNGARIAE peritiam despiciatui duci posse , ac debere , qualem pulcherrimis in Litteris sive tradendis colendisve ; sive etiam comparatis pridem obtinet . De qua nihilominus , tanquam oppido barbara , inculta , ac ne Vulgaribus satis instructa Ditione , tumultuario , nullaque fide is prodidit , qui (sicuti observare primum fuit) illam hactenus ne a vestibulo salutavit .

Ea quocirca ego de HUNGARIA , et si fortasse longior , tamen compendio afferam , quae non modo non redundave-

daverint ; verum , ut commemorarentur , usque omnino fuisse necessarium , visum fuit . Noveris praeterea *Æque* LECTOR (quod te in primis moneo) illas duntaxat RES HUNGARIAE nos in medium allaturos , quae hodie in ea sunt , visuntur , conspiciuntur . Quare nil fere innuam de CULTU LITTERARUM , qui priscis , aut MATTHIAE saltem REGIS temporibus longe maxime floruerat . Nihil fere ex proposito , de VIRIS ILLUSTRIBUS superiorum Ætatum , qui ob Ingenii , Virtutis , Litteraturae , Scriptorumve felicitatem , atque praestantiam , laudem insignem , Famamque immortalem , Domi , forisque sunt consequuti . Cujusmodi percelebratos Homines , longo alioquin ordine percensere , ampleque , ac magnifice commemorare poteram , Beatum videlicet HIERONY-

MUM

MUM, *Beatum MARTINUM Turonensem
Antistitem*; JOANNEM HUNNIADUM *Armis
ac Sapientia immortalem*; JANUM inde
PANNONIUM; THOMAM (*Cardinalem
Strigonensem*) *per antonomasiam
dictum*; ABbatem TUBERONEM *ei coae-
vum*; GEORGIUM MARTINUSIUM, SAMBU-
CUM, OLAUM *Orbi notissimos*; DRASCO-
VICIUM, DUDICHIUMQUE, *in Concilio Tri-
dentino primi Ordinis Eruditos*; VER-
BULCZIUM, KITTONICIUM, *Juris peritissi-
mos*; PETRUM DE REVA, TUROCZIUM,
ISTUANFIUM, & (*si velis*) BONFINIUM, *no-
biles Historicos*; PAZMANNUM *deinde*,
FORGHACIUMq; *Cardinales*; FRANC, FRAN-
GEPANIUM *Coloczensem Archiepiscopum*;
DUORNICOVICIUM *Vaciae Episcopum*, BONO-
NIENSI *olim in Academia Sacrorum Ca-
nonum Doctorem*; DEMETRIUM NAPRA-
GHIUM, JOANNEM CUTASSIUM, TOMORIUMQUE,
item Episcopos; NICOLAUM *praeterea*
Zo-

ZOKOLIUM, JOANNEM KELEMESIUM, JOANNEM
 THURIUM, JOANNEM FILECZKIUM, JOANNEM
 SONNFRUM: *tum* OTROKOCZIUM, *Litterarum*
sane omnium, ac Hebraeae Graecaeq;
peritissimum; LUCAM DE SANCTO EDMUNDO,
e Scholis Piis Clericum, Mathematicis
probissime instructum, Monumen-
tisque relictis victurum; KALDIUM,
 SZENTIVANIUM *que, SOCIETATIS Viros om-*
nino celebres; & innumeros alios, *cum*
recentioris, tum vetustioris Aevi: Uvi-
 chingum *potissime, jam excunte nono*
Saeculo, Nitriensem Episcopum; ob
summa deinde Sapientiae, Pruden-
tiaeque, ac judicii Decora, PATAVIEN-
 SEM *ad Insulam proVectum;* tandem
 & Civitatis hujus possessione ab Ar-
 nulpho Imperatore donatum. (a) MAT-
 THIAM denique CORVINUM, Bello (ne-
 scias); an Litteris clariorem: utro-
 que autem in genere post natos Ho-
 mi-

(a) Inchoffe-
 rus an. Eccl.
 Reg. Hungar.
 pagina 98.
 117
 119

mines maxime memorandum. Quem
(a) Prefat. in Solutum. *Joannes Alexander Brassicanus (a)*
Librorum Helluonem appellat ; at-
que incomparabili Laudationis appa-
ratu exequitur celeberrimam illum
(Budensem intra Regiam) Biblio-
thecam instruxisse : in qua tantum
fuerit Graecorum, Hebraicorumque
Voluminum, quae (occupato per Tur-
cas circiter ejus tempora Byzantio,
everfisque amplissimis Doctae Grae-
ciae Civitatibus) e manibus ipse
Barbarorum, veluti mancipia, insa-
nis sumptibus redemerat ; tantum
praeterea Latinorum Librorum, cum
veterum, tum recentiorum, quantum
nusquam alibi (quod Brassicano sci-
re datum fuit) reperiebatur. Brassi-
cano inquam, etsi alioqui per Or-
bem eruditum, totamque litteratam
ITALIAM experientissimo. Ad haec :
qua-

*quatuor insignes Librarios magnis
eum impendiis aluisse FLORENTIAE; a
quibus melioris notae Authores Graeci,
& Latini summa diligentia con-
quisiti, continuo exscriberentur. (a)*

(a) Vide In-
choff. in appa-
ratu ad an. Ec.
Hung. pag. 19.
Item Paulum
Jovium.

*Poteram ergo haec, & alia pristi-
nae HUNGARORUM Litteraturae monu-
menta ab immemorabili fere Antiqui-
tate repetere, oculisque legentium si-
stere tanquam ingentia ad praesen-
tem VINDICATIONEM adjumenta; Quia
tamen ADVERSARIUS moderna vellicet,
aut collutulet, haec proinde asseren-
da potissimum, vindicandaque ut su-
merem, consentaneum judicavi; illa
vero vel levissime attingere, aut pla-
ne intermittere.*

*At, cum ROMANA in URBE, Rem item
ROMANIS tractandam manibus expe-
diam, si quocirca non ubique ad in-
genium, judiciumque aurium ROMA-*

C

NARUM

NARUM *membra orationis innexaero ; si nonnunquam hyperbata longiuscule protulero ; Si nomen a verbo , praepositionem a casu sejunxero interdum , haud continuo LECTOR aequissime corruptela , aut barbarie latinitatis ista multato : quippe hujusmodi usum CICERONI quoque non raro fuisse , deducta profecto opera observabam . Adde : quod ROMANI ad vernaculae linguae suae modulum , phrasimque , latine efferendi rationem (naturae certe ductu) accommodent ; istudque sibi praeplacet , nec ab ullis vitio vertitur : connivendum iccirco , indulgendumque fuerit aliis quoque NATIONI , sicubi hanc illamve latini sermonis collocationem ad nativum loquendi modum aptet ; modo ab inquinatis , obsoletisque verbis abhorreat oratio , & caligine , obscuritate , tortuo-*

tuosaque sribligine ita sit libera ,
ut mediocri saltem attentione per-
cipi queat .

Deinde, quum ipsa haec qualiscum-
que SCRIPTIO nostra, haud unica, ea-
que perpetua Oratio sit; verum spar-
sim, ac velut in transitu, diversa
diverso scribendi genere pertractet,
quemadmodum suscepta causa postu-
labat; non eapropter severius su-
percilium detorseris ÆQUE LECTOR,
si fors interdum in decursu licentiora
tibi videbere offendisse verba, quae
videlicet non universa, neque singu-
la ab Aetatis aureae, vel CICERONIS
unius promptuario simus mutuati.
Praeterquamquod haud leviter super-
stitiosam sollicitudinem suscipi ab iis
putem ego, qui religioni ducunt,
inque latinitatem peccatum esse arbi-
trantur corrugata fronte, siquam vo-

culam in cuiuspiam exercitatione deprehendant, quae nusquam in NIZOLIO, nusquam in supremum recognitis M. Tullii Voluminibus insit. Cuiusmodi anxiam plus satis accuratorem, haud arroganter improbatam fuisse ferunt a PICO MIRANDULANO in Clarissimo BEMBO; qui depravatam esse, aut non satis rectam sartamque latinam adstruebat enixius, si verbum adscisceretur, quod in CICERONE lectum non fuerat.

Et vero, sterilis admodum, circumscripta, curtaque fuerit Latinae linguae supellex, si non plura, si minime alia pro genuinis usurpet, si nulla praeterea, latina Civitate donet, quam quae a NIZOLIO collecta. Quemadmodum igitur in Corona perpolita, ac perornata, nequaquam singula, gemmae, corallia, lapidesque

que pretiosi sunt , neque aurum purum putumque ; verum alterius quoque materiae nonnihil quandoque , ac saepe etiam admittitur , & interne-
ditur , uti Aeris Corynthii , vel etiam Chalybeae quippiam bractaeae ; neque propterea genuina , bellaque Corona esse definit : ita in *SCRIPTIONE* quoque latinis litteris consignata , Ciceronis , ejusque Coaequalium verba , dicendique formulae , margaritarum lapillorumque loco utique explendescant ; quod pro eo , ac debebam , semper censui : nequaquam tamen , alia vocabula posterioribus Aetatibus ascita , ac quodammodo adoptata , continuo ableganda exterendaque erunt , modo probatis , illustribusque sui Saeculi Viris recepta fuerint : verum ipsa quoque ad apparandam latini cujuscumque monumenti seriem , suo loco , & ordine
fa-

facere videbuntur. Quod cum nemo, nisi admodum censorius, aut sciolus inficiari valeat (aut qui vix gregarius quidem, attamen arrogantiore contemptione feratur adversus Viros literaria in Rep. Classicos) futurum omnino est, ut Penus latina oppido augeſcat, atque plura pro adulterinis repudiata verba, pro germanis adſumantur, & adoptentur. Imo fiet, ut ea quoque, a quibus etiamdum ceu tetrīs, & barbaris abhorrent delicatiores, & qui plus aequo caſtigati videri ambiunt, propediem pro legitimis, Romanoque labro non indignis judicentur. Propterea ſincerus, ac omnium iudicio eruditus Aevo noſtro linguae latinae MAGISTER, JACOBUS FACCIOLATUS, in Praefatiuncula VERBIS BARBARIS ab ſe congeſtis adpoſita, egregie, atque cordate: Neque
ve-

vero barbara appello; quod omnium Latinorum Scriptorum familiaritate careant; sed quod mihi ad hanc diem carere videantur. Caeterum multa jam Latio restituta sunt, quae Viri Doctissimi ante ablegaverant. Nec nobis profecto molestus erit, qui horum quoque causam suscipiat, & in Romanam Civitatem per Testes, & Tabulas rite inducat.

At, qua demum ratione veniam impetrem nonnullorum a me inspersorum verborum, quae inusitata, inaudita, peregrinaque merito putes, ac uni solum Genti propria, nec nisi nuper nata? Officiorum videlicet, publicorumque Munerum ac Magistratum in REGNO HUNGARIAE solitorum? qualia sunt: Consilium locumtenentiale, Dicasterium, Tabula septemviralis, & alia hujus ordinis?
Vc-

(a) Academ.
Quæst. l. 1.
c. 7.

*Verum, & hanc ipsam, quae tamen
videri poterat culpam, praesentissi-
ma Advocatione diluit linguae lati-
nae Princeps. (a) Sic enim ille pro
nobis, nostroque nomine te interpel-
lat: Dabis profecto, ut in rebus
inusitatis, quod Graeci ipsi faciunt,
(a quibus haec jamdiu tractantur)
utamur verbis interdum inauditis.
Sunt enim nova, rerum novarum,
facienda nomina. Quod, si Graeci
faciunt, qui iis in rebus, tot jam
saeculis versantur, quanto id magis
nobis concedendum est.*

*Denique, cum a natura simus ita
comparati, ut pro cognata infirmi-
tate facile nobis excidat, quod vitio
detur, quodve crisim subeat; siquid
proinde ÆQUE LECTOR in oculos in-
currerit tuos nostri per seriem Ope-
ris, quod a vero quoquomodo, quod
a mo-*

*a modestia, ingenuitate; quod a
 decentia alienum re ipsa sit, aut
 paullo crudius dictum, & insolentius,
 velim, pro non meo, at pro ejusmo-
 di habeas oro, quod jam nunc ego
 despuam, ac detester. Novi autem,
 inspersisse me punctiunculas quas-
 dam acriores aliquantulum, & plu-
 sculum ferventes exaggerationes; ac-
 cusationes item crebriores, cum AD-
 VERSARIO acerbius nonnunquam expo-
 stulantes: verum ingenue mecum repu-
 tabam hunc esse debere stylum, hanc
 indolem Orationis, hunc tenorem,
 si quis APOLOGETICUM, si quis DIALO-
 GUM scribere constituat. Quare non af-
 fectui, non voluntati meae velim
 tribui; sed formae, moduloque SCRIP-
 TIONIS. Quamquam (ut fatear quod
 res est) justus quaequam dolor ex-
 pressit: cui plerumq; connivendum fue-
 rit;*

d

rit;

*rit; siquidem ob laesos praesertim
 PARENTES PATRIAMQUE, vehementior, ac
 sui propemodum impotens esse so-
 leat. Vale; atque sin minus laborem
 probaveris meum, saltem de HUNGA-
 RIAE LITTERIS probius deinceps existima.*



VIN-



VINDICATIONIS

PARS PRIOR GENERALIS,



QUUM plurima sint, in
quae Homines vi quadam
ingenita propelluntur, at-
que inardescunt; tum illud maxime videtur, quod
NATALE SOLUM, ac Regionem, sub cujus Coelo vi-
tam accepere, & nunquam non ament & tueri ge-
stiant

EXEMPLA,
studii defen-
sandi Patria
mire commē-
dantia, atq;
incendentia.

stiant nervis omnibus, omni conatu, omni ingenio. Inde, quantum, quamque deflagrantem amorem Natura ipsa adversus PATRIAM pectoribus in-
sevit nostris, jam nemo unus est ADVERSARIE, qui ignoret. Quoniam istud & ingenuus quisque apud se persentiat; & Majores nostri omni retro Ætate Litteris consignaverint: atque in luce posita sint praeclarissima, ac in primis miranda complurium Exempla, quibus testatissimum fecere omnino, quam nihil eis fuerit ante PATRIAE dilectionem. Nihil scilicet arduum, nihil praesentis periculi plenissimum, quod hujus amore generis concitati, non ocysime adirent, aggredierentur. Recole memoria (ut pauca de innumeris afferam) recole (velim) Romanum illum CURTIUM, Juvenem profecto post natos Homines inusitata magnanimitate singularem: qui hiantem eventum inauspicato in tellurem, tanquam in rictum aliquem iratorum Fatorum, ausu sese intrepidum praecipitavit, quo Patriae salutem asfereret, atque (ut ita dicam) Urbem absorpturam voraginem satiaret. Quid porro egerit vel *Ponte Cocles*, vel *Mucius igni*; recens adeo ac domesticum est, ut ob immortalem Facinoris amore PATRIAE suscepti gloriam, hodiernum sane videri possit. Sed in CINEGYRI *Atheniensis* fama fortasse peregrinus es? Audi incredibilem Viri incomparabilis fortitudinem. Fervebat conflictio acerrima, eaque navalis: Hostilem ipse interea navem

venemprehendit, atque una manuum constantissime retinebat. Ista subinde amputata, alteram suffecit: tum hujus quoque jacturam passus (dictu mirabile) corripuit ansam dentibus, atque ita dilectam PATRIAM mordicus re ipsa defendavit.

Quo vero ad veritatem, quam persequimur, multo etiam magis demonstrandam (etsi nemini sit controversa) SACRARUM quoque TABULARUM Auctoritas suffragetur, recogita factum illud ELEAZARI profecto eximium, ac nulli secundum. Qui cum prospiceret eminus ANTIOCHUM, immani ex Elephanto horrificum praelium turgide acuentem, immineret vero inclinante suorum Acie perniciēs, atque execrabile Jugum PATRIAE, quid quaeso egerit? quod consilium in arena coeperit? Facto impetu mediam per Legionem, viam gladio aperuit, & citatior subter belluam insiluit: tum subito illa vastae molis perfodit, seseque ingenti, quod mox prolabebatur pondere, tumulavit. Quo nempe, haud equidem inglorie obtrititus ipse & oppressus, validissimam in PATRIAM impressionem si non reprimeret, labefactaret saltem, nutantesque Sociorum animos confirmaret, ac stabiliaret. Sic ille pulcherrimum sibi Funus immortalis facinore paravit, & oppresso corpori non tam tumultum, quam trophoeum superposuit.

Quae cum ita sint, non poteris ADVERSARIAE
non

non aequo animo perferre, non poteris non aequi bonique consulere, dum ego (tametsi alias hujusmodi percelebratis cum Heroibus comparari minime valeam) Amore nihilominus PATRIAE audebo quicquam. Dum videlicet in Te incurrero, Tua severius dispunxero, enervavero. Dum Te, non in summa duntaxat cute perfricuero; sed vero interius quoque vellero, fodicavero. Intra modestiae tamen rectique limites, neque pro mensura delicti. Istud quippe, & affecta injuriis PATRIAE FAMA, aequis a me rationibus contendit, ac pro modo exigat; & mea adversus illam observantia dignum factu, ac necessarium sane judicat: ac te quoque praeterea, haud invite perpeti, minus autem gravate ferre, necesse est. Is enimvero, qui reatum consoivit, jam opere ipso subscripsisse, atque transegisse videtur, ut vapulet demum, ac luat. Quare in faciem se caedat oportet, si poenae, si acceptandae ultioni reclamitet, sibique vim inferri, vel injuriam fieri criminetur.

Et si autem is ego sim, qui dudum Saeculo nuncium remissem; neque propterea inter sit publicis me negotiis implicari, aut streperam aliquam actionem non pertractare modo, verum etiam suscipere; Attamen ut igniculos omnes, prosequendi, tutandique caram PATRIAM restinxisse videri debeam, nemo est, qui pro recto sentiat. Nisi vero putet, oportere, ut Homo nimirum, qui

qui in Mundo versari agereque desuit, simul etiam desinat esse Homo. Quandoquidem autem penitissimus sit Amor PATRIAE, tamque unicuique nostrum, quam prope vita ipsa intimus; neque proinde exui, deserique potest; neque demum culpae tribui cuiquam debet.

Sed unde tandem occasionem sumserim non tam te incessendi, quam (quod potissimum in mente verso) PATRIAE patrociniū suscipiendi; persfacile intelliges, si Dictionem tuam omnino funestam recognoscas, qua Joanni Ernesto HARRACHIO Episcopo Nitriensi, & CAROLI VI. tum Romanorum Imperatoris, in URBE Oratori, haud ita pridem parentasti. Nihil minus quidem, quam vere de te, Dyonisius CRIBELLUS in Nuncupatoria Justorum horum, ac Inferiarum tuarum: *accesserat quaedam Hominis altius in animo insidens in publicum prodeundi verecundia*. Quippe qui non parum inverecondus, in Famam CIVITATIS, PROVINCIAE, totiusque inclytæ REGIONIS e latibulo tuo involasti, invalisti. Melius nimirum tibi te consulturum fuisse putaverim, si te, ac tua luci subtraxisses, notae volucris imitatione: utpote quae clarum in diem provolans, tanquam nescio quid grande adversus Avium Rempublicam admiserit, ab obvia qualibet acrius infestatur. Jam vero ecquod illud fuerit haud sustinendum omnino piaculum, quod abs te in PATRIAM meam perpetra-

*Ratio suscepti operis
latius ducta.*

tratum sit, quove me, omneisque Indigenas meos non modice provocas, ac laceffis, videamus.

Eorum, ad quos spectabat imperio, inde ab anteriore HUNGARIA propius Calendas Majas, hocce Anno XLII. supra CCCC. in URBEM accefferam, atque etiam diversari peregre longiore intervallo, sum iussus. Interea dierum feralis Lucubratio tua manibus forte meis ingesta fuit, quasi diverticulum aliquod (quod ex fronte rei opinatus fueram) quo alieni SOLI taedium quantulumcumque levarem. At ecce, dum paginam secundum paginam voluto, incido inauspicatas in periodos, quibus PATRIAM, CIVITATEMQUE meam, & quanta est, nobilissimam HUNGARIAE Ditionem, tetro veluti carbone foedari, maculari pluri indignissimo convicio, & ignominia, plane deprehendo. En verba tua, integerrima fide exscripta: *Esti Nitriae a me tantus habetur honor, quantus nobilissimae Urbi videatur esse tribuendus, non tamen dissimulabo illius, totisque illis Regionibus communem in Litteris calamitatem: quarum vel nulla est, vel certe prava, & inutilis tradendarum, colendarumque ratio. Ex qua Litterarum infcitia, incredibile est, quantum detrimenti Res Ecclesiastica capiat; quam enormes Christiani Officii perversiones, quam multi, & perniciosi errores in Evangelicam Doctrinam irreperere possunt. Et post pauca: statuerat in Ecclesia sua (Nitriensi) Scholas, quae nullae sunt, instituere, in quibus plures Juvenes alerentur, imbuerenturque litteris & rel.*

Es.

Efferbuit confestim sanguis ad istam verborum immoderationem, cum veritate toto (quod ajunt) Coelo discrepantem, proindeque non immerito stomachum facientem. Atque illico admotis veluti facibus accensi PATRIAE Amoris calentiore sensu, & dolebat vehementius, & qua ratione injuriam longe gravissimam retunderem, ac procul amolirer, sollicitius animo agitabam. Tametsi enim solutior ista, sibi que non constans, ac temere confarta amplificatio (tamquam ab homine fere novo evulgata, atque satis tenui) insuper omnino haberi posset; quia nihilominus in URBE omnium Principe, Divinae, humanaeque Eruditionis Matre, Orbis denique Magistra, atque Arbitra scripta sit, ac etiam publicata; minime autem cum vero congruat, immo per omnia unica sit, quae sane palpari queat hallucinatio, nulla equidem ratione impune, inultaque est toleranda.

Tria sunt autem ADVERSARIE, e quibus optimus quisque, si superiora illa, quae mox excerptissimus, penitus expendat, te quidem & non mediocris postulet imprudentiae, ne dicam impudentiae; &, si non studium adfuisse alienam, existimationem convellendi, profecto cautionem concludat, attentionemque tibi defuisse, indemnem asservandi. Nam primum: non nisi perperam, ac omnino inconsulte agi ab eo quisque videt, qui caecus alioqui, tamen de colore nedum quae-

e

stio-

Lapsus generalis Adversari Scripsit.

tionem instituere, atque persequi; verum & iudicium statuere pervicacius elaboret. Deinde: quis cum Prudentiae Regulis consentire illum, earumque ductum affectari, secum reputet, qui cum privati Hominis conditionem sustineat, necnon a Regione quapiam, cognitione forsan amplius, quam terrarum absit spatiis; tamen, & CIVITATI ipsius Nobili, & DIOECESI percultae, & PROVINCIAE illustri; toti denique eidem ipsi, a Natura haud magis, quam Arte, Virorumque lectissimorum numero, perornatae REGIONI, luculentum, dedecus extremae inscitiae, projectaeque ruditatis, loquaciter, sin minus malevole affingat? Postremo: quis non protinus intelligat, susque deque existimationem alienam haberi ab eo, ac praeterea egregie illum, immo nequiter palpari, qui ita commendat, attollatque praedicatione EPISCOPUM, paullo ante, quam e vivis excederet, renunciatum, & a quo Dioecesis suae curae credita, ne conspici quidem potuit; ut DECESSORES ejus continenti ordine reipsa conspicuos, ac de ECCLESIA sua insigniter meritos, tacite, quinimmo intento fere indice, insimulet? tanquam ad informandum ovium Gregem, procurandamque animarum institutionem totis retro temporibus oscitanter adverterint, aut vix ullam sollicitudinem putaverint esse suscipiendam? Quod quisque percipit esse, cum Barbaris in mortuos desaevire.

Quae

Quae omnia sic inordinate abs te dicta, gestaque fuisse nimis compertum est. Neque fere operae pretium sit, ea tibi destinato, atque ex ordine accommodando, studium, laboremque aggre-
di; res siquidem seipsa liquido elucescat. Tu enim ADVERSARIE, tantum abest, ut HUNGARIAM, Civitatemque NITRIAE, ac DIOECESIM unquam videris, aut peragraris; ut neque eorum narrationem, quae pro libidine conferfisti, cui videlicet fides aliqua utcumque haberi valeat, te a quoquam accepisse, sit credibile: appelles licet ANTISTITEM, cujus Encomia concumulas: licet universos, quibus cum domi illius, dum viveret agebas. Enimvero & ipse PRAESULUM optimus, & sui, quotquot erant tanto cum Viro propius tractare haud indigni, probius omnino, ac magnificentius, de Regione HUNGARIAE, DIOECESI, CIVITATEQUE NITRIENSI senserint, censuerint, judicarint. Id quod maxime est verisimile, pro ea scilicet, qua erant prudentia, religione, honestate; ac etiam ob SOLI viciniam, PRINCIPISQUE communionem amicitia: tum & non modica experientia. Praesertim quum Joannes Ernestus HARRACHIUS, etsi summo inter suos loco natus, tamen in sinu gestiverit, feceritque plurimi, sese in Ordinem NOBILIUM HUNGARIAE, Majorum promerito, ac virtute fuisse adscriptum. Qui profecto, neque sibi victuram gloriam, neque Ne-

poribus decorum, ac delectabile parassent, si nimirum intra imperitum, & rude (quemadmodum tu blatis) HUNGARORUM vulgus coopari, ac referri, & meritis, & impendiis contendissent. Quare, demus licet quosdam in verba projectos, ac fabularum prodigos, secius, atque iniquius fuisse loquutos de HUNGARIA; isti sed vero non de intimis honestissimi illius PRAESULIS Familiaribus fuerint, pronum est intelligere: de novissima proinde Mediastrinorum servitute, aut verius de nauci sorte, mercedulâ, offellâque venalium. Inde percipis jam in ipso aditu Tractationis nostrae, quam deflexa ratione scripseris. Nisi vero in excusationem obtendas, modo memoratorum sublestissimae fidei hominum narratiunculis tibi fuisse impositum. Tum vero impingis in illam sacundissimi TULLII sententiam: *Falli, decipique, tam dedecet, quam delirare.* (a) *Stultitiae autem, peccatum, excusationem non habet* (b). Verum enim, ista minime omnium ad te pertinere velim, pro ea scilicet modestia, quam adversum te gerere constitutum habeo.

Quare, omnem Ego conscitae cumulatioris culpaе injuriaeque complexionem, ad quandam inconsideratam, ac minime certe tolerandam licentiam tuam, tamquam ad caput, fontemque pertinere, satis adsequor, qua (neimine impellente, atque adeo pro arbitrio tuo) de
Lit-

(a) De Offic. c. 19.

(b) De Orat.

Litterarum in HUNGARIA situ, peregrinitate, barbarieq; , praeter fas & aequum pronunciabas . Vel quod de REGIONE remotissima , & vix ulli ROMANORUM (uti putabas) propius cognita , falso etiam servire auribus non anxie metueris ; utpote quum nemo esset , qui de veritate inquireret , quive diem tibi diceret : Vel quod gratificari ambitiosius uni Homini , (etsi jam a consortio viventium segregato) usque pergravi cum injuria totius eximiae PROVINCIAE , CIVITATIS , ac DIOECESIS , religioni non duxeris , immo in partem laudis reposuisse videaris . Quasi vero desideratissimi PRAESULIS decoribus multum fuisset ademptum , dereptumque , ni , dum extuleras illum , ac magni feceras , alienum honorem diminuisses , immo detrivisses . Spondebas in illa tua LAUDATIONE FUNEBRI , *nullam ei falsam laudem se velle asserere* : quam vero falsa , adscitataque sit commendatio , laudare quemquam cum alius derogatione , nemo sanus non percipit . Ecquid namque genuinae ad laudis apparatus facere potest , si nudes hunc , atque despolies famae honestamentis , ut illum convestias ? O praeposteram , atq; perversam laudationem ! Tu proinde quando praecellenti PATRIAE nostrae summa injuria detracta ornamenta ad Joannem Ernestum HARRACHIUM referebas , repetundis excompisti Corniculam , ludificator potius , quam laudator PRAESULIS Or-

natissimi . Quod , quam probrosum videri debeat Viro tam illustri , & ad summa quaecque facto , ipse profecto si viveret , palam faceret , cum scilicet menda tua tſabali proculdubio litura dele-ret , atque expungeret .

Quoniam autem idipſum ego pro virili exe-
qui conſtitui , diſpungamus (agedum) ſingula-
tim , quae indigne , atque infamiter illi tuae in-
fauſtae Praedicationi adplicavi . Ajebas quocirca
non te diſſimulaturum , NITRIAE , totisque illis Re-
gionibus communem in liſteris calamitatem , quarum
vel nulla ſit , vel certe prava , & inutilis traden-
darum , colendarumque ratio . Totidem fane convi-
cia , quot verba . Ecquis tu vero es ADVERSARIE.
quod iſta , porrectiore fronte , ac fere perfricta ?
quod iſta adeo aperte? adeo libere? intemperanter?
Ego vero dicam quod ſentio : tum demum , neque
prius , orbitatem LITERARUM ſenſuros HUNGAROS,
ac etiam NITRIENSES , cum doctiores pleroſque ,
ac magis peritos , aut etiam prudentiores haud
connumerarint , quam tu mihi videaris , ac reip-
ſa exiſtas . Hujusmodi enim , quae tu improvi-
de , atque arrogantius; nemini (putem) docto , pru-
dentique Viro excidere poterant . Quotus enim
quiſque Sapientum eſt , qui praefertim non pro-
vocatus , GENTEM integram oneret contumelia?
palmaris nota oneret ignorantiae ? ac GENTEM
quidem de REP. CHRISTIANA optime , de RE LIT-

TE-

TERARIA haud postreme promeritam ? cujus ipse neque consuetudine usus fuerit , sed neque pro-
modum notitiam antea perceperit ?

Verum , usufruere saepenumero observatum fuit , ut ii , qui de Litterarum incremento , instauratione , ducendisque coloniis tumidius , atque ultra , quam auctoritatis eorum angustiae se se porrigant , differere , percrepareque consueverunt , ut plurimum vix mediocriter sint versati . Pares Gallinulae , quae si plusculum strepiter atque vocalius , parit minus . Pares vasi , quod , quanto vacuum magis , tanto sonantius . Aut etiam illi non dissimiles , qui Bibliothecam conquisitis de industria Codicibus quam instructissimam ambitiose ostentat , Auctores ex ordine nominat , mirifice praedicat , Nuperos Verberibus praestare copiose declamitat ; sed vero

Quid tum ? si totos dormire iubentur in annos

Pulvere conspersi , Et praebent convivio blattis ?

Ipse autem praeter titulos vix attigit unquam ?

Quamquam nihil ego hoc loco de tua ADVERSARIE doctrina , nihil de eruditione statuere velim , quum istud a proposito meo utcumque discrepet . Quare non pertendo quicquam imminuere de aliqua fortasse , qua ob Litterarum peritiam suspiceris existimatione : esto tu multijugi Scientiarum apparatu praedives , esto potiore loco conspicuus in ILLUSTRIBUS ACADEMIIS , quas

VO-

vocatis ARCADUM, & INFOECUNDORUM: in eo tamen coercendus acrius, castigandusque omnino es, quod REGIONIS, ac PATRIAE nostrae decoro Nomini, atque Famae, (veluti contestatum est) notoriis conceptisque verbis derogaris, cum videlicet in HUNGARIA nullas esse Litteras; aut pravae illas, inutilique ratione ~~tandi~~ colique, in Vulgus, publicumque spargere non sis veritus.

*Offiditur vi
tio certi nō
posse HUN
GARIS de-
fectum HI-
STORIAE
Ruderum,
aut SCIEN-
TIAE LA-
PIDARIS
ac NUM-
MARIAE.*

Ecquas enim tu ibi LITTERAS requiris? quas? quas quaeso SCIENTIAS illic atque DOCTRINAS desiderari putes? quarum denique calamitosam Orbitatem operose exaggeras? Percurramus velim (speciatim) potiores quasque. Una proinde illarum fuerit fortasse, quam HISTORIAM RUDERUM, sive SCIENTIAM LAPIDAREM, ac etiam NUMMARIAM vocant? utpote quae ex pervetustis rubidisque nummis, ex semesis & vetustate collapsis molibus, nec non truncis mutilisque statuis, marmoreorum Numinum Hominumque, priscis monumentis, Cognitionem Chronographicam rerum antiquissimarum probe percipit, atque colligit: Anachronismos deprehendit: plura denique, cum scitu necessaria, tum & pulcherrima, ad nostram usque aetatem per seriem temporum deducit, quae immortalis olim pro memoria gerebantur. Fateor equidem huiusmodi SCIENTIAM haud ita pridem eruderatam, in HUNGARIA non tam non deficere, quam locum non habere.

Enim-

Enimvero ut laudabilis , ac proficua ipsa sit (quam
fudate, ac etiam egregie vindicat contra cavilla-
tiones MACEDONIS doctissimus NORISIUS (a) &
frustra infectatur L. SECTANUS nuperis suis mor-
dacibus, ac lutulentis Satyricis) (b) in HUNGA-
RIA nihilominus neq; materiam invenit, neq; pro-
inde usui esse potest. Quippe Numismata Veterum
Rom. Imperii Principum, vix quaedam in arcis ab-
dimus, sed neque in arvis nostris facile repererit

(a) In Adversaria circa me-
dium in fine
Tom. I.
(b) Sermone 1.
Pag. 37. & seq.

Laterani Vinitor agri,

Quisquis & incurvo subigit latia arva ligone.
Minus autem Deorum Simulacra, aut Antiquo-
rum effigies, aut Busta, sepultaque suismet rui-
nis Sepulchra, aut priscorum res temporum,
narrantes lapides & recitantia saxa, e Telluris
nostrae sinibus usquam protrahuntur. Si quocir-
ca ADVERSARIE, SCIENTIAM RUDERUM in HUN-
GARIAM inferri cupias, pro ea scilicet sollicitudi-
ne, quam in nos Litteris excolendos inis, gerisque
ardentiorum, Dissuarium provideas oportet, qui
Moles, inscriptaque vetustis characteribus saxa,
illo comportet, a quibus eam demum opportu-
ne ac percommode mutuemur. Potius namque,
in his, quam in ingenio residere, quibusdam plus
aequo argutis putatur. Quamquam si defectu il-
lius, calamitosa tibi, ac Litterarum experts ha-
beatur REGIO NOSTRA, jam omnibus facile Pro-
vinciis, praeter praecipuas Urbeis ITALIAE (quae

f

ipsae

ipsae quoque superioribus duntaxat annis eam sibi Eruditionem comparavere) hujusmodi infamiam attribuas, necesse est. Quod, quam seipso perspicuum sit, tute ipse observas. Quid vero ? in illustrissima quoque ac doctissima Venetorum Republica inscitia haec, atque ruditas, opprobretur, planum est : Siquidem nullas illic Statuas, quibuscumque agatur harpagonibus, protraxeris. Quippe notum apprime fuerit, ex everfae manu HUNGARORUM AQUILEJAE reliquiis, pluribus ab hinc saeculis Civitatem illam ac Populum, jam fere perditum, de fundo Sinus Adriatici in AEstuariis, scirpos inter & carices optimo sane Fato emeruisse. (a) Ubi proinde neque PHIDIAS ullus, neque PRAXITELES cunctis retro saeculis quicquam caelaverit.

Verum, arbitror ego, nequaquam SCIENTIAE NUMMARIAE, aut LAPIDARIS inopia, HUNGARIAM ruditate, ignorantiaque obsolescere tibi videri ; at PHILOSOPHIAE putem RECENTIORUM egestate, quae CARTHESIUM, aut GASSENDUM, nuperos INVENTORES profitetur ; quaeve MECHANICAE nomen sortita est. Utpote cum utilis non minus, quam jucunda, veritates bene multas nedum contemplatione assequatur ; verum ob oculos usque ponat, & tangi fere sentiri que faciat, ac ipso propemodum facto demonstret. Multis praeterea MATHHESEOS, GEOMETRIAE, STATICAEque interfertis cognitionibus,

[a] Bonetus, Inchoff. ad Annum Chr. 451. 452. Blondus, Laurentius Monachus, Scrip. pro Venetis, Ad annu 452. In d. 6. 50. &c.

*Laus Philo-
sophiae Re-
centiorum,
sive Mecha-
nicae.*

bus, ceu gemmis quibusdam decoretur: quae Mortalium menteis mirifice perpoliant, & ab animantibus longe fecernant. LITTERARUM autem sive bonarum ARTIUM singulare, ac praecipuum ornamentum, & flos quidam delectior jure dici, esseque debeant. Quod adeo exploratum sit, ut videlicet desiderato probatissimae istius PHILOSOPHIAE studio LITTERAE ipsae squalere, & quodammodo oblitteratae esse videantur. Quia proinde HUNGARIA ejusmodi Doctrinae sortem non etiamdum sit adepta, tametsi fortasse in nugacibus, & jejunis PERIPATETICORUM titivilitiis, aut (melius) vitilitigationibus improbo feratur nisu, *nullas iccirco probiores habere litteras jure comprobatur, pravamque, & inutilem earum tradendarum, colendarumque rationem tenere.*

Reor ADVERSARIE, in tua me sensa penitus introisse, atque ex ore tuo fuisse loquutum, dum hasce periodos sic ad palatum tuum subegi. At vero si penuria istius, quam descripsimus, Eruitionis, LITTERARUM OPTIMARUM rudis audire debeat HUNGARIA, jam te quoque in societatem calamitatis accensuerit. Quippe quem non vane ominer in illo ratiocinandi genere parum admundum fuisse exercitatum, si simplicem aliquam, ac enarrantem (Sectas-Philosophicas) Cognitionem, excipiam. Intelligo siquidem Praeceptore DOMINICO LAZZARINO) PATAVII Humanio-

Defectū Philosophiae Recentiorum, qua ipse careat Adversarius, bono jure opprobare queat HUNGARIIS.

res te Litteras, ac vix praeterea aliquid, condidicisse; tum Militiae fuisse adscriptum. Missionem subinde obtenta, ROMAM concessisse. Haec priora illa mitiora Studia, Eloquentiam in primis repetere, atque in ediscendam una JURISPRUDENTIAM, utcumque incumbere; reliquum postea temporis, aut potiore sane partem, in famulatu, & obsequio Maecenatum impendere, insumere, collocare. Quae integra fere vitae tuae Ratio, quam ab optimis Amicorum tuorum recenter edoctus sum, mihi certo argumento fuerit, exiguum te sudorem in MECHANICAE PHILOSOPHIAE gratiam aut eliquasse antea, aut in praesens eliquare; ac propterea minus in ea, aut paullo magis quam HUNGAROS esse versatum. Quod si quocirca illius nobis ignorantiam oggerere pergas ac vitio tribuere, cur quaeso vel hiscere ausis? cur sordes nobis adlinis, ac te ipsum non repurgas? cur doceri nos egere, iudicium tibi arrogas, quum ipse nescias?

*Doctrinam
usumque Ma-
theseos, Geo-
metriae Sta-
ticaeque vi-
gere in
HUNGAR-
IA.*

Jam vero (quod ad propositum propius faciat) longissime omnino a vero abest, *Mathe-
seos, Geometriae, Staticaeque, & hujusmodi RERUM* Cognitiones, usumque earum ab HUNGARIA pro-
fus exulare, aut *pravam, & inutilem earum traden-
darum, colendarumque suscipi rationem*. Enimvero, in ACADEMIA TYRNAVIENSI, quae haud sane mul-
tis ITALIAE, etiam praecipuis (pace omnium dixe-
ro)

ro) excellentiam, praestantiamque concedat; quaeve universis LITTERARIIS DISCIPLINIS insigniter, & amplius saeculo efflorescit; atque bis mille, aut facile pluribus a Discipulis in annos singulos aditur; in ACADEMIA inquam TYRNAVIENSI Publicus MATHESEOS Doctor destinato jam olim liberali stipendio constitutus, & suscepti muneris parteis implet naviter, & HUNGARICARUM LITTERARUM decus egregie sustinet. Alter, in Auri Argenti-que, nec non Hydargyri five Mercurii, Cinna-baris nativae, Antimonii, Aeris, Cupri, Stanni, Plumbi, Ferri denique, clarissimis HUNGARIAE Fodinis; hoc est: in Civitate praepotenti nobis SEL-MECIO, SCHEMNICIO Teutonibus, quae Montanarum Urbium fere princeps est; alter (ajebam) urbano alios, alios regali sumptu, in modo commemoratis DISCIPLINIS non modo continenter, at cumulado etiam cum fructu instituit. Immo immo in hac ipsa, ac aliis (quae complures sunt) metallorum quorumvis feracibus CIVITATIBUS, admiranda praedictarum ARTIUM, ac sane prodigiosa, & incredibilia opera, (quae nusquam tota qua patet ITALIA conspicias) quotidie fieri, novaque novis superinduci

auribus arrexis, atque ore patente stuperes.

Illic siquidem in barathris, quadringentos, & amplius pedes intra petrarum perpetuarum, sinus defossis, alibi restagnantes, ebullientes alibi

bi aquas, metallorumq; fossoribus officientes atque importunas, inde ab imo (quod vix credas, minus autem capias) ignis (adversum elementum) ignis prorahit, & eiecit incredibili copia, modo prorsus inusitato. Illic ab remotissimis hisce, altissimisque cavernis, ac voraginibus, aer malignus propulsatur, & alius humanae salubris respirationi, a terræ facie insufflatur. Illic a pluribus passuum millibus per media cavatorum saxorum, montiumque immanium viscera, invita, ac remurmurans unda contra naturae ingenium susdeque, perducitur, & ad officinarum fabricarumque innumerarum usus, fit obnoxia. Haereres, tuique impos (nil verius) fieres, dum coram intuerere admirabili illam artificio, unam eandemque, centum diversa operari: ignes accendere, sufflareque; rursus restinguere: petras quaterere, comminuere; aurum, argentumque a pulvere secernere; attollere machinas, tuditesque, ac malleos immeni ponderis: huc demum, & illuc, antrorsum, retrorsumque, modo languidius, modo vehementius, nunc pleno alveo, iterum per siphunculos & canaliculos, pro rerum exigentia praesto esse: nutibus denique Praefectorum exactissime obaudire.

Illic praeterea montes nubibus immissi, & insinuati, ac perhorridis vallibus dividui, opportunissimo viarum compendio summos apud vertices copulantur, plananturque: ut praesto non

ca-

capias, qua ratione factum sit, quod insuperabilia, & vix avibus habitata cacumina, planum, & coaequatum iter, curribus, hominibusque praebeant. Illic postea, de pusillo lapide e vena terrae metallica deprompto, aurum ab argento, cupro, stanno, plumbo, Artifices illi scientissimi igne iudice in conspectu separant, ac discernunt. Atque quod observavi quidem, assequi tamen haud poteram; noverunt homines longe peritissimi quot auri, argentique unciae delitescant hac certa in congerie concretorum etiamdum, ac temere in pondus sumptorum lapidum. Dies me tandem defecerit, si universa Artefactorum portenta narratione complecti velim, quae in HUNGARIAE Fodinis Viri MATHESEOS, ac omnis GEOMETRIAE, STATICAeq; oppido gnari, in dies emoliantur. Quae sicuti acutissimae industriae sunt, ita opimum censum reddibent, & maximam impensam levant. Ambigis ADVERSARIE? adi velim, tumet vide, tumet inspice, tumet perlustra. Quod utinam, factum abs te fuisset, antequam HUNGARIAE Eruditionem tua unius licentia, non experientia propria, non ullius probati Fide, auctoritate ac iudicio, susceque ferre in animum induxeras.

Sed jam ad PHILOSOPHIAM, quae hodie RECENTIORUM audit, sermonem destinato advertamus. Et vero, haud quemquam praeterit, varium & mutabile VULGUS, quemadmodum novorum percipi-

cupidum esse solere; ita dato veluti Classico ea mox complecti, & consecrari. Secus tamen sentiendum de SAPIENTIBUS. Quippe quibus convenit licet mutare consilium, haud praepropere nihilominus, ac repentino: verum cum ratio suadet, cum jubet aequitas, cum apertae, aut saltem lucidioris veritatis pondus eodem inclinat. Posthaec, nemo nescit ante CARTESIUM, GASSENDUMQUE, & alios, quos aetas tulit novior Philosophos, PERIPATETICORUM Doctrinam toto Christiani Orbis ambitu plurima Saecula viguisse, neque vero etiamdum (uti locutulejus hic, & ille obstreperit) prorsus collabascere, sed adhuc dubio procul mole sua firmiter consistere.

Hujus Author (quid enim magis evulgatum?)

ARISTOTELES STAGIRITES *Vir summo ingenio, & Scientiae copia: (a) quo quis doctior? quis acutior? quis in rebus, vel inveniendis, vel judicandis acrior unquam fuit? (b) Summus utique in omni Doctrina, & immensae subtilitatis (c). Quem dubito Scientiarum, an Scriptorum copia? an eloquendi suavitatem inventionum acuminem? an varietate operum clariorem putem?* (d) Nec vane proinde a PLATONE praedicatum *Anagnosten, & veritatis Philosophum, & mentem Scholae.* In hujus igitur litteraria monumenta, quae auro, cedroque dignissima, Doctorum Antesignanis continenter habita sunt, post alios, THOMAS inprimis de AQUINO, & JOANNES DUNS SCOTUS (Ma-

*Comendatio
Philosophiae
Peripatetico-
rum ab An-
tiquitate; ab
Autore; a
Sectatoribus
postea; nam-
que ab usu Ec-
clesiae.*

(a) Ex Cic.
Tusc. Disput.
l. 2. c. 3.

(b) Ex eodem
alibi.

(c) Ex Plinio.

(d) Ex Quin-
tiliano.

PARS PRIOR. 49

(Magistri profecto divini, ac Caelo potius demissi, quam communes terrae filii, etsi in nonnullis haud tantae molis, dissentientes) insignes Commentarios elaborata collectione, accuratiorumque, ac disputatione plane confecerant. Qui deinde longissimis temporibus FAMILIAS duarum SECTARUM PERIPATETICARUM (cunctorum iudicio principes) duxere, citra audaciorem cujusquam refragationem. Quo factum, ut PERIPATETICORUM DOCTRINAM tantis DUCIBUS provectam dum Mundus ERUDITORUM quaquaversum completeretur, dumque huic certe uni adurgeret, ECCLESIA quoque SANCTA DEI eidem ipsi plurimum constanter tribuerit. Atque adeo ad Sacrosancta usque Dogmata, quantum fas erat, illam cooptaverit, ac veluti consecratam, proque sua quodammodo receptam, eis subservire, (& ut ita dicam) ancillari jusserit. Id quod non obscure innuit Praeceptor Angelicus Primae Partis Quaest. prima.

Lapsu porro saeculorum curiosius quibusdam rerum principia rimantibus, improboque studio, ac demersione pervestigantibus, ad quae nimirum tanquam primigenia Elementa singula Mundi corpora, ad quas origines, causas, primaeque semina, tot enascentes longe disparatos effectus reduci certius, revocarique oporteret; plura pro incunctis diutissime tradita ARISTOTELIORUM SCITA PLACITAQUE, tanquam cum vero minus, quam

*Causae Primae
cedendi Re-
centioribus
Philosophis
à Doctrina
Peripateti-
corum.*

50 VINDICATIONIS

(a) Ex Str.
bone Platarch.

creditum fuit, consentientia, sed neque tandem ARISTOTELIS genuina, insuper habenda esse censuerunt. Siquidem adinventum sit (a) Clarissimi alioquin, ac sine dubitatione PRINCIPIS PHILOSOPHI SCRIPTA authentica, (quorum THEOPHRASTUS NELEUM SCEPSIUM fecerat haereditem) diu terrae defossa haesisse ATTALICORUM Regum metu: Atque tandem, cum jam pene blattae, ac tineae ea depasta, cum humor labefactaverat, cum injuria loci corruerat, eruta, APPELLICONI TEJO vendita fuisse: a quo, sicuti postea (e Graecia per L. SYLLAM ROMAM translata) abs TYRANNIONE quoque GRAMMATICO, prout visum fuit, aut fieri potuit, multis repositis, additis, detractis, permutatisque, & substitutis, interpolata, proindeque sublesta fidei haud parum admodum esse reddita (b).

(b) Videndas
Exerc. Patadox
Gassendi to. 3.
lib. 1.

Vetusta licet, sed obscura, & contempta iniuria Recentioris Systematis, compingentis subflautias corporeas ex Atomis, vel fors etiam Moleculis.

(c) Vide Fortunatum a Brizia in sua Phisica.

Qua de causa (uti existimatum fuit) aequissima, RECENTIORES isti PHILOSOPHI nova SYSTEMATA, INSTITUTAQUE PHILOSOPHIAE, haud parum inter se dissidentia, ad veritatem indagandam adornaverunt: quae in GASSENDO, CARTESIO, NEUTHONIO, aliisque. Ut autem invidiam ipsi novitatis frangerent, Doctrinam recens increbrescentem, illam cum primis de Atomis, vel Corpusculis, sive moleculis exilibus, ac minutissimis (ut dicam) loci capedunculas implentibus, vetustissimis a TRITAVIS, & bello usque TROJANO antiquioribus ABORIGINIBUS repetunt (c). Itaque ad OCHUM usque.

PHOE.

PARS PRIOR.

51

PHOENICIUM, ac MOSEM ipsum, ejus veneranda cunabula reducunt. (a) Luculentius tamen DEMOCRITO, & EPICURO, disertioribus nimirum Satoribus, & Inventoribus gloriantur (b). Quamquam autem CACERO, Homo acerrimi judicii, & aequi rectique studiosissimus, expendens DEMOCRITI, atque EPICURI Commentationes, candide id, quod senserat enunciaverit (c). *Effici complexiones, & copulationes, & adhaesitationes Atomorum inter se, ex quo efficeretur Mundus, omnesque partes Mundi, quaeque in eo essent; res tota ficta pueriliter: Quamquam deinde ipse quoque CARTHESIUS secretiore Numine (putem) impulsus, in haec verba eruperit: Illa mea de Principiis fabula; tamen labore incredibili, indefessa contemplatione, sudatis lucubrationibus cum rara ingenii perspicacia conjunctis, eo rem adduxere aliquando, noviores isti PHILOSOPHI, tantundem illustravere, explanavere, atque ad explicanda phaenomena, & insolita, aut recondita Terrae ac Caeli, rerumque sub sensum cadentium arcana, accomodavere, peregrina ista, aut obsoleta, & inusitata retroactis lustris DOGMATA, ut sapientissimi hodie, iique permulti Viri, eis non quomodocumque, aut assentando; sed plene omnino, atque ex animo assentiendo adhaerescant. Illorum de numero cenferi, propalamque indicari, & gestiant, & gloriae, ac eruditionis potiore loco reponant.*

g 2

Quod

(a) Extinctio demonstrat Evangel. Prop. 4.

(b) Vide Fort. a Brizia in sua Physis.

(c) De Fin. bon. & mal. l. i. c. 6. 19.

Hodierna incrementa Systematis Molecularum, vel etiam Atomorum.

Quod io! Felix, Faustum, Fortunatumque sit.

Quum proinde (ut a diverticulo redeamus) quum inquam HUNGARI, ista *auspicato*, & *arvibus addicentibus* coepta, jamque per ITALIAM, GALLIAM, BRITANNIAMq; singulares eruditae EUROPAE Parteis propagata, peropportuna & expeditissima philosophandi ratione nondum initiati sunt; contra vero in spinosa PERIPATETICORUM abstractione occalescant, illudque intricatissimum sciendi genus, aridum praeterea, jejunum, enectumque, dedita contentione affectentur, istud forsitan in causa fuerit, ut nullas ADVERSARIE iis tu germanas esse, frugique LITTERAS, aut *prava illas*, & *cassa tradi*, *colique methodo*, prorsus autumes, & apud te omnino concludas? Verum, si ita quidem, vide sis, quam parum caute. Etsi enim HUNGAROS neque sciam, neque etiam velim ex eis esse, *qui rationem nullam reddunt, sed ad majorum judicia confugiunt, quod illi Sapientes fuerint, illi probarverint, illi scierint quid esset optimum:* (a) *maluntque errare, eamque sententiam, quam adamaverunt, pugnacissime defendere, quam sine pertinacia, quid constantissime dicatur, exquirere:* (b) *utpote, Vel quia nil rectum, nisi quod placuit sibi, ducunt; Vel quia turpe putant parere minoribus, & quae Imberbes didicere, Senes perdenda fateri* (c). Etsi (dicebam) GENTILES meos, neque sciam, neque velim hujusmodi esse; quippe qui RECEN-

(a) Clem. Alex.
Strom. l. 1.

(b) Laëtant.
l. 7. Divin. In.
Rit. c. 5.

(c) Hor. l. 1.
Ep. 1.

TIORUM PHILOSOPHIAM nedum non subsannant, verum & suspiciunt, & suos in usus plura ab eis sublime cogitata, utilissime inventa, perbelle elucidata, ac sapienter ordinata, in usus inquam suos jam dudum traducere orsi sunt, ac deinceps quoque sunt amplius traducturi: tamen si etiam obstinatius, atque mordicus, unam PERIPATETICORUM Doctrinam retinere pergant, quam per manus ab ABAVIS accepere, minime profecto hac re *nullas ipsi Litteras, aut pravas, & inutiles* habere dici poterunt. Etenim nondum sane, nisi quadamtenus, ac tenui conjectura comperitum est, eos (ARISTOTELIOS) vere ac genuine, non esse; siue germanam tanti Magistri sententiam ad eos haud pervenisse, sed ascitam aliquam, sed subreptitiam. Tumvero, nondum certe ipsi per AEMULOS hodiernos, ex ARCE si non manifestae veritatis, saltem paris, & aequae probabilitatis (quantum quidem ego adsequor:) sunt exturbati. Insuper: ASSERTA; DOGMATAQUE illorum, ad explicanda usitato more Christianae Religionis MYSTERIA multum, commodumq; succurrunt, ac subveniunt: Cum potissime de Sacramento Eucharistiae, cum de Distinctione in Divinis, de Assumptione Naturae Humanae ad Sacrosanctam (uti vocant) Hypostasim, nec non aliis summae considerationis momentis, quaeftio instituitur. Atque praeterea, Duce, Praeceptore, In-

HUNGA-
RI medū non
asparnantur
Recentiorū
Philosophiā;
verum me-
liora quaedā
ex ea deli-
bant.
Tameisiantū
Peripateti-
corum unam
illam, con-
stanter vesti-
nerent, non
ob id pravas
Litteras ha-
buerint.

54 VINDICATIONIS

(a) Tust. Qu.
L. I. c. 17.

Interpreteque ac Doctore, THOMA illo, humana sane ingenia praeterveſto nitantur. Cum quo fere ſatius, quomodo Cicero (a) cum Platone, errare malle queant, quam cum iſtis nuperis PHILOSOPHIAE INSTAURATORIBUS, vera, (ſi tamen ſint) ſentire. Adde: quod M. TULLIUS, tametiſi, PLATONEM maximi ſemper fecerit, inque Altra extulerit, ac *Deum quemdam Philoſophorum* quodam loco nuncuparit, de PERIPATETICIS nihilominus immortalem commendationem expromat: *Peripatetici inquit familiares noſtri; quibus nihil eſt uberius, nihil eruditius, nihil gravius* (b).

(b) Ibid. c. 3.

Ac denique; ſi tibi ADVERSARIE LITTERARUM cultarum rudes HUNGARI, quia PERIPATETICI; univerſus litteratus Orbis, ROMA ipſa. Studiorum ALTRIX maxima, ipſa ITALIA longe florentiſſima, totque poſtea ingenia, ac celeberrima SCRIPTORUM Nomina, qui litterariam Remp. pluribus retro ſaeculis cumulo Eruditionis cenſu adauxere, indoctum quid fuerint, aut fucum ſolummodo aſſimulatae cujuſquam Doctrinae vel nuper oſtentaverint, eſt neceſſe. Quandoquidem, & omnibus hiſ, & ubique, & continenti ordine PERIPATETICA PLACITA, SCITAQUE ac THEOREMATA, paucis ab hinc Calendis, atque ſemper antea, adprobata fuerint & recepta. Conſequens praeterea eſt, ut eodem inſcitiae dedecore confundas cum HUNGARIS inclytiſſimas Academias,
Lo-

LOVANIENSEM, DUACENAM, SALMATICENSEM, CONIMBRICANAM, COMPLUTENSEM, COLONIENSEM, PRAGENSEM, VIENNENSEM, OENIPONTANAM, & reliquas haud p̄o numero: in quibus non alius certe in praefens, quam ARISTOTELES, DICTATOR MAXIMUS, jura legesque philosophandi praestituit. Cum autem haud arbitrer istoc audaciae genus te arrogare, ut nimirum adversus tot tantaq; LITTERARUM pervetusta DOMICILIA, immo quaedam EMPORIA judicio inturgeas; non erit cur hac de caussa (quam pene mei immemor prolixius pertractavi) HUNGARIAE egregias deesse LITTERAS occlamites, aut inhonora illam inscitia sordescere.

Quare (amabo) dic aliquando ingenue, quae illae insignes (quas oggeris) LITTERAE, in PATRIA nostra prorsus incognitae sint, ac peregrinae? Nisi vero Graecae fortasse, Hebraicae, Chaldaicae, aut AEGYPTIAE? quibus ERUDITAE quoq; ITALIAE Civitates plerumque viduae sunt. Enimvero, ni exoticas aliquas fabaudias, aut ejusmodi, sine quibus, egregiae frugique LITTERAE adhuc nihilominus nominentur, ac reipsa sint; ni hujusmodi (inquam) LITTERAS intelligas, atque praefracte exigas (quamquam, & harum aliquarum quisquam vigor sit in HUNGARIA, praesertim GRAECARUM, & HEBRAICARUM) equidem quotidianae, solidae illae, usitataeque LITTERAE, in HUNGARIA nedum hospitium pervetus obtinent, verum

etiam

*In HUNGARIA Ad-
est usus qui-
dam Hebrai-
carum, Grae-
carumq; Lit-
terarum: So-
lidae vero,
& usitatae,
aliae Litte-
rae, ac Dis-
ciplinae, om-
nino florent.*

etiam Civitatem, & necessitudinem, & pretium, & cultum. Viget proinde illic, & viget sane haud mediocriter, primum quidem THEOLOGIA, sive illa quam THEORICAM, seu SCHOLASTICAM appellant; sive quae POLEMICA dicitur, atque Controversias *Orthodoxos* inter, ac *Desciscentes* agitat, horumque perperam sentientium putidos nervos elidit: sive POSITIVA, quae de Scripturis, Traditione, Conciliis, Patrumque consensione, tanquam illimibis, & luculentis Fontibus ad liquido demonstrandas Sanctae Religionis Formulas, argumenta rite ducit, ac derivat. Sive demum illa MORALIS, quae ad Virtutem instituit, Legem Dei pariter & ECCLESIAE proponit; Noxiae, quae, & quantae sint, quive devitandae, plectendae, expiandae, recte atque ordine informat. Viget praeterea JURIS CANONICI, (quod ajunt) pluribus in locis; CIVILIS item & (ut plurimum) MUNICIPALIS studium, usus, exercitatio: Ut profecto Causidicorum, & Advocatorum *utriusque Fori*, Greges usque circumagat Gens illa nostratium, litibus agitandis, dicendisque Causis (quid enim negem?) multum implicita, assuetaque. Quam eapropter veteri proverbio Finitimi dictitent *aut calamo, aut gladio continenter bellum gere-re*. Praelegitur postmodum PHILOSOPHIA PERIPATETICA; quam tamen Quaesitis etiam *praefectis*, ac navae experientiae subjectis, non-raro

raro interpolamus: quo feriatum tantisper ab *secundis intentionibus* animum, recreemus, & quippiam oblectamenti admisceamus abreptae, ac fastidiosae contemplationi.

Quod si porro tantundem ego extulero, ac magnificavero Res nostras, quantum tu ADVERSARIE commisisti, ut deprimeres; atque si de GRAMMATICAE, POESIS, RHETORICAE, ac utilissimæ Artium, quae dati, acceptique Rationem, conficere doceat, DISCIPLINIS, collatio fiat, haud equidem erubescam asserere, non longe admodum HUNGARIAM esse inferiorem jam nunc ITALIA. Et si autem non me praetereat, ultroque admit-tam, in praecipuis ITALIAE Urbibus (a quibus, tanquam scatebris optimae in Orbem Litterae, perpetuo dimanarunt) ELOQUENTIAM in primis, ad primaevam venustatem, qualis TULLII tem-poribus enitebat, postliminio jam fere redivisse; minime tamen concesserim Sermonem lati-num, ac totas mitiores Musas percrebuisse ma-gis, magisque esse familiares, ac denique usu fre-quentiores, quam in HUNGARIA. Ut sane, poli-tioribus licet ITALIAE Litteris auream esse reddi-tam Aetatem jure propemodum venditare po-tueris, tamen non nisi perperam, atque injuria abs te dictum sit, *nullas HUNGARIS, aut pravas, & inutiles possideri Litteras*. Quippe, (demus) mediocritatem illas non exaequare; in arduis ni-

In HUN. GARIA Latinae Litterae adeo frequentes, ut vix usquam magis: neque sane pravae & efferratae: ut ejusmodi minimum, qualibus Adversarius co-spicuum se putat.

hilominus , atque praeclaris (teste CICERONE) etiam mediocritas laudi est . Quamquam (ut intrepide fatear quod res est , Humaniores nostrae Litterae , aut AENEAE profecto AETATE castigatiores , & elimatiores plerumque sunt ; aut propediem cum ARGENTEA quoque comparandae , vel eidem plane antecessurae .

Verum addubitas ? Sed immo inficiaris pervicacius , quemadmodum caepisti , haec talia , totidemque Scientiarum , ac praestantium DOCTRINARUM , quae conduiverimus subsidia , & honestamenta HUNGARIAE suppetere ? Adi velim (qui enim facilius credas ?) adi TYRNAVIAM , CASSIAM , BUDAM , CLAUDIOPOLIM , JAVARINUM , PISONIUM , NITRIAM , VACIAM , ZAGRABIAM , SEMPRONIUM , PESTHUM , AGRIAM , COMORRAM , GINSIUM , EPERIESINUM , SZEGEDINUM , VARADINUM , TERENTIUM , LEUTSOVIAM , NOVUMSOLIUM , QUINQUEECCLESIAS , & alias complures REGIONUM nostrarum CIVITATES ; in quarum singulis , si non ubique congesta adjunctaque omnia , dispersita profecto reperies & florere haud postreme , & uberi etiam ac opimo fructu communicari frequentissimam Juventute . Quo fit (ut nihil dicam de PHILOSOPHIA , ac THEOLOGIA , de quibus jam aliquid , pluraque dein) quo (inquam) fit , ut sane non debeant DIOGENIS lucerna perquiri , qui in stylo ORATORIO , POETICO , HISTORICO , sin minus controversiam fecerint

rint CISALPINIS, tecum saltem, quantum hoc in genere valeant, periculum facere semper sint comparati. Atque age fodes

*Congredere Eloquentio, vel Carmine, delige quod vis;
Ipse ego pro Sociis pergam contendere vires:
Nec certe ancipiti tecum concurrero Marte.
Scilicet baud tantum, quantum si me affiliat mus,
Te moror; aut vespis pugnet si musca lacertis.
Et mihi vena salis, viget & mihi Carminis ardor,
Me quoque nutrices Vatem finxere Sorores,
Aptaque Castalia tinxere aspergine labra.
Atque meo pariter confedit Tullius ore,
Non prorsus macer, exuccus, jejunus & ille:
Sim licet exiguus, neque par Nostratibus usquam.*

Quid vero? oblectari? aut quicquam adhuc obtendere ausis? Ita equidem. Transmittis enim vero, compluribus HUNGARIAE locis tractari, & condoceri qualescumque Litteras; at pravam, & inutilem denique earum tradendarum, colendarumque rationem teneri. O quo te Minervali, queis te condicis stipendiis demereamur! exoremus! advocemus! ut rectam illam, illam accuratissimam, multo maxime exactam, atque tandem utilissimam Litteras instillandi, laevigandique rationem, quam pectore oculis, quam Orbem Litterarium, ac nos praesertim avarus celas, nostras in oras, in Gymnasia Lyceaque nostra, tu novus sincerioris, ac rarioris Litteraturae Pa-

Perstringitur arrogātia Adversarii, qua licet censet, pravam esse & inutilem Litterarum tradendarum colendarumque Rationē in HUNGARIA.

rens, bonis quamprimum avibus adportes, introduces. Pro! quantum nobis dolet, nullam hactenus de te famam, nullum vel minusculum rumorem, nullam quamlibet tenuem notitiam ad nos permeasse! Scilicet, quantum suo divino PLATONE doctissima ATHENARUM Civitas glorianta olim fuit; tantundem (*si parva licet componere magnis*) tantundem propemodum nos esse, plausuros, dum tui nobis usuram impertiveris. Quin ades? Quin advolas? Quin velis remisque deproperas HUNGARICARUM LITTERARUM INSTAURATOR, ac Dius certe STATOR aliquis, omni deinceps aevo dicundus? *O! quid perdidit, qui te audire non potuit!* (a)

(a) S. Aug. l. 4.
contra Jul. ep.
imp. C. 119.

Inde, concludi necesse est, Homines nostrates, etsi permulti exteris Provincias viferint, peragrarint, introspecterint; etsi plurimi in hac URBE omnium principe, praestantissimas Litteras condidicerint (pro cuius rei fide Collegium Germanicum, & universos (qui Romae sunt) Inclytae SOCIETATIS Viros, ipsumque Sapientissimum MINERVAE Coetum appello) concludi inquam necesse est, Homines Nostrates, Purpuratos alios, alios Primores, Praefules alios; Presbyterosque, ac Regularès, (verbo) omnes illos, penes quos hoc in genere summa Rei semper fuit, ac quidlibet constituendi potestas, aut adeo stolidos obtusosque fuisse tua sententia, ut praeclaram

ram

ram inter, ac depravatam Litteras communicandi methodum, discerniculum haud invenerint; Aut inertes adeo, & supine oscitantes, ut probiorem illam PATRIAS in SCHOLAS invehendi, negotium sibi minime unquam duxerint fumentum. Te contra tibi videri cum esse, qui ante omnes illos pernoveris, quam videlicet probatissimam rationem usitari oporteat, maximeque expediat in recte tradendis, percolendisque Litteris: Atque qui prae cunctis iis, idem ipsum exequi valeas. E quibus reor adsequeris, quam difficili, scopulosoque loco versere, inde quidem odium tibi, hinc despiciatum non impune conflando.

Nam cum omnis arrogantia odiosa est, tum illa ingenii multo molestissima (a). Fac proinde (quod Veteres dicebant) *in tuum ipsius finem inspue* (b) At, siquidem usque adeo perspicax ac lynceus tibivideare, cedo (velim) quam tu pravitatem observare poteras, quae in perverse, ac supervacaneae tradendis Litteris, in HUNGARIA inveteraverit? Ego vero si me sustines, si fastidium, si molestiam non faceffo, referam disertius, ecquidnam ex usu sit, MODERATORIBUS HUNGARIS, ad formandos bonis Artibus Adolescentes: id quod ipse in me Puerulo fuisse praestitum vive memini; tum vero quamdiu domi agebam, propius animadverti, comperi, exploravi.

PUERULI quocirca aliquanto post, quam dulcium uberum suctu amoti sunt, dum videlicet

(a) Cic. in Q. Cacc. num. 16.
(b) Plin. l. 28. c. 4.

*Methodus
tradendi Ele-
menta Lit-
terarum ac
Pietatis, in
HUNGARICA.*

cet pappant jam ipsi commode atque lallant, ad annosque discretionis petigisse indiculis non obscuris produnt, sextum itaque, aut septimum Aetatis ingressi, vel emensi, Nobiles quidem universi, plerique omnes civili conditione nati, sed & populares non pauci, aut Paedagogis Domum conductis, aut LUDI LITTERARUM Rectoribus apud omnem (quod dici receptum est) Parochiam, publica pensione constitutis; aut potissimum VIRIS RELIGIOSIS committuntur; JESU nimirum SOCIIS, vel (ut plurimum) REGULARIBUS CLERICIS, a SCHOLIS PIIS nuncupatis. Hi ergo qua fieri potest facilitate, Elementa primum Litterarum, internoscere; tum syllabas innectere; mox lectitare expedite; postea memoriola quaedam complecti ac etiam depromere, eos condocerunt. Adhæc: ductatis blande palmulis apices exarare; Pietatem superos deprecandi quam a Parentibus, aut Nutriculis combiberant, adaugere; Rudimenta Fidei Christianae ordine ediscere, proque modulo concipere, ac declarare. Paullo tardius, Nomina rite per casus, verba per modos, & tempora (uti Grammaticis loqui usuvenit) inflectere: Notiones deinde ac proprietates octo partium Orationis primoribus quasi labris delibare: brevem demum curtulas quaspiam, easque familiares periodos latino sermone apte construere, intendendo ad regulas assidue, quibus convenienter operari

ri debeant, ni ferulam non expavescant.

Simul autem in promptiore nisu Characteres expingendi illos exercitant; nec non *Decalogum*, *Praecepta Ecclesiae*, *Sacramentorum* numerum, fructum, usumque perdocent. Methodum denique labeculas sacro in Tribunali detegendi, easque ob amorem piissimi cumprimis Numinis detestandi, naviter instillant. Hipostmodum, ii nimirum, quorum paterni lares publicis a Schottis remoti sunt, tum & omnes alii, hunc in modum e vitae simul Litterarumque cunabulis utcumque educti, Insignioribus in Oppidis, ac Civitatibus aggregantur: quo videlicet (ceu de nidulis educti pulli) jam proprio quisque conatu altius in studendo nitantur, aemulatione plurimum animos incendente, atque alas addente. Isthic de amiculis, Hospitio, alimentis, locupletiore Domo natis Genitorum impendiis abunde prospicitur: alii in Seminaria, & Convictus Piorum liberalitate eum in finem excitatos, ac locupletatos, cooptantur. Ubi plerique Saccularis vitae institutum retinent, multi Clericalem in ordinem adleguntur; omnes autem ad praescriptam vivendi normam, sanctam ac salutarem, sese componere, ac diem ex die ordinate ducere omnino jubentur. Egentiores tandem, (queis Domo vix quicquam suppetit, praesertim ob loci distantiam) cum per Studiorum occupationem vacat, subsidium apud

apud divitiores rogitant, pro laudabili (quæ obtinuit) victitandi ratione. Cujusmodi pium in primis subsidium, ultro ac munifice optimi Homines elargiuntur, jam recepta in consuetudinem benevolentia. Inde profectum, quod non pauca sane numeraveris Municipia ac Civitates, quæ levi calculo tercentum Alumnulos, (hoc modo opitulatae) sustentent, eisque ad STUDIA LITTERARUM profequenda, praesenti sint adjumento.

Hujusmodi quocirca in locis (quæ frequentia sunt) GYMNASIA & ACADEMIAE, confertissimae patent Juventuti. Quam viri, qui nomine SOCIORUM JESU (uti diximus,) atque CLERICORUM PIARUM SCHOLARUM censentur, post illa, quæ praemisimus, GRAMMATICAE deinde consummationis INSTITUTIS, adeo perfecte confirmant, atque etiam expoliunt, ut jam Adolescentuli, & (quod EUROPA demiratur) novenos (plurive minusve) annos nati, expedite, prompte, perindeque latinam, ac vernaculam linguam loquantur. Sive demum istud felici faciliqûe Gentis indoli, sive diligentiae Magistrorum, sive (quod verius sit) utrique imputes. Neque loquantur solum ex usu quodam ipsi & Psittacorum instar, sed vero uniuscujusque *Syntaxis*, sive *Periodi*, *generum* item, & multiformium (in quas voces permutantur) flexionum; nec non variorum construendi modorum, cum regulam, tum & causam subi-

*Methodus
tradendi Institutiones
Grammaticae in HUNGARIA.*

subito reddere pernoverunt. Quin & dubia ex adverso posita distincte enodare, refellere, conciliare: Omnia vero latine; quasi qui de HUNGARIS in LATINOS cito abierint, materni sermonis adjumentis non amplius indigi, ac illius vix fere memores.

Quo ex fonte promanavit, quod in HUNGARIA qui de vulgo usque, & mediaistorum humilitate sint, non raro admodum offendas, qui licet ignavia, aut iniquiore fortuna, vel aliademum ex causa, studiorum adminiculo meliorem ad conditionem non assurrexerint; tamen intrepidi, cum percunctatus es, latine respondeant; Doctrinamque constanter, ac tenaciter retineant, quam rudibus annis accepere: tametsi ipsi Ollas inter & Cacabos, inter tripodes, & alveolos, subulas inter & acus, inter stivas & strigiles, inter armenta gregesque versentur. Quamquam ista non ad invidiam, verum quia res ita tulerit, dicta sunt.

Quare si pateris, geminum exemplum ad istud propositum faciens non incongrue sum allaturus. Accidit haud ita multo abhinc tempore, quod Viri Religiosae cujusquam Familiae, ruente imbri contexto per arva curru processerint, dum subulcus opico gregi pascendo advigilans, propius viam consisteret. Hi ergo inaccessa Dei judicia admirati, elatiore voce la-

*Ex optima
Magistrorū
Institutione,
Gentisque,
felici Indole,
usus ac periti-
tia Linguae
Latinae, mul-
tum frequē
usque Pue-
rullis, ac etiā
postremae for-
tis Homini-
bus in HUN-
GARIA.*

*Exempla
Pecuariorū
Latinorum,
& opinione
magis erudi-
torum in
HUNG-
ARIA.*

tina, haec invicem: Homo iste nihilo fecius, atque nos, ad *imaginem* Dei factus, Divini Cruoris lytro assertus, ad cepeffendam fempiternam Beatitudinem ordinatus, en cum Caeli nos injuriam commodiffime arcemus (qui fortaffe in ftatera ne paullo quidem plus appendimus) ipfe tamen dedecorofam ad sortem damnatus, in gratiam foediffimarum pecudum tanto sub nimbo alget mifere, ac tremifcit. Ille contra, fermonebus intentus, appofite, ac praeter opinionem verfum hunc latinum Vatis Tomitani subne-
xuit: *Paſſibus ambiguis metam properamus ad unam.* Tum ftupere illi, quaerere, urgere, num quidquam latine fari noſſet? ubi gentium didiciſſet? an vellet ad honeſtiores victitandi conditionem pertransire? Repoſuit ex ordine latinus Porcarius: Se videlicet in HUNGARIA Patria ſua, latinis litteris probe fuiſſe inſtructum, in Philoſophia quoq; ac Theologia haud inſime profeciſſe; hujusmodi tamen vivendi genus quod ſultineret, ſponte amplexum eſſe, utpote ſaluti aeternae ab ſe conquirendae peropportunum: quod iccirco pro nullo vellet deferere, quamdiu ſpiritus corpori cohaereret. Ipſi proinde cum bono Deo, via, tramiteq; ſuo pergerent ad metam ſupremam communemque, dum ille interea hoc altero delecto calle, eodem contenderet. Attoniti ſapientiſſima, prodigiique plena ſacundia, ſe ſeque muti

mu-

mutuo respectantes recessere , ineffabile subinde Numen multis collaudantes , atque factum memori mente reponentes . Alterum , die fere perrendino accidisse videri potest , illius siquidem ego ipse testimonium perhibeam . Alius proinde quispian , pariter eruditus , bucerum pecus consequbatur an cornipedes , non satis reminiscor . Quia vero per distantiam immanium apud SZEGEDINUM camporum (Civitas Tibisco adjacet perampla) Christianis Sacris interesse vix unquam erat integrum , Socios per aprica Pascua CATECHESI imbuebat , a criminibus revocabat , ad secum comprecandum permovebat , *Stipendia* , (Aris operantibus) dari solita (ad litandum pro delictis eorum *Sacro sanctam Hostiam*) colligebat : quae postea Religiosorum in Coetum bis quotis annis deferre , atque simul in aure Sacerdotis onus conscientiae latine profecto deponere , solitavit : neque unquam porro passus est ab suscepta vitae ratione sese deduci dimoverique virorum illorum *Regularium* persuasionibus , locuples licet ac bene nummatus jam & esset , & audiret latinus Equiso , aut Bubulcus .

Quantum porro abest , aut quantae saltem assignemus ignominiae existere usquam in Hungaria Virum Nobilem , vel Ordinis Senatorii principis cumprimis in Urbibus , qui latinae Linguae ignorantia fordeat , nemo crediderit : quippe

*Dedecori
haud parvo
ducitur in
HUNGARIA
RMA , esse
Nobilem , aut
Ordinis Sena-
torii Vi-*

rum & Lin-
guae Lati-
nae imperi-
um.

HUNGARII
Milites,
etiam Grega-
rii, Latini
permixti.

pe cum illius usus etiam Oppidanis, atque Opificibus non sit infrequens. Quapropter haud unius Exteri, praesertim qui de Italia ad Nos forte concesserit, ore prolatum fuit, quum illa, quae mox adduximus, coram deprehenderet, LATIUM videlicet nedum Coloniam olim in PANNONIAS duxisse; verum hodie Sedes quoque illo transtulisse videri: Utpote cum HUNGARIS, qui jamdiu in Pannoniis insederunt, lingua illa, vulgaris propemodum haberetur, quae olim LATINORUM erat vernacula. Et sane, quemadmodum est verissimum, ita nemini videri debet incredibile: in Curiis videlicet, Tribunalibus, Judiciis; in *Allegationibus*, *Probationibus*, *Responsionibus*; in conficiendis demum Instrumentis quorumvis *Rescriptorum*, *Contractuum*, *Transactionum*, *Donationum*, *Fassonum*, *Locationum*, nec non *Tabularum Testamenti*, sermonem latinum passim personare. Adde: Milites ipsos, Gregarii usque ordinis, quamplurimos computari satis nitida, comique latinitate in sermocinando, aut noxas Sacerdoti aperiendo: barbariem licet ipsi, ac perhorridam immanitatem, ad Gentium consternationem praeferebant

*Intuitu, frontisque minis, armisque torosis,
Et late patulo fuscis in pectore villis,
Et setis, panda subter quae nare rigescunt;
Denique voce truci, cum tandem infrendit ira.*

Quid

Quid postea? an repereris Presbyterum in HUNGARIA, qui latini sermonis prompta, minimeque haesitante peritia non sit praeditus? Apage istoc haud ferendum omnino dedecus ab inclyto CLERO nostro, ut Deo nimirum sacrati, & ipsi quidem ECCLESIAE LATINAE Homines, linguam tot Conciliorum Sacrosanctis tractatibus, Divinorumque Dogmatum Decretis, tot religiosissimis Ritibus, caeremoniis, adorandisque Mysteriis consecratam, probissime, quantum quidem pro munere ad eos pertinet, non calleant, non intelligant? Longissime profecto dissimiles iis, cujusmodi, (dum peregre proficiscerer) intra tuae putem Regionis fines semel Ego ac iterum offendebam. Ex quibus cum latine quippiam sciscitatus sum, pisce mutiores haerebant: voculam ab eis impetrare vel pretio haud poteram, adeo Sacramentum suae ruditatis abscondebant. Ne in viam me rectam (quem nescio quid barbarum fremere putabant) dirigere noverunt: immo fugere tandem latinam alloquutionem, uti praestigias, vel sinistrum augurium. Deus bone! graecine isti, an latini Ritus Sacrificuli? an ipsi vel formas Sacramentorum satis intelligant, quae latine (certe) proferuntur? Reipsa, recitant solum illi Horas Canonicas, ac sine scrupulo earum ad sensum non attendunt: neque enim possunt, cum latine ignorent. Jamvero ad impossibile neminem teneri lue-

Nefas est in HUNGARIA, Clericum ordinari, tanto minus Presbyterum, qui Latinis Literis probe instructus non sit.

Non profecto adeo elingues Presbyteri in HUNGARIA, quem admodum in Regione Adversarii observati fuerunt ab Auctore vindicasse.

culentum est. Igitur semper ipsi (si Superis placeat) culpa vacabunt, nunquam licet orarint at-
tente.

O imperitiam tanto sane Munere indignam!
Quid vero? si quoquam in Hungariae latibulo
hujusmodi *Mystam* deprehendi occurreret, (quod
prodigio foret similis) putes? putes hem! ADVERSA-
RIE, ad Aras illum admissum iri? Immo ludibrium
cunctis futurum tene, ac omni ministerio conti-
nuo depellendum. Dolet tamen, & majorem in
modum dolet, quod provocatione tua irritatus
(qua totis HUNGARIAE Regionibus probrum insci-
tiae, ac pravae litteraturae adlevisti) ad ista paul-
lo procacius exaggeranda, invitum propemodum
animum adjecerim: quamquam non mihi, at ju-
stius tibi succensere istud, quisque prudens debeat,
qui initium introduxisti. Quo se argumento tu-
tabatur, ac fortiter muniebat contra C. SALLUSTIUM
M. TULLIUS C.; si tamen responsio illa sit Cice-
ronis.

*Institutio
HUNGARICA
venturis in
Profodia,
& Poetice.*

Sed jam veluti in conspectu positum est,
atque dictum abundius, quae videlicet ratio, quis
modus obtineat apud Hungariae Praeceptores,
Grammaticam, sive recte & emendate loquendi
Artem edocendi Adolefcentes. Ita quocirca com-
parati, ad Profodiam ac Poeticen manuducun-
tur. Heic anni circuitu, quantitatem accentum-
que syllabarum advertere, percunctantibus e ve-
stigio

stigio indicare; genera deinde metrorum, & constitutos eis pedes (quod ajunt) altius menti imprimere; fractos poltea, tortosque versus, redintegrare; tum vero Marte proprio sensim aliquos procudere, *Epithetis Adjunctisque* illustrare: imitari impensius classicorum, & in arte principum, structuram, Entheum, Oestrumque, & Elegantias: VIRGILII in primis, OVIDII, SENECAE, HORATHI, MARTIALIS, JUVENALIS, TIBULLI, PROPERTII. Eosque nedum pervolutare, sed Magistro jubenti memoriter quoque promere, in dies consuescunt. Istius autem labor est,isque praecipuus, veterum omnino Poetarum vim, latentes eruditiones, sensus abditos, insigniores accessus, impetus, transitiones, hypotiposes & energias, gemmulas denique ac flosculos, singularesque paratus solertissime exquirere, indicare, adaperire, explanare. Auditores (verbo) omni contentione, omnibus stimulis, omni industria, ad evolandum in Parnassum, ceu minores aquilas, prolicere, provocare. Quo sane conficitur, ut acuta, pernici, atque ductili Indole Adolescentes nostri, circiter curriculi istius exitum, & versus recitent quamplurimos probatorum Auctorum ad omnem fere materiam congruentes; & suos neque temerius, neque aridior, parcioreque vena profundant. Ipse ego nactus fueram quospiam institutioni nostrae creditos, sexdecim
(vix

(vix amplius) annos, natos; qui tempore, quod erat interdiu a ludo reliquum, caenationeque ac diverticulis, bis centum, plureisq; versus bene concinnos, & repexos pangebant, solertiaeq; ac navigationis egregium periculum, atque mihi acceptissimum ingenioli partum, ad me perferebant postridie. Quos praesentem usque in horam tantquam dilectum pignus, ac mnemosynon, meliore scrinio asservare non piget.

Nunc ad RHETORICAM, Artem illam flexanimae Eloquentiae, omnium jucundissimam aequae pulcherrimam, facto transitu, serio, atq; etiam impensius perhibere profecto interest, quo nimirum ipsa, casso an frugi tenore methodoq; ab HUNGARIAE Magistris tradatur. Duos igitur annos huic Artium praestantissimae, nostri operam Juvenes plerumq; navant. Ut videlicet quanto diutius, tanto solidius atq; felicius, ad quiddam (suis saltem non indignum viribus) in re maxima, ac certe inexhausta, pertingant. Primum autem *Praecepta Rhetoricae* memoria complecti, explicata capere, controversas de iis (liquae intercurrent) quaestiones nosse dirimere, atque componere, elaborant. Deligitur iccirco, qui brevi, ac facili Methodo PRAECEPTA Artis probatissima collegit. Nunc DOMINICUS DE COLONIA, vel alius *Etruscus*, CAMILLUS NICOLIUS, e Piarum Scholarum Clericis adsumitur. Simul ergo, dum apposite dicendi

cendi **PRÆCEPTA** pedetentim accipiunt, periodos (quae multifariam dividuntur) elegantius concinnare auspicantur, dūctare fufius, vertere varia-
 reque multiplicius. Ratiocinationes dehinc ex Lo-
 cis intrinsecis extrinsecisque defumere, latius ten-
 dere, eloqui nitidius. Tum figuras verborum,
 ac sententiarum factitare; de industria afferre hu-
 jus generis Paradigmata, sive Exempla, e sele-
 ctiorum Auctorum monumentis excerpta. Tropos
 etiam (qui cimelia, aut quaedam lenocinia
 Orationis sunt, modo non ad fastidium conge-
 rantur) Tropos inquam scite commeditari, apteque,
 & congruenter adponere: Inde, Amplificatio-
 nes de rebus propositis longiuscule proferre, in-
 neſtere ſuis locis vividas ſententias, miſcere af-
 fectus. Poſtea **PRÆEXERCITAMENTA APHTONII**, *Fa-
 bulam, Narrationem Cbriam & rel.* dūctu Præcepto-
 ris contexere. Sub idem tempus, Orationis Ex-
 ordia quæ ad intentum faciant, cum ex cauſſæ vi-
 ſceribus, tum aliunde eruere: invenire demum fir-
 mamenta quæſtionis ad dicendum aſſumptæ, debi-
 lia, mediocria, fortiffima: eaque in quovis dicendi
 genere ordinare: Formulas transitionum ab optimis
 Oratoribus mutuari: inſpergere ſuis locis lumi-
 na ſententiarum: facere delectum verborum: fer-
 ri pro exigentia jam lentioribus, jam concitatis
 affectibus, hoc, vel illo modo expreſſis: ac poſt
 caetera, idonea peroratione (in quam Oratio ſpon-

k

te

te quadam defluat) concludere: quaeve adducta decursu operis fuere, summatim in ea complecti, & compendio recensere. Addere denique, motum illi vehementiorem his vel illis verborum sensuumque subsidiis ex praeclarissimis Auctoribus depromptis. Anni tandem anterioris facile dimidium, & totum alterum, in structura postissimum Orationis, & interdum *Poematis*, *Eclogae*, *Jambi*, aut *Satyræ*; operose extrahere. Cujus ardentem prosequuti studii is demum fructus enascitur, ut construant tum demum a se ipsis Juvenes, atque ad audientes non raro proferant quasdam primulas declamationes non sane strigofas, tortuosas, & enectas; verum pro teneritudine, judicii, utcumque succidas nitentesque, & volubiles, atque concinnas. Pangant etiam *Poemata Sophocleo non usque indigna coturno, recinantque in SCENA*, vel de SUGGESTIS.

At *naribus tu aduncis indulges ADVERSARIE*, ac prope *ingeminas tremulum naso crispante cacbinnum*, (a) cum haec audis, & contra pertendas, longe alia, sive prava omnino, naucique methodo, in Rhetorica ac Poetica, HUNGARAM institui Juventutem. Siquidem persuasum fere sit, ultra monteis, ac potissime in HUNGARIA, barbarie horribili efferatam esse Eloquentiam. Haec tu, sequutus errorem sua tantum in pretio ferentium, & aliena, ut ut aurea sint, ex inolita per-

(a) *Pectus*.
3. 27.

persuafione tamquam fracida ac lutulenta aspernantium. At vero qua ratione superiora illa memorare poteram, ni didiciffem? ubi autem didicerim? equidem in HUNGARIA. Heic in lucem effusus, heic altus, heic educatus, heic imbutus. Neq; demum alias, nisi nuperrime, cum ad Urbem accederem, ab amiciffimo SOLO vel unquem latum divulfus. Dico proinde libere, hunc quidem, quem pertexui Adolefcentiam formandi modum a me ipfo, (dum interfuit) fervatum fuiffe: fed vero ab aliis HUNGARIAE Moderatoribus longe etiam teneri probiorem. Qui praetera plerique, omnes (ut nihil de me afferam) fedulo, & officiofe, (pro eo atque oportet) his praefertim novioribus annis efficiunt, quo nempe strenui Eloquentiae Candidati germanae latinitatis corruptela inquinatos Codices (cujusmodi, tenebris digniores, offufa haud ita pridem politioribus litteris luctuofa nocte, in lucem prodiverant bene multi) in coenum flammamq; injicerent. Eos in primis Auctores, qui fummo femper loco habiti funt, atque auream ad Aetatem feſe referunt, aſſiduo voluerent, & intentiffime obſervarent. MARCUM TULLIUM, (quem preſamufus omnes, nullus etiamdum eſt adſequutus) pro eo, quantum poſſent, detere- rent, ac depaſcerentur. Hujus proinde unam, alteramve Orationem, lucidiorem illam, atque captui, proſectuique magis accommodatam, Ma-

*Leſſitatio ca-
ſſae latinicae.
ſitae Auctore,
inculcatur
Adoleſcenti-
bus in HUN-
GARIA.*

affectibus huc atque illuc pro rei exigentia non ignave inclinantibus, industriam collocent singularem. Illa demum sidera, gemmulas illas, & blandimenta aures oblectantia, etsi rarius ac moderatius interfererent, (ne elixa atque incondita, aut depexa situque squalens videretur Oratio) haud tamen plus nimio, atque unice, auribus blandiri contenderent, easque permulcere, ac perpetua quadam voluptate adficere. Quum nedum in Oratione, sed in rebus quibuscvis aliis, quae nimium delectant, satietate delassent: ut (adeo) maximis voluptatibus nausea tandem sit finitima. Haec itaq; habebam, quae productius dicerem *Adversarie*, pro *SCHOLA HUMANITATIS* atq; *ELOQUENTIAE REGIONUM* nostrarum: Tum scilicet, ut ostenderem nullam in hujusmodi quoq; *LITTERIS* tradendis, quam objectas pravitatem, aut cassam operam apud nos invaluisse, quod continenter persequor; cum vero, ut innuerem tui similibus (cujusmodi *CONVENAE* hac in *URBE* plures) *Ultramontanis* quoque, & in specie, *Nostratibus*, quantumlibet barbari putentur, gustum inesse studiumque sinceræ *ELOQUENTIAE*. Ac propterea cenferi non paucos, quorum Elocutionem arrogantiores isti, nedum non habeant aduncis naribus suspendere, sed in manus quoque delicatas sumere, ac quatuor etiam oculis legere minime debeant vel etiam possint designari.

Jam

Jam itaque HUMANIORUM per LITTERARUM CLASSES te circumduxi. At cum vix quicquam putares praetermissum esse, quid videlicet nobis in more positum sit in iis tradendis; illud supplendum venit: Adolescentes nimirum nostros inde ab infimae Grammaticae subselliis, Instituto Moderatorum Historiam sacram & profanam succincte ac per capita memoriae mandare: dein vero statim temporibus, de Saeculorum ex ordine Gestis, de Pontificum, Principumque successione, de Virorum olim illustrium Factis, Ortu, Conditione, in Hominum Praestantium Corona fortuito compellatos monitosque, narrationem summariam facessere. Praeterea, Hebdomadis aliquo die (: id quod Saturni fere, ac etiam Solis diebus fit, apud CLERICOS praesertim SCHOLARUM PIARUM) DOCTRINAM FIDEI ROMANAE, quanto majores, tanto solidius altiusve exponi audiunt: quo nempe, usu institutoque, APOSTOLI, *lac parvulis*, dentientibus autem *solidior esca* praebeatur. Quibus de rebus impigri Moderatores sancto certamini crebro committunt aemulos; victores munusculis impertiunt: & qui Anni decursu hujusmodi salutari contentione antecellebant caeteris, illos (cum Drama annuum in exodio Studiorum gestum est) de publico Proscenio in Parentum lectorumque Auditorum accursu, adplaudentibus lituis, atque tym-

*Imbuuntur
Historia Sa-
cra, & pro-
fana Juven-
culi HUN-
GARI.*

*Catechizan-
tur egregie
iidem, Lit-
terarū simul
& Pietatis
Studijs.*

80 *VINDICATIONIS*

tympanis promulgant . Inde fit , ut isto gloriae laudatissimae gustu , ut ista acclamatione , veluti Classico quodam provocati , jam Neoptolemi bellum Haeresi intentent , ac se in dies magis , magisque adversus privatos saltem , & clandestinos FIDEI Rebellium assultus magnis animis obarment . Quemadmodum autem eadem fidelia peccati horrorem , amoremque Pietatis , tenerioribus imprimere Magistri haud negligunt ; ita ad maturiores , qui de Rhetorica , Poesi , supremaque Grammatica censentur , constitutus latinus Orator , quolibet (nisi non vacet) Solis die , accommodatam dictionem pronunciat , eosque ad omnigenae Virtutis consecrationem , execrationem teterrimi vitii ; ad retinendam per omnem vitam Christianae Professionis inculpata , rationem concitat , incendit , inflammat .

Post acceptas Humaniores Litteras , Arithmetica instituitur Juvenis HUNGARIA.

Hunc in modum educti , edoctique nostri quos fingimus Juvenes , mitioribus a Musis , velut optimis a Nutricibus divelluntur . Atque quidam eorum iique permulti , solidioris Arithmeticae Studio manum admovent , cujus primordia singulas per Scholarum Classes antea delibabant : (cujusmodi quidem pernecessarii Studii usum fructumve , uni , ac solis hanc acceptum refert HUNGARIA SCHOLARUM PIARUM INSTITUTO) Alii demum rebus mundanis valere iustis , utpote fluxis ac cito perituris ; Clericalem ,
Re-

Regulariumque in Ordinem sese redigunt: Plerique Genus, Remque domesticam aucturi & illustraturi, Studium litterarium ulteriorum Disceplinarum prosequuntur. Itaque & hi quidem & illi alii, dum per Majores licet, PHILOSOPHIAE condiscendae, qui biennio, qui triennio mentem adjiciunt. PHILOSOPHIAE vero (id quod jam retuli) PERIPATETICAE: quae ad JURISPRUDENTIAM ac THEOLOGIAM non mediocria adferre adjumenta Eruditorum Orbi semper visa fuit? Neque sane hodiernorum quorundam cavillatio, auctoritatem illius, roburque subvertere, aut elevare unquam poterit. Quamquam, ne praesudiciis pertinacius occupari videamur, de PHILOSOPHIA quoque MECHANICA, ac RECENTIORE sumptis quibusdam utilioribus, & majore evidentia nixis eos imbuere, confirmareque, istamque nostram Peripateticam, quodammodo interpolare, & quasi depexam, noviorum reddere; jam & coepimus, (ut quodam loco memini) atque deinceps multo etiam sollicitius facturi sumus. Tum, ut fere jam publico Doctorum judicio gratificemur, simulque obnoxii; cum etiam, ut rescissis nonnullis, (quae haud nostra, verum Orbis prope culpa, ad excitandum puta, excolendumque intellectum obrepserant) magis valitura substituamus, ac etiam humanae consuetudini amoeniora. Ad hanc proinde disceptandi, veritatemque indagandi magistram

Plerique Adolescentes Hungarici Philosophiae operam dant.

Artem navi Adolescentes nostri magno animo, numeroque sese applicant: Siquidem in Academia *Tyrnaviensi* facile trecentos, *Budensi* fere totidem, *Cassoviensi*, *Javarinensi*, *Claudiopolitana*, *Zagrabi-na & rel.* paullo pauciores connumeret.

*Eorum insu-
gnis, ac ce-
ler Profectus
in Philoso-
phis.*

Quanto vero profectu, quam sublime, per ingenitam eamque facillimam ingenii vim brevi intervallo enitantur plerique omnes, dictu per-mirum est. Certe emenso curriculo, methodo plane *Dialecticis* usitata, & catenatis, pressis, ar-duis, intricatisque argumentationibus in horas producta, ad centum, & amplius Theoremata, saepe sine ullo Magistri praesidio defensanda, sese permulti intrepide comparant. Tum vero haud praevisa, vel indicata, quae ab *Oppugnantoribus* ad disputandum delecta fuit Quaestione, argumenta proposita alacrius, ac fluide resumunt, dissolvunt exacte nodos ratiocinationum, difficultates mire eliquant, & dispungunt. Non nescio quidem,

*HUNGAR-
RI quemad-
modum ad Ar-
tem milita-
rem, ita ad
Scientias quo-
que promptis
cōdiscendas
nati.*

(a) L.7. Geogr.
in Pannonia.

(b) utitur hoc
argum. Inchof.
in Appar. ad
Annal. Hung.

VOLATERRANO excidisse, *Hungaros omnium Artium esse indociles praeterquam militaris.* (a) Quam tamen ille falsus, hallucinatusque sit, quisque (velim) animadvertat. Libenter ipse ex ore jactantium excipiebat, VOLATERRIS Patria sua, *coelesti sub fi-gno sagittarii* posita, *solida, & beneficio Mercurii versatilia ingenia gigni*; Atqui HUNGARIA quoque nostra, (citra ullius dubitationem) eidem *Signo coelesti* subest; (b) aut igitur VOLATERRANUS VO-

LA-

LATERRIS stupidus hebesque prodierit; aut HUNGARIS exinii ingenii laudem non deripiat. Sincerius profecto *Petrus Bizar*. (a) proficitur, ad omnia litterarum summa natos HUNGAROS, *sive indulgentia Coeli, sive industria, & indoles animi attendatur; quod nemo, nisi in experiens inficietur*. Quid vero? an non ad manum est praeclarissimum testimonium, omnique majus exceptione, DIVUS HIERONYMUS, percantatus ECCLESIAE DOCTOR, universamque Scientiarum *Encyclopaediam* (ut ajunt) pectore complexus? Equidem Hungarico sub Coelo fuisse progenitum nemo dubitaverit, quum idem ipse ortum suum OPPIDO STRIDONIS adscribat, *quod* (inquit) *a Gothis eversum, Dalmatiae quondam, Pannoniaeque confinium fuit*. (b) Ubi vero STRIDO, si explicatius nosse cupis? propius SABARIAM D. MARTINI Patriam, illius multo maxime gloriosi Turonensium Praefulis: B. vero QUIRINI, uti MARTYRIS, Locum certaminis; ita ANTISTITIS, *Episcopalem Sedem*. Denique SEVERI Imperatoris Natale SOLUM (c) Verum, ubi gentium SABARIA? In DIOECESI JAVARINENSI, inque COMITATU, sive PROVINCIA CASTRI FEKREI. Quae nam, ista PROVINCIA? certe omnium, quas nunc dierum obtinet HUNGARIA, fere florentior, ac maxime populosa. Deinde, quis non admittat HUNGARICAS mentes naturae sane, ac Caeli propitii munere, capacitatem aciemque sortiri singularem, & vo-

(a) De bello Pan. & ex eo Inchofer. in apparatu ad annal. Eccl. Hung. quos conscripsit Romae an. 1641.

(b) De Scriptis Eccl. in fine.

(c) Inchoff. in Apparatu ad Annal. Eccl. Hungar.

luptate ferri maxima, pulcherrimis litteris innutiri? quando cunctis exploratum sit latinam linguam omnium praecipuam ac difficillimam, primula mox aetate inque studiorum incunabulis, ab iis capi, tenerique probissime? Dum contra, alii quidam Europaei Populi invita propemodum Minerva, ac potiore aegre per vitam, illius usum familiarem comparaverint. Quales opportuno pro exemplo tui sint ADVERSARIE conterrannei: a quibus tamen bonas, quin egregias etiam exulare LITTERAS qui dicat, ARAM VERITATIS apud te polluerit, injuriam tibi tuisque atrocissimam consciverit.

Sed quid multis? Res ista, quam hic interim pertractamus, per te ipsum in confesso est. HUNGAROS nimirum suapte natura celeri passim acutoque ingenio esse praeditos. Etenim tres illos Juvenes Hungaros, quorum in ea LAUDATIONE funebri mentionem injicis, asseveras ROMAM facto accessu, haud mediocriter profecisse. Atqui ipsi non vacuum profecto capitulum, sed Indolem, sed Mentem in URBEM attulerint praeclaram, necesse est. Tritum quippe nobis aliisque proverbio *Non hic fiet Equus, qui venit huc Asiaus*. Deinde, quid tibi videtur, qua ratione usque adeo profecerint? Utique PHILOSOPHIAM PERIPATETICAM Domi condidicerant: ad aliam porro hodiernorum MECHANICAM, privata potissimum

num leſtitatione pauciorum dierum lapſu continuata, tantundem ingenii, ſtudioque attulere, ut intra URBEM gemini, tertius NEAPOLI, haud poſtrema exiſtimatione ac felicitate eam praelegerint palam: tum & propugnarint. Quos quidem mihi propius, atque apprime cognitos, etſi ſuſpiciam; tamen aliis, ciſque plurimis, qui in PATRIA reſtitere coaequalibus, minime auſim anteponere. Sed noſtra proſequamur.

Ac proinde, accepta ſolertibus a MAGISTRIS PHILOSOPHIA, JUVENTUS Hungara *Patriis* ut plurimum *Legibus* ediſcendis ſeſe adiicit, tum *Juri* quoque; *Civili*, & non raro *Canonico*. De illa heic Juventute ſpeciatim ſermonem tendimus, quae ſaecularem (ut vocant) vitam ductare conſtituit. Tres itaque TYRNAVIENSI in ACADEMIA (in illo proſecto *Sapientiae Collegio*) alii demum AGRIAE copioſa Urbe, publico ſtipendio ordinati dudum ſunt Viri, eruditione ſanguineque nobiles; qui provinciam officiumque ea omnia tradendi, continuis diebus ex amuſſi adimplent. Plurimos poſtea JUDEX CURIAE REGIAE, PERSONALIS REGIAE PRAESENTIAE, DIRECTOR CAUSSARUM REGIARUM, horumque VICARIi; VICARIUS item PALATINI, ſive PROREGIS, quatuor REGNI PROTONOTARIi. (omnes iſti & praecipui Ordinis, & ſpectatiſſimae Nobilitatis, & celebratae Eruditionis) iis in rebus excolunt, atque perficiunt. Quippe, qui *Juri dicendo* ex munere

*Hungara
Juventus,
poſt Philoſo-
phiam & Juri
civili, Pa-
trio & Ca-
nonico ſeſe
adiicit.*

nere praesunt, ac REGNI quoque *Constitutione*, MAGISTRORUM plerique nomine, etiam a Principe compellantur. Alios deinde fere innumeros, Causidici, peritia clari, assidui frequentatione, (quos passim reperias) instituunt, exercent.

Ex quo, ad haec usque litteraturae confinia deducto HUNGARAE Juventutis cultu, tanta, tamque cumulata emolumenta proveniunt, ut frontem licet exuisse jure videar, si negem aliis in REGIONIBUS EUROPAEIS, censeri maximo numero Homines quarumvis Doctrinarum genere praefignes; (quibus detrahare aliquidpiam nullo pacto velim) tamen possim quasi in aurem tuam dicere, adventitios ipsos, convenasque haud pauculos esse: aut sane de Summatibus, Primoque Indignarum Ordine fortassis rariores. At contra, affirmare audeam, (neque vero pudet) & Patritios, & Nobiles, & Optimates, & supremo, principeque loco natos HUNGAROS, communius usque, Litteratos audire. Hoc est: PATRIARUM saltem LEGUM, JURIORUMQUE domesticorum probe conscios, atque latinis politioribusque litteris, tantopere cultos, ut quantum avita illos Nobilitas collustret, tantum illi plerumque Nobilitati splendorem refundant. Certe *Magnates* nostros (ut inquitimus) ac summos opibus, fumosisque Ceris Homines, nemo errore, deceptus existimet, deliciis ex die in diem diffuere; Mulierum consuetudine elanguere; ignava, ille.

HUNGAR
RI Nobiles.
praecipuoque
loco nati, ple
riq; omnes be
ne litterati.

illecebris delibuta, masculasque curas perosa conversatione annos extrahere; ludo, sonituque melico noctes comperendinare; convivari tantum, atque guttura proluere; aut quod superat temporis cum canibus, cornipedibus, quadrigisve prodigere; vel feris per saltus, & nemora insequendis, dare. Etsi enim, cum vacat, ac consentaneum judicant, in his quoque concedendum sibi, & moderatius indulgendum putent; tamen magno etiam pretio pacisci velim, si ternos ADVERSARIE conquiras, qui latinas minimum litteras ignorent. Immo plerique omnes, amant usque impallescere studio: gestiunt cum mortuis plusculum olei, aut cerae absumere: inter cupedias reponunt quasi helluari optimos codices: quo Patriae spei, praesidio, ornamento; quo Throno, quem fulciunt; quo AEquitati, Pietatique & Reicommunis, ac etiam domesticae augmento; quo praeclarissimis Natalibus ex aequo respondeant. Nihil enim tam dedecorosum, atque perniciosum esse potest unicuique Ditioni, Provinciae, Reipublicae; quam si Viri Principes, in quibus salus utique cunctorum nititur, qui columna audiunt basesque, immo oculi, ac lumina Status publici; ipsi nihilominus rupices ignari sint, aut vix scribere, legereque conscii LICINII, praemolles SARDANAPALI, cutem curantes LUCULLI: in quos videlicet nitidissimum illum sanguinis

nis per vetusti fulgorem tanquam in lutum defluxisse merito sit indolendum.

At (quo vehementer glorior) haud equidem ista deterrima, tetraque inscientiae labe mediocrem juxta atque summum HUNGARAE Nobilitatis sanguinem contaminat. Etenim, si divine prolatum est: *Tum fore beatissima Regna, quando aut Philosophi regnarent, aut Reges philosopharentur*; id utrumque luculentius conspicere licet hodie in HUNGARIA. Enim vero (id quod ad unum istorum attinet) tametsi non REGEM, sed REGINAM; non VIRUM, ipsa sexus potioris discretione ad magna natum; sed MULIEREM alioqui imbecillam, MARIAM quippe TERESIAM Archiducem Austriae, Principem nobis olim jusserimus haereditariam, ac summa rerum potiri decreverimus; atque nuper sacro Diademate fauste redimiverimus; MULIEREM nihilominus ejusmodi, quae re ipsa VIRAGO sit. Hoc est: si exterius lectissimae Faeminae simulacrum demas, toto deinde pectore VIRUM referens. Scilicet, cum inusitata animi magnitudine *Philosophiae* praealtis cognitionibus, *Jurium, Legumque* singulari notitia, latinae tandem linguae tersa, fluidaque peritia ad Gentium admirationem praestans, & mire instructa: nullisque proinde saeculis non memoranda. Ipse ego propius aderam, stupuique tanto maxime, cum in REGNI COMITIIS, quibus haud ita pridem

*Iaus hodie
feliciter Re-
gnantis RE-
GINAE
HUNGARAE
FORUM;
ab Egregiis
Litteris.*

dem inaugurata fuit, PROCERIBUS HUNGARIS (quos latine tantum adloqui poterat) Romano eleganti sermone, sublimi, dextroque consilio responsa daret: Negotia summi momenti pertractaret: tum (rebus ita ferentibus) etiam pro concione diceret, atque diceret adeo diserte, nervose, valide, efficaciter, ut animos ad Arma sine mora conclamanda inflammaret, ut miserationis lacrymas prolicuerit: immo sanguinem de membris, venisque provocaret: quem scilicet (quemadmodum unicuique plus satis comperturn est) diuturno isto cruentissimo, & incredibili bello, ad illius tutelam dignitatis, ultro profundimus.

Tum vero (quod spectat ad alterum) post philosophantem REGINAM, PROCERES quoque, qui ejus auspicio nutuque Regni perampli habenas versant, egregie philosophantur. Enim vero ex ipsis eisdem, Maximi Magistratus, Tribunalium, Judiciorumque operosi, & consultissimi Ordines componuntur; ubi videlicet universa latinis consultationibus confici, & ex Juris Formulis discipulari ac deliberari, & usitatissimum est, & quodammodo necessarium. Neque vero causas gravissimas, in quibus Patriae summa vertitur; non item lites maxime arduas, in quibus integrorum Patrimoniorum Fortunarumque periculum, subversio communis tranquillitatis, oppressio Pu-

*Primores,
& praeci-
pi qui-
que
HUNGA-
RI, in Tri-
bunalibus
summisque
Judiciis ipsi
per se Caus-
as omnes la-
tine pertra-
ctant.*

pillorum, Viduarumque, & ope destitutorum subversatur; non denique Justitiae libram facili astu nunc rerum declinantem, advenis, peregrinoque SOLO immeantibus, & aequitatem per saepe turpi lucro posthabentibus, venalem faciunt. Profecto ipsi, & OPTIMATES, & Optimi PATRES PATRIAE: & spectatissimi, & quolibet (ne quid usquam inique fiat) spectantes: Fulcra veritatis: Praesidia Justitiae: perfugia clientium. Magni maximis initiis ortuque; majores quaesitis, parisque scitissimis animi decoribus. Quibus non amentur modo litterae, verum nihil tam fuerit pretiosum, atque illae: nihil tam intimum, atque proprium, quemadmodum studiorum consuetudo: nihil tantundem familiare, quantum litterati.

*Primates
HUNGARIE
compendio
recensiti,
Eruditione
praestantes.*

Quae singula primo propemodum intuitu coalita observabis in JOSEPHO Curiae Regiae JUDICE, nuper CROATIAE PROREGE; FRANCISCO, hodie PROREGE Croatiae, & intimo Regio, ac locumtenentiali Consiliario; JOANNE sacrae Coronae Custode, & ejusdem Ordinis Consiliario, magnis ESTORADUM Comitibus: Praecellentissimo Comite GEORGIO ERDÖDIO item Custode, ac pariter Consiliario; necnon supremo Regni Quaestore, & universi aerarii Regii Praefecto; LUDOVICO BATTYANIO Comite, & Regni CANCELLARIO; THOMA Comite BERINIO Septemviri; LEOPOLDO

NA-

PARS PRIOR.

91

NADASDIO , PAULO BALASSIO , ILESHAZIO , KEGLEVICIO , PATATICIO , *Comitibus , & Consiliariis: Barone GRASSALKOVICIO Tabulae Regiae Judiciariae ornatissimo PRAESIDE , & intimo Consiliario: Tum CAROLO PITERFIO , JOSEPHO GHILLANIO , ANTONIO PALUSKIO , ADAMO ZICCHIO , MARTINO SZELECZKIO , Baronibus ; & in Excelso Septemvirali omnium supremo Magistratu , Assessoribus . His adjunge innumeros , qui in Consilio praecipuo Locumtenentiali , sive oeconomico ; qui in Cancellaria , atque Camera Regia ; qui in Tabula Regia judiciaria : tum qui Septemvirum in Magistratu , in quo omnis sistit appellatio ; tum , qui in quatuor Tabulis Districtualibus longa serie censentur . Inde Fiscos adiice Regios ; quatuor Regni Protonotarios ; totidem Commissarios Provinciales suo cum Capite ; Vicarios Proregis ac Curiae Regalis Judicis : Florem Gentis omneis , omneis litteratos .*

Quid vero ? an de Militiae Praefectis , Ducibus , Centurionibus , Antesignanis , iniquius sentendum ? Quorum permultos esse plane scio , quibus perinde sit aciem ordinare ac depugnare fortissime , atque pro Tribunali sedere , vel quibusvis de Rebus cum Eruditis non infime conferre ac pertrastare . Vellem equidem ADVESARIE , ut caeteros inter , cum FRANCISCO Comite DE CAROLIS , BARONE GHILLANIO , BARANAJÓ , VETESIO , FESTETICIO , PEST-

Militiae Praefectis HUNGARII non magis generosi , quam docti .

VARMEGIO , Equestrium Legionum Generalibus Praefectis; qui fere jam profligatis (tot coronatorum Principum ab omni parte arma stringentium) Copiis, Signa invictissimae REGINAE ultro indies, cum commilitonibus proferunt; vellem inquam, ut his cum versare propius atque ageres; tumvero & observares profecto & mirarere oppido, Heroas nihilo magis, quam Sapientes. Qui videlicet simul atque ensen fulmineum hostili cruore deterfo vaginae reddunt, sub Papilione quoque Codices reposcere consueverunt: haud usquam ab libris, quantumlibet carissimis ab liberis, peramataque conjuge separati. Qui historiam per seriem temporum concorditer texere; recitare ad rem quamvis praesentem, Carmen aut sententiam; noctem CURTIUM inter LIVIUMQUE dividere, perbelle noverunt. Qui Philosophiae, Jurisprudentiae, tandem & Theologiae, neque paucis, neque obviis cognitionibus Artem militarem (ab his natura ipsa alienam) industria copulaverunt. Nihil demum affero de quinquaginta & amplius Comitatum, sive Provinciarum totius Regionis, Praesidibus, Administris, Judicibus, Quaestoribus, Notariisque publicis; Nihil de Urbium Praetoribus, Syndicis, Consularibus; nihil de Advocatorum Classibus, atque turmis; nihil denique de ingenti Nobilium multitudine; qui cer-

te

te plerique omnes latinis minimum Litteris, Legumque Patriarum notitia, tantundem proficere, ut non indignam factu, sed neque tuæ Eruditioni poenitendam rem esses commissurus ILLUSTRIS ADVERSARIAE, si ad miscendum usquam cum iis sermonem te ex alto demittere dignare. Quam felicitatem DII HOSPITALES, POPULARIBUS meis (pervelim) concedant!

Verum in aliis commemorandis liberalis, JOANNEM COMITEM PALFFIUM insuper habere, atque prorsus negligere, neque volo, sed nec etiam possum, ob insignem Viri incomparabilis claritudinem. Magnificentissima ille apud nos profectus origine, jamque tertius quartusve de Gente sua Regni amplissimi PROREX, Achilles Patriæ, ac nemini certe ævo suo, uni tantum EUGENTIO SABAUDO, immortalis Duci secundus, Annum pridem *Jubilaum* in Campo Martio sub pluvio algidoque Jove, pro nostri omnium tutamine exegit. Interque immanium Thracum horribiles conflictus, inter hiantia vulnera, vicinasque mortes sociorum, inter gladios jugulo imminentes, inter machinarum boatus, plumbeasque grandines, incorrupta fide, magnanimitate constanti, ausu intrepido, semper illacus, semper Victor, stipendia, immo trophæa emeruit. An ergo iste, qui vix ex Ephebis egressus (cum vix dum tenero lanugo increverat ore)

Encomium.
JOANNIS
PALFFII
HUNGARICÆ
PROREGIS.

ore) militiae Institutum suscepit, vitamque (capularem usque in senectam) sub Galea Thoraceque produxit; An inquam iste praeter Militarem Disciplinam, qua TURCARUM TERRORIS nomen est adeptus, nullis praeterea latinis litteris polleat? Hic VIR hic est, qui post POMPEII, post EPIMANONDAE Officium, sempiterna cum laude completum, nunc in dierum articulo, octoginta utpote annos numerans, CATONEM agit, ac LYCURGUM. Idemque HEROS, super SAGO (cum quo consenuit,) una & TOGAM sumpsit; atq; dum hodie quoq; consilio imperioque procul extento, tot tantasque Victrices HUNGARORUM Acies rite ordinat, Domi simul pacificus PROREX AEquissimis Legibus amplissimae Ditioni moderatur. Nec non supremo in Consilio Regio *Locumtenentiali*, (cui cum potestate praeeft) adducit in medium rationum momenta, censetque, ac Sententiam Decretaue rogat, & edicit. Ubi tamen latine tractari, consicique universa, idque ad LEGUM latinis litteris consignatarum PRAESCRIPTUM, perveteri ac domestico Regionis usu receptum est.

Sed insurgis, aisque ADVERSARIE: quorū ista adeo supervacanea tot encomiorum minus pertinentium, Mortaliumque ad intentum non facientium, quaedam acervatio? Non enim videro affirmatum fuit, immo vix quaesitum quidem, qui

qui & quot homines utcumque eruditi in Hungaria degerent: At contra: *nullas illic doceri litteras; aut pravam, & inutilem earum colendarum, tradendarumque suscipi rationem.* Istud vero Exteris tam persuasum est, quam quod maxime. Ita sane persuasum est; (dico ego) persuasum est ejusdem tecum farinae dicacibus, qui Friuliae aut Istriae aut Tyrolis citerioris finibus haud palmum egressi, tamen cum prurit, cum in salivam venit, etiam de *Antipodarum* aut *Arimasporum* Ritibus moribusve, ceu *Phoebades* e *Tripode*, oracula fundunt. Contra vero sic ego te brevibus constringo: Tanta (ut licentius efferam) Litteratorum Castra in HUNGARIA computamus, sin minus quibusvis, latinis saltem, probisque, ac necessariis litteris; sin minus supreme, atque praecipue, mediocri saltem praestantia instructorum; qui profecto DOMI didicere universi: Iniquius proinde, ac omnino temere abs te prolatum fuisse nimis iterum, atque aperte consequitur, *nullas nobis esse Litteras, aut pravam, & inutilem earum tradendarum, colendarumque teneri rationem.* At cum *Libertatis proprium sit, vivere ut velis*, (a) tu detorquebas eo certe praeclaram sententiam, ut ejusdem *Libertatis proprium quoque esset, scribere, ac profunde re quaelibet, ut velis; atque ut in mentem, aut libidinem veniunt.* (b) Quare nihil jam vereor, ne illa

Ex multitudine Eruditorum in HUNGARIA, nequiter dicitur pravas, aut nullas illic esse Litteras.

[a] Cic. Offic. 15.

[b] Cic. de Invent. 79.

*illa tua (Joannis HARRACHII) praedicatio arrogans
potius, quam non grata videatur. (a)*

Reliquum est, ut de Litterarum vertice, SACRA videlicet THEOLOGIA nonnihil afferamus. Nunc autem ego aliquando assequor illius Te potissimum studium fugillare, nobisque HUNGARIS (tanquam prave, & inutiliter impensum) opprobare. Id quod conjectura palmari tenco ex alia tua nihilo modestiore Crisi, qua Germanicas Litteras, Magnique BENEDICTI persfrequentes in GERMANIA Monachos adrodis, ac nominatim florentissimam ACADEMIAM SALISBURGENSEM. Ita enim luctificam Dictionem prosequeris, qua inhumane conviciaris aliis, dum vis urbanus haberi in collaudando JOANNE ERNESTO HARRACHIO, nuper vita simul & Episcopatu NITRIENSI decedente: Jam diu erat cum iniquissimo animo se-

Convicium Salisburgensi, celebratae Academicine, totiq; illustri Germaniae ab Adversario vicirrogatū.
rebat, quod . . . iidem in Germania siqui Theologiae darent operam, in solis vocabulorum captationibus, & quaestiuunculis plane supervacaneis sine sua, sine aliorum prope ulla utilitate occuparentur. Quibus rationibus adductus quatuor ex Germania adolescentes Monachos, ingenio eximios Romam arcessere constituerat, qui à Doctioribus Magistris solidissimam Doctrinam haurirent, donec universam Studiorum optimamque rationem adepti essent. . . spes erat injecta illi plane explorata, hoc pacto fore, ut optima Studiorum ratio primum in Salisbur-

*burgenſem Academiam, in qua ab iifdem Monachis
Diſciplinæ traduntur; deinde non ſolum in Njtrien-
ſem Eccleſiam, ſed paulatim in totam etiam Ger-
maniam propagaretur. Haec tu.*

At, cum mei non ſit Inſtituti *Vindicatio*
Germanicarum Litterarum, abſtineo manum, &
ſpartam iſtam alii ornandam relinquo. Surrectu-
rum enim propediem aliquem nullus ambigo, Pa-
trii honoris ſtimulis concitatum, cujus tute feru-
la egregie vapules. Ecquid autem (ipſe penſita)
Ecquid imprudentius, atque collecto Oratore
minus dignum eſſe unquam poterat, (ut tamen
nihil non dicam) tota quam contentione niti ad
praedicandum JOANNEM ERNESTUM HARRACHIUM,
at nihilominus ejus LAUDIBUS maximopere de-
trahere? Videtiſis quippe, quantum illum ab
excellenti Doctrina commendes? Atvero, quid
quid propemodum illud ſpectatae Doctrinae in
praetantiſſimo Viro fuit, ACADEMIAE SALISBUR-
GENSI, aut GERMANIAE Praeceptoribus debeba-
tur: ubi nimirum ipſe Litterarum Alumnus
adolevit, atque maturatus eſt. Quod ſi quocir-
ca ob *Magiſtrorum inopiam nulla illic ſtudia, vel*
prorſus inania; ſique in Germania in ſolis vocula-
rum captionibus, & quaestionibus plane ſupervaca-
neis Juvenes occupantur; fateri te necelle eſt, nul-
lam, aut futilem aliquam Doctrinam (quid e-
nim ex lutulento fonte, niſi turbidam, ſaeceque

*Adverſa:
rius gratifi-
cando gra-
viter offen-
dit.*

n

pol-

pollutam aquam bibere poterat?) fateri inquam te necesse est futilem aliquam rancidamque Doctrinam in HARRACHIO abs te dilaudato fuisse. O iudicium perturbatum! iudicium, nigrum albo confundens! O linguam Oratoris, laude, & vituperio, commendatione & infestatione, praeconio & convicio, circa unum idemque titubantem

*Vituperium
rectius dica-
tur, cum ita
laudatur
quisquam, ut
simul Patria
Natioque il-
lius proficiat.*

Deinde, quis? praeterquam sibi haud satis constans iudicet, in laudis alicujus censum accedere posse Viro cuiquam honorato, Remque illi gratam fieri, si videlicet in NATIONEM ejus, si in PATRIAM, si in COGNATIONEM foede invadas? si ista omnia nigrore famae obscuras? immo contamines? Non erat autem HARRACHIUS Germanica Gente editus? Non GERMANIA, Tellus illi domestica? Nequaquam in GERMANIA universum Genus ejus innumeris Familiis sanguinis nexu illigatum? Tu ergo, (cum haec ita sint) tu recte? tu sapienter? tu apposite inter LAUDES illius te adjecisse putes, in Germania ob Magistrorum incipiam nulla esse Studia, vel prorsus inania? O pugnum ad oculum!

Velim postea, quas tibi agat gratias, qualiter factum tuum adprobet Vir amplissimus, & inter URBIS Eruditiores haud mediocris omnino subfelli, Joannes Baptista THUNNIUS, qui Ernesto HARRACHIO in Munere ORATORIS pro serenissima HUN-

GA.

GARIAE Regina plane successit? Enimvero suam ipse singularem peritiam in Re praesertim *Civili, Canonica, Historica, Theologica*, SALISBURGENSI (ut plurimum) ACADEMIAE jure acceptā refert. Adde: quod Cognatus istius, ejus Ditionis, Urbisque Princeps & Archiepiscopus audiat: Non iccirco Joanni Baptistae THUNNIO, Tibi alioquin Benevolo, & Homini certe praecipuo atq; praenobili; neq; Cognato suo, Romani Imp. Dynastae, nisi indignissime gratificatus es, cum asseverabas, *nulla Salisburgi (inopia Magistrorum) haberi Studia, vel prorsus inania; inque solis vocabulorum captionibus, & quaestionibus plane supervacaneis, sine ulla prope utilitate Juventutem occupari*. Nam id profecto abs te liberius, quam ingenuo homine dignum sit profusum, & peculiari JOANNIS BAPTISTAE ab optimis Litteris aestimationi plurimum officit, & Cognato illius, insigni Principi atque Praefuli, contumeliam irrogat non ferendam. Quasi nimirum ipse carissimi Nepotis praeclaris Disciplinis formandi, curam sane gessisset nullam, ac summam per oscitantiam *inania prorsus Studia*, ludicra, levissima, cum Nugivendis Magistris, SALISBURGI toleraret. Sentis ADVERSARIE quorsum prolapsus es denuo? ut te perdideris? ut coarctaris? ut iterum ne rimula suppetat, qua te asseras? qua elabaris?

Infelix Orator, qui illorum se pascit dicendo captare benevolentiam, quos alim scilicet.

Certe Ger-
mani egre-
gia Littera-
rum monu-
menta in lu-
cem emisere
jam olim, ac
hodie quoque
istud facili-
tant.

Accipe tamen etiamdum & illud, quo pre-
mare cumulatius. Cunctis nimirum vel *Legu-
lejis*, ac ipsis Altiorum Disciplinarum Tironibus
esse notissimum, in materia praesertim *Civili*,
atque *Canonica*, nec non etiam *Theologica*, expletos
suis numeris Codices in lucem edi a GERMANIS,
& speciatim SALISBURGENSIBUS: qui DOCTORUM
ROMANORUM manus persaepe impleant, iudicium
exfatiunt, usui sint frequentissimo. Veluti *En-
gel* est, tum *Van-Espen*, *Smolczgrueber*, *Raisen-
stuel*, *Kbees*, *Fraffen*, *Pichler*, *Graffius*, *Redin-
gus*, *Meczgerus*, & alii benemulti. Quid quod
ergo tumultuario proferebas *inopia Magistrorum*
nulla haberi apud illos Studia, vel prorsus *inania*?
Verum inquires, non te conviciandi, non laedendi
caussa, at medendi animo talia dixisse. At, non
est ea medicina, cum sanae parti corporis, scalpel-
lum adhibetur: *carnificina est ista, & crudeli-
tas*. (a)

(a) Cicer. pro
Pub. Sex.

Sedenim longius provectus sum (quam-
vis minuscule obiter attingens) in Sociorum ac-
ceptae injuriae gratiam. Quocirca, missa ego
ulteriore Vindicatione Litterarum GERMANIAE
(quem sibi illa nec defensorem sui juris, nec ultorem
injuriarum, nec actorem totius causae adoptavit) (b)
telam meam texere persequor, & quam Coelo
derivatis in Theologiae cognitionibus, mentibus
Juvenum infundendis indendisque rationem ob-
fer-

(b) Cic. in Ver.

servent HUNGARI, palam facio. Quis ea propter, quantufve Praeceptor fit THOMAS AQUINAS, immortale atque incomparabile ITALIAE lumen, *pleni sunt omnes libri, confertiffimae praedicant Sapientum voces, proclamant repetita oracula*. In hunc veluti Confluentem, quaternarius ille principum Ecclesiae Doctorum fons pando sese ostio infudit. Testis est ingens librorum numerus, quos ille brevissimo temporis compendio in omni fere Disciplinarum genere, singulari ordine, ac mira perspicuitate sine ullo prorsus errore conscripsit (a) ACHILLES ipse est MILITANTIS ECCLESIAE, & fortis armatus, custodiens Atrium adversus portas Inferi nunquam praevaliturus. Atque adeo splendidissimus Fidei Catholicae Athleta; cujus scriptorum clypeo Militans Ecclesia Haereticorum tela feliciter elidit (b) Unde non immerito Bucerus fatidico percrepuit ore: Tolle THOMAM, & dissipabo ECCLESIAM. Ac certe, vix quisquam enarrare potest, quot Vir sanctissimus, atque eruditissimus Theologorum Praeconiis celebretur; quantumque illius illibatae Doctrinae ab Sanctis Patribus in Sacrosancto Oecumenico Concilio Tridentino fuerit acclamatum. (c) Concludamus nuce Iliadem: ANGELICI ipse, ac prodigiosi Doctorum SOLIS nomine, & Elogio quaquaversum percrebuit: totidem namque miraculis fultus, quot Articulos scripsit; omnes quippe resolvit lumine plusquam humano. (d) Hujus quocirca talis, tantique

*Praedicatio
DOCTORIS
ANGELICI,
SOLIS Theologorum.*

(a) Clem. VIII.

(b) Paulus V.

(c) Baronius.

(d) Jo. XXII.

tique Magistri, solida, clara, brevi, & ordinatissima methodo, sacram THEOLOGIAM Studiofis nostratibus praelegimus, ac cum eis communicamus. Atque sin minus fortasse omnes, quoad omnia; si non uniformiter, si non *ad litteram*, illius sententiam recipiamus universi, juremusque in verba; interpretamur saltem quanta valemus maxima modestia: ac religioni sane ducimus, VIRO DIVINO aperte refragari. Utpote, quem *bene de se scripsisse*, AETERNA SAPIENTIA ORACULO prodidit; *Quem praeterea qui tenuit, nunquam invenitur, a recto tramite deviasse; Qui contra impugnavit, semper* (a) *fuit de veritate suspectus* (a) Itaque in eo, quod ad penetranda pro modulo imbecillitatis humanae *Fidei Myſteria* spectat; quod ad *Sacramenta* recte intelligenda, & rite ministranda refertur; quod ad Conscientiam a deviis malorum revocandam, & per callem Virtutis inoffenso pede conducendam; quodve ad *Legem Naturalem, Positivam, Humanamque* pertinet: In eo denique, quod ad retundendos, infringendos, expugnandosque Haereticos ad manum sit, & in primis valeat; in his inquam omnibus Juvenes nostri, alibi triennio, alibi quadriennio, auspicio ductuque talis, ac tanti Magistri, operose fundantur, valide communiuntur.

Quamquam (porro) non inficier, Noſtratium aliquos, qui Cathedras occupant, quaestiones saepi-

saepicule interjungere, abstractas illas, inque nuda, & macra contemplatione sistentes, quas videlicet ignorasse, magis forsitan referat atque expediat, quam didicisse; non ob id tamen ADVERSARIE in toto ipsi condemnari possunt. Enimvero minus aliud (quod probes) operentur; ingenii profecto aciem ceu cote quadam exacuunt, & elimant: vimque mentis expediunt, altumque adlevant. Alterum quoque fructum procreant haud quidem cum apinis, aut cassâ cum nuce conferendum. Quippe, si DOGMATICAM illam, sive *Sanctorum Patrum*, (ut ais) *Scientiam* praecise quis, atque unice pertractet (quae potissimum in Conciliorum Decretis, Sanctorumque Patrum congerenda astipulatione distinetur) neque vero abdita ac penetrabili speculatione, & *abstractio- ne* sublimi, sese nonnunquam in Res divinas, ac alias juxta positas, plurimumque impervias, quodammodo insinuet, & curiosius implicet quantum fas sit; atque adeo ea quoque rimetur Paradoxa, quae scrutari, penitusque vertere, non videatur esse operae pretium permultis hodie; quomodo quaeso de altissima *Praedestinatione*? de *possibilitate Transubstantiationis*? de *transfusione labis originalis* in animam, seorsum a corpore creatam, cum CALVINI Aseclis dimicabit? quomodo ab illius, aut LUTHERI circa humanam libertatem errore, Doctrinam Catholicam *Praedeter-*

SCOLAS-
TICAE
THEOL.
LOGIAE
utilitas baud
modica; sine
qua per nu-
dam Dogma-
ticam non
satis videtur
fore consul-
tum, hodie
necessariae
ac requisitae
Doctrinae
in Ecclesia
Dei.

determinationem asserentium ; aut *Auxilia versatilia* propugnantium , ab *Semipelagianorum* commentis secerneret ? Quomodo secretissimam JANSENI de Gratia Christi *relative efficaci* hallucinationem ? quomodo intricatas , ac bicolores , vafreque veritatem mentitas Quésinelli *centum Et unam* Propositiones vel satis intelliget ? quomodo cervicofos AUGUSTINI prave intellecti Vindices confutabit ? defossos cuniculos valide subruet ? retexet tendiculas captionum ? Vallo , munimentisque ad speciem satis instructis exturbabit ?

AUGUSTI-
NUS ipse,
in signis
Theologus
Scholasticus.

Tumvero , AUGUSTINUS ipse , qui jure FAMILIAM ducit , qui POLEMARCHUS est Theologorum adversus Fidei perduelles arte depugnantium ; unde quaeso non fumeum & inane , sed magnificentissimum *Aquilae Theologorum* nomen fortitus fuit ? nisi quia subtilitate acutissima , intima ac demersa contemplatione , altissima *abstractione* , distinctione penitiorum minutiorum , quarumvis conceptionum ; nisi quia summo ingenio res sacras pertractavit ? istoque Marte insuperabili contra *Manichaeos* , *Pelagianos* , *Faustum* , *Jovinianum* , *Cresconium* , & alios Veritatis tum hostes acerrimos , cum etiam callidissimos fycophantas , per omnem vitam decertavit ? arcanissimas quasque technas vigilantissima speculatione exploravit ? antevertit ? praeftruxitque ,

xitque, ac procul odoratus elisit? Et cedo, an vicisset ita gloriose, ita magnifice, quemadmodum semper & ubique vicit, si DOGMATICAE duntaxat, PATRUMQUE SCIENTIAE armatura fuisset communitus?

Ego vero proferam, quod celabam diu; atque non vane profecto, neque aniliter metuebam: si qui sint (sunt autem diebus jam istis bene multi) si qui inquam sint, qui SPECULATIVAE, sive SCHOLASTICAE THEOLOGIAE studium tamquam rem nugacem ac nimis profanam fastidiose averfantur, immo de SCHOLIS CATHOLICAE RELIGIONIS procul eliminandam, proturbandamque esse, autumant; atque adeo supra modum religiose nudam SANCTORUM PATRUM DOGMATUMQUE SCIENTIAM, unice vigere, ac frequentari volunt; illos (praeterquamquod ingenium hebecere malint, situque obsolescere) illos inquam, praesentissimis Armis & validis quibusdam suppetiis ECCLESIAM DEI privatum ire: proindeque in summe utili, atque opportuno negotio, pessime, cumque dispendio non unius assis consulere. Cujusmodi (si superis placet) profundissimis THEOLOGIS, si quid ultra *Constituta* Conciliorum, aut Veterum Patrum suffragationem, adducat, subsumat, intorqueat, ratiocinando inferat, eosque pressius adstringat veteratorius quisquam Haereticus, ridebunt, quia nesciis quomodo refellant, seseque rite extricent atque expediant, *aqua haerebis*: ridebunt, quia

*Expedit um-
nino, aniri,
ac quodam-
modo permi-
scenti Schola-
sticam Theo-
logiam Dog-
maticae, jam
olim a Patri-
bus proba-
tam.*

quod non assequuntur, deriso fastu inane putabant. Admiscendum itaque est utile dulci; SPECULATIVA videlicet sive SCOLASTICA THEOLOGIAE DOGMATICA. Ista potior sit, illa non absit, sed individua cohaereat, sed ancilletur, sed subserviat. Tametsi enim nonnullis delicatioribus, ac feriando, sive leviter ad palmam eniti cupidis, tormentum ipsa ingenii vocitetur; tamen multo maxime valet; estque Via regia ad invenientiam, Clavis quaedam universalis, ad intimis e penetralibus depromendam, eruendamque Veritatem. Praeterea, hujus inimicos, colubro magis tortiles, fugaces, & elabi perstudiosos, mire astringit, prellat, figit, concludit. Quibus de causis judicio MAGNI BASILII instar muri est ipsa sacris Dogmatibus; quod illa non facile sinat diripi, Et quorumlibet incurssioni patere (a) Quamvis enim (dicente Joanne Damasceno) variis argumentorum Captionibus Veritas non eget, iis tamen utimur adversus eos, qui improbum bellum cient (b) Tumvero AUGUSTINUS recte sane pernegat Cresconio, reiiciendum esse usum Dialecticae ab Sacra Doctrina, ob id, quod ea nonnulli abusi; nam alioqui nec Miles pro Patria armandus foret, quia contra Patriam nonnulli arma sumpserunt: neque boni doctique Medici ferramentis medicinalibus uti deberent ad salutem, quia his ad perniciem indocti, pessimique abutuntur. (c) Denique Auctoritas

(a) Citatus
apud Tourne-
l. Disp. praevia.

(b) Tom. 1.
p. 8. c.

(c) Tom. 9.
p. 390.

Facultatis Parisiensis maximi semper habita, cum inter alias Lutheri propositiones legeret: *Theologia Scholastica exulem nobis fecit veram & sinceram Theologiam*; sequentem censuram infulsit: *Haec Propositio est falsa, temerarie ac superbe asserta, & sanae Doctrinae inimica.* (a)

[a] Refert
Tournel. loc.
cit. 2. 3.

Neque tamen eo ista pertinere (velim) ADVERSARIE colligas, quasi vero quicquam excusationis pro HUNGARIS praetextere voluisse videri debeam solito disertius *Scholasticam Theologiam* commendando; quoniam HUNGARI, non minus ac alii TRANSALPINI, in hanc potissimum nervis omnibus incumberent, & tricosis, inque horas vociferatione contentissima productis disputationibus saepe de lana propemodum caprina, non secus, atque de Aris Focisque disceptare solerent; contra vero lacertosam illam, illam firmissimam, ac necessariam, *Sacrorum Dogmatum Patrumque* (Ecclesiae luminum) *Scientiam*, ægre de nomine cognoscerent: Non velim inquam ita nequiter verbis abutare meis. Praeterquamquod enim de aliis quoque TRANSALPINIS, praesertim GERMANIS, atque BELGIS, istud falso adstruas; persuasum habeto apud HUNGAROS, jamdiu, ac certe semper in more fuisse positum, quod speculationibus SCOLASTICAE THEOLOGIAE, praecipua diligentia, nervoseque & copiose pertractatas admiscuerint ejusmodi quoque quaestiones, de quibus SECTARII Septemtriona-

HUNGARI
Theologiae
Praecepto-
res, Dogma-
ticae Theolo-
giae momen-
ta operose
pertrahant.

les controversantur : quæve in IV. Conciliis Generalibus , & novissime in SCROSANCTA SYNODO TRIDENTINA sancita , ac declarata fuere . An quippe Arma Religionem avitam defendendi inprimis idonea , projecta vecordia sumere negligamus ? immo abjiciamus de manu ? qui assiduo inter hostes (domesticos videlicet SANCTAE FIDEI Rebelles) consistimus ? atque non tam habitamus , quam castra metamur per omnem usque vitam ? An *Fidei scuta , gladios spiritus , galeas salutis* corripere , adhibere , tractare , stringereq ; , & continenter gerere , haud curemus ? qui caedem inter , inter assultus & impressiones , & perpetuo , & pone , & secus , & ante , sumus positi ? Magnum crimen tuum ADVESARIE ! Magna & intolerabilis nostra injuria ! si videlicet neque jam honestate nos duci , neque salutis cura tangi , neque excitari præsentissimis periculis cogites : atque adeo præter Hominis rude Simulacrum , nil Hominis demum obtinere . Sed heus ! amplissime DOCTOR DOGMATICE , an putes minime a nobis tritum unquam , aut volutatum fuisse , sed ne inspectum quidem *Bellarminum ? Petavium ? Natalem ? Tomasinum ? Huertium ? Habertum ? Jurveninum ?* a quibus hodierni Theologi Dogmatici omnia fere mutuuntur ? Agedum ADVESARIE , sume tibi otium , deme horulam decumanis tuis in LITTERIS instaurandis occupationibus : Eja conferamus duo nos , quibus

bus de rebus *Bellarminus*? an mutilatus usquam, vel interpolatus? a quo refutatus? Quo demum ordine, qua digestionem *Natalis Alexander*? Quid; & qua de causa *Scholia* illius? ecquid nam ipse de *Auctoritate Papae supra Concilium*? quid de caeteris? An porro *Pesavius* pristinam suam sententiam de *Prædestinatione gratuita, Futurorum cognitione, Gratiae efficacia*, unquam immutarit, ne *vetulus vasa colligere cogeretur*? Quae postea *Novatio Tomasini*, aut *Tournelii* ad conciliandam Divinae Gratiae vim humana cum libertate? Quid tandem *Haberto* visum, an *re ipsa opus esse meritorium possit, quod neque incipiat ex Charitate*? Quid *Huetius* denique cum multiplici *Mosis* Metamorphosi? Age age, his de momentis, his de Magistris in Dogmatica Theologia principibus, differamus duo Nos: atque proculdubio ex me uno conjicies inter GENTILES meos admodum mediocri, te linguam petulantius exertasse, quando GERMANOS cum HUNGARIS confundens effutiebatur: *Siqui Theologiae daremus operam in solis vocularum captionibus, & quaestionibus plane supervacaneis sine propria, sine aliorum prope ulla utilitate nos occupari.*

Verum enim, cur ego jam & THEOLOGIAE laurea te digner? qui (nisi ludor) ultra *Rhetoricorum Libros, ac Justiniani Institutiones*, (Gaditanas fortasse tuae Virtuti columnas) vix quicquam

*Adversarius
vix carpit
Theologiae*

*Studium in
HUNGA-
RIA, viz a.
liquis ipse
Theologus:*

*Complura
ex ceteris
Dogmata,
quae HUN-
GARITheo-
logi solenter,
ac studiose in
SCHOLIS
pertrahant.*

quam processisti? Nisi vero insuper, compingendis cum RECENTIORUM Moleculis, rotundis illis, planis, cubicis, uncinatis, hamatis, sagittatis, (verbo) multiformibus, lusitare aliquantulum nuper didiceris? Quia nihilominus verae, ac robustae THEOLOGIAE, nedum peritiam; sed jam & instaurandae, ad Nosque propagandae sollicitudinem tibi vendicasse palam profitearis; atque adeo non obscure indices te talos a vertice ad imos Eruditione plenum esse omnigena; dic (te perurgeo) quid propinquiore vicinia cum THEOLOGIA DOGMATICA junctum, eique penitus insinuatam, quam *Supremum Judicem controversiarum*, Pontificem Romanum esse omnino? *Christi propterea vices obeuntem, Caputque visibile, Universalis Ecclesiae, ac legitimum PETRI Successorem?* In Eucharistia porro adesse reipsa praesentem, deque pane, vinoque permutatis factum (modo, quem Catholici confitemur) *Mundi Servatorem?* Deum O. M. voluntate nedum illa signi; sed utique altera quoque Beneplaciti, universos Mortaleis voluisse salvos? *Filium ejus Unigenam pro cunctis equidem lethum oppetiisse? de condigno praeterea pro delictis omnium, cum retroactis, cum futuris, atque ad rigorem rationis satisfecisse? at tamen his non obstantibus Poenitentiam requiri nostram? nostra requiri opera meritoria ad salutem?* Quid plus? *Fidem & amitti posse perfidia, Et solam,*

lam, atque orbam, *Iustitiam sanctificantem* baud conferre? Septem dehinc esse vere, ac proprie Sacramenta? Non concludi sub Praecepto Coenae Dominae (pro singulis Generis) sumptionem utriusque speciei? Dari Sacerdotium in nova lege Christi; offerrique genuinum Sacrificium? Caelibatum & geri posse, & laudandum, suadendumque esse; neque temere quibusdam vitae Christianae Statibus injunctum? Purgatorium demum existere? Noxiarum Confessionem jure divino statui? libertatem nedum a coactione, verum & a necessitate, inesse unicuique? Et alia quamplurima? Quid vero tibi videtur ADVERSARIE, an haec & istis paria, Theologis HUNGARIAE peregrina? an de hujusmodi pertractemus nihil? nihil productis usque vigiliis elucubremur? nihil ex eis ad Audientes praelegamus? Ego autem arbitror, (nisi mea me fallat opinio) etiam studiosius, impensius, copiosius; aut profecto nihilo segnius, & ignavius iis, quos tu subaudis. Quid enim? latrandum nobis quotidie in lupos undelibet exululantes, atque iis de rebus identidem cum his tricandum; sin minus ergo alio quopiam probiore impulsu, certe honestatis (cujus gustum Belluis tantum natura subtraxit) Honestatis saltem (dicebam) incitamentis adducimur, provocamur, extimulamur, ad indefesse elaborandum illarum vim quaestionum, naturam, causasque nosse; ut ne sci-

scilicet uspiam *herbam porrigere* INIMICIS videamur, haud citra piaculum & offendiculum, ac dedecus sempiternum.

Adverte autem, quam proterve, quam pervicaciter ipsi factitent, ut tela nostra, si non elidant, eludant tamen quatenus possunt. Enimvero, si memorata Dogmata, quia nimirum auctoritate Sacrosancti CONCILII TRIDENTINI definita sint, tenenda esse, atq; indubitate profitenda inculcemus; reponunt solito more, atque praefracte: PARTEIS ab eo haud satis fuisse admissas, auditasve; proindeque non usquequaque censeri debere uti *legitimum, universale, inque Domino congregatum*: atque adeo *errare potuisse, & erravisse nimis*. Si demum iis de Rebus *Traditione* constare perhibeamus; illam pro veteri (in qua occalluerunt) pertinacia insolentius rejiciunt. Si Patrum consensionem, adstipulationemque proferamus; quicquam pro humana conditione eis obrepere potuisse contendunt: quum e *Verbo Dei* haud liquido pateret perpetua illos *Divini Spiritus adfidentia* fuisse nixos: quoniam in comperto esset pristina quosdam retractavisse. Atque insuper, nonnullorum in Scriptis *Antilogiae* quoque notarentur. Si tandem *Divinarum Scripturarum* Testimoniis agamus, pacata illa candidaque hodiernae DOGMATICAE Methodo; in iis varie, sinistrequae detorquendis suo profecto sen-

*Pervicacia
Haereticorū
in HUN-
GARIA,
qua se expe-
diunt ab Ar-
gumētis Dog-
maticis.*

sensu abundant, decemque pro uno verba reddunt.

Nunc ego ADVERSARIE, (cui THEOLOGIA susdeque nostra est), nunc ego jam percunctor ex te, quid hic ageres? quo te verteres? ne (Jupiter!) Vates probus ac verax sim ego, si tu re infecta ex arena non disceiseris. Nos autem, quo perfrictae audaciae blaterones, & vix ullis malleis cedentia duratorum pectora, sin minus edomemus, revocemusque ad frugem; demus in ruborem saltem, ac fauces dicacissimas cohibeamus repagulo, aut usque obturemus; Nos inquam ambidextri (detur verbo venia.) SCHOLASTICAM THEOLOGIAM cominodum in suppetias arcessimus, aciem ratione, arteque ordinamus. Itaque *maximas & praemissas* ejusmodi, quae ne ipsi quidem refragari consueverunt, primo loco collocamus: inde consecutiones ducimus eis apprime ac luculenter affines, & cohaerentes *ad amussim* ex Lege Dialecticae, atque adeo *in modo & figura*. Ad has porro assensum cautissimis probationibus extundimus pedetentim, eaque continenter vigili gradatione procedimus, donec *a primo ad ultimum* evidenti serie quaesitam Veritatem eruamus tum demum, ac demonstramus. Quo fit, ut praestructa veluti via, redire, & constrictis effugere, haud vacet amplius: sequens omnino circumventos, ac deprehenso esse, pla-

*METHODUS
perutilis
Scholastica
Theologorum
Hungarorum,
qua constrin-
gere solent
volubiles
Haereticos.*

ne videant. Atque si etiamdum restitent victas dare manus, saltem nil ultra succurrit, quod obiectent enervati, praeter strepitantem proterviam, aut invictissimum silentium. Sed fidem tu istis nequaquam adhibes? at vero probares etiam, ac suspiceres usum THEOLOGIAE NOSTRAE, illorum autem effrontem nequitiam, versutiamque admirarere, si coram aspectares. Ego autem *quae vidi, quae audiui*, atque etiam exercui, *non potui, non loqui*, proque indemnitate PATRIAE non adducere. Quippe cum & mihi, ex caeteris qualicumque, hujusmodi operoso in studio *erant vigilandae noctes, fuliga lucubrationum bibenda, inque sudata veste durandum*. (a) Praefertim, dum haud ita pridem Scriptitatione primum, tum vulgato quoque Opere, adversus Perfidiae Triarium, *De existentia Purgatorii*, auspicio Numinis feliciter dimicavi.

Hujusmodi ergo (ut me tandem expediam) hujusmodi sane institutum HUNGARIS est, & THEOLOGIAM profitendi, & inde ab infimis ad summa per litterarum ambitum JUVENTUTEM educendi. Supremum itaque ADVERSARIE compello: etiam denique censeas, *si qui nimirum apud Nos Theologiae darent operam, in solis vocularum captionibus, & quaestionibus plane supervacaneis, sine sua, sine aliorum prope ulla utilitate, occupari? adhuc adhuc nullae in Regionibus nostris Litterae? aut ista,*

(a) Quint. L. II.
c. 3.

Concluditur injuri dictū esse, Quaestiones super vacanteastradi in Theologia apud HUNGAROS.

ista, quam ab exordio usq; ad praesens explicabam, prava est, & inutilis earum tradendarum, colendarumque ratio? Cerne jam aliquando, jam senti, jam palpa homo licentior, quam toto Coelo deerraveris! quantum injuriae percelebri ac praecellenti Regno consciveris! quantum propterea objurgari meruisti, etsi a me longe moderatius verberere atq; par fuit, & ultio culpae admensa, petiverit.

Sed pro! tetrionis, tum & atrocioris fuerit convicii, Cento ille, quem (post indigesta quae semel, ac iterum retulimus verba) hunc in modum confarcinabas. *Ex qua litterarum infcitia, incredibile est quantum detrimenti Res Ecclesiastica capiat, quam enormes Christiani officii perversiones, quam multi, & perniciosi errores in Evangelicam Doctrinam irrepere possint.* Num ergo ex infcitia HUNGARORUM incredibile ECCLESIA detrimentum accipit? inde inde enormes apud nos Christiani officii perversiones? inde, multi, ac perniciosi errores? At fervorem moderor meum, nequid inconsiderans in te committam. Gemina itaque Verborum illorum significatio observari potest: Vel quod, ubicumq; optimarum litterarum penuria sit & quaedam vastitas, aut depravatio, ibi mores quoq; corruptissimos; ibi Religionem multis nefandis pollui ritibus, esseque calamitosissimam; ibi sacra, profanaque

Expostulatur de novo immani Convicio cum Adversario.

omnia foede perverti. Propter quod MITYLENAEI (auctor est *AELIANUS*) eos, quos bello perdimuerant, extreme miseros ac perditos reddituri, Litterarum studiis prohibebant. Qua etiam de causa consccleratus JULIANUS IMPERATOR, ut FIDEM scilicet CHRISTIANAM, a qua defecerat, celerius, atque funestius iret perditum, illam profitentibus immanium suppliciorum minitatione Litteras interdixit. Vel alias, verba illa tua intelligi queunt, quod videlicet re ipsa hodie in HUNGARIA ex Litterarum incititia ea ipsa *detrimenda Res Ecclesiastica capiat*, & caetera infanda, quae congeris. Quia nimirum (veluti pertendis) *nullae ibi forent litterae; aut pravae, & inutilis earum tradendarum, colendarumque ratio*. Primum itaque optime dicitur. Alterum si asseris (quo te collineasse ex eis, quae antecedunt, & consequuntur, pronum est suspicari) istud vero nequiter procudis & affingis, ac denovo reum te facis palmaris contumeliae. Jam enim abunde monstratum probatumque est, sin minus praecellentissimam, prorsusque eximiam, dubio procul egregiam, ac laudabilem litteras exercendi, instillandique rationem florere in HUNGARIA. Proindeque minime inveteravisse, invaluisse, ac radicatam esse perniciosam incititiam, de qua totidem illa impia, ac maxime damnosa germina propullulent.

Nisi

Nisi vero huc, illucve titubans, aut stramen captans naufragus, illud supremum arripas, quod, etsi confiterere non usque ignobiles Litteras in HUNGARIAE quibusdam Gymnasiis tractari; PRESBYTEROS nihilominus, & EPISCOPOS, tenues admodum esse Litterarum, ac Doctrinae pauperrimos; cujus rei causa tanta se mala in ECCLESIAM DEI conferte infunderent. Atque hanc tuam fuisse praemeditatam suspicionem haud magna ego divinatione egeo, ut assequar, si tua omnia, prima cum extremis, media cum utrisque contulerim. Ut igitur, & hac te ultima (reor) munitione dejiciam, vel (accomodatius pro re nata dicturus) ut & hic linguam tibi compescam, tantummodo perstringam, & ut possum, contractius referam, qui, qualesve nunc temporis in HUNGARIA sint EPISCOPI, atque PRESBYTERI; quam proinde ingentia RES ECCLESIASTICA referat commoda, & incrementa, quia scilicet *in iis Ingenium, ratio, memoria, litteratura, cogitatio, diligentia.* (a)

Primo quocirca loco memorandum se praebet EMERICUS S. R. Imp. Princeps de GENTE ESZTORADUM, Regni Primas, & Archiepiscopus Strigoniensis. Quemadmodum autem Genere, atque ornatissimo Munere PRINCEPS iste, PRIMASQUE audit; ita omnigena Eruditione non minor est. Ac nemini certe nostratium dubium fuit

*Adducuntur
plures Episcopi
HUNGARIAE,
Genere juxta
atque Doctrina
illustres.*

(a) Cic. 2. Thili.
c. 45.

PRÆDICI-
C.ATIO
Archiepiscopus
Strigoniensis
bodier-
ni, simul &
Primatis
HUNGARIAE.

fuerit, non tam merito sanguinis, quod plerumque fit; quam praesignis DOCTRINAE, PRUDENTIAEQUE fama, primum quidem EPISCOPUM VACIENSEM, tum ZAGRABINUM, inde VESPRIMIENSEM, & REGNI simul CANCELLARIUM; PRIMATEM tandem, & ARCHIEPISCOPUM METROPOLITANUM fuisse renunciatum. Quid enim? PHILOSOPHIAE, certe, ac THEOLOGIAE LAUREAM; tum, in SCIENTIA quoque SACRORUM CANONUM DOCTORIS Insignia, florentissima adhuc aetate jure consequutus, harum postea singulas, diu, atque ordine, summaque facundiae & ingenii laude pertractabat, perdocebat. Nunc etiam depontano grandior, annoque octogesimo proximus, plurimum consilio valet, plurimum adaucta inde auctoritate potest, atque etiam efficit in arcano REGALIS MINISTERII confessu, inque supremo Regio (quem *Locumtenentialem* vocant) SENATU. Ad haec: se (tamquam PRIMATEM) appellantium causas, ut creberrimas, ita etiam intricatissimas, ipse cognoscit, discutit, atque definit: *Delectis Consistorii Assessores* saepe stupentibus, inopinatum (pro incredibili illius sapientia & perspicacitate) litis eventum. Accedit, (id quod ipse licet sim expertus, sed percipere haud satis poteram) Virum progenie anniisque maximum, totque amplissimis officiis distentissimum, ac propemodum irrequietum, affecta praesertim potiori tempore

re

re valetudine, adeo perspicue, adeo argute, subtiliter, ac nervose de praecipuis THEOLOGIAE *Theorematis* differere, ac mecum ipso pro praestabili sua comitate, semel iterumque differuisse, ut eo ipso, quo ista gerebantur tempore, e Cathedra ad Audientes praelegere, mihi profecto sit visus. Atque si assentandi, si blandiendi, vel gratificandi gratia hunc palpum obtrudo, frons mihi depreat. Ex qua demum rara, miraue sapientia redundat solida illa ac virilis religio, pietasque, & zelus ardentissimus cumulandi accessiones, atque augmenta ECCLESIAE FIDEIQUE. Liberalitas praeterea magnificentissima, profusa subventio, ac misratio quotidiana adversus egenos, & calamitosos.

Hic idem, hic ipse murum sese aheneum opposuit praepotenti, ac prope votorum potitae Haereticorum machinationi, ne devenerandum SANCTISSIMAE DEI GENITRICIS Nomen e veteri PATRII JURISJURANDI Formula (quam & ipsi promere adstringuntur) extereretur & aboleretur. Ille GERMANNUM quemdam, *Pseudoepiscopum* LUTHERANORUM, & impostorem consceleratum, regia proinde auctoritate in Ergastulum perpetuum compactum, apud suos alioqui multo maxime eruditum, eo tandem crebris nunciis, & ministris adduxit, ut appetente Dierum articulo serio respiscens, errorem
sit

fit execratus, detestatus crimina. Ille BASILICAM Vespriemensem, olim ab Regina GHISELA, Divi STEPHANI Coniuge regio sumptu constructam, at Barbarorum feritate humi fere jacentem, non minore splendore instauravit. Ille grandibus impendiis Sacrarium Beato JOANNI ELEEMOSYNARIO in Urbe PISONIA; Templum DIVAE ELISABETHAE ibidem; Aram itidem inusitati decoris DIVO MARTINO, INDIGETIBUS nostris posuit: Paucis multa complectar: Ille tricenis plura certe Fana, suam per vastissimam Dioecesim SUPERUM cultibus qua excitavit ab imo, qua reparavit, auxit, ornavit, dotavit. Praetereo peramplae molis, ac magnificentiae Palatium apud Pomoeria dictae Urbis, SUCCESSORUM commoditati, & erectum, & illustratum: praetereo constructum intra Urbem *Sanctimonialibus*; & in Civitate propinqua SANCTI GEORGII, CLERICIS REG. SCHOLARUM PIARUM alterum, nobile utrumque Domitium: Praetereo sexcentas alias summe pias erogationes; benevolentiam denique singularem cum insigni munificentia conjunctam in litteratos: Quibus domus illius, & diversorium, & Hospitium, & Triclinium, & Lyceum semper visa est.

Huic suppar dignitate, sed neque virtute, doctrina, calentissimoque Gloriam Numinis propagandi fervore dissimilis, GABRIEL DOMINICUS,
e Co-

PARS PRIOR. 121

e COMITIBUS PATATICIIS, Archiepiscopus COLO-
CENSIS, unus praeterea, isque potior de Regni
SEPTEMVIRIS. Qui humanioribus Domi Studiis,
ac PHILOSOPHIAE PLACITIS impensius excultus, RO-
MAE postea, SACRORUM CANONUM, ac THEOLOGIAE
praelectiones notabili fructu, atque applausu au-
diverat. Tantumque profecit pro illa mentis per-
spicacitate, quam in Urbem attulerat, ut hodie
quoque publicis litterariis in concertationibus
argumentari solemni methodo nedum non dedi-
gnetur, verum praestet quoque istud quam na-
vissime. Nuncium proinde litteris (confecto cur-
riculo) haud remisisse, sed perpetuo illas con-
sortio sibi copulavisse, palam profitetur. Quo
earum peculiari ex amore, ac etiam pro Mu-
neris sui ratione, SEMINARIUM Alumnorum Cle-
ricalis Ordinis exaedificavit sua in METROPOLI:
constitutis, & Juventuti sustentandae annuis Re-
ditibus; & munerandis etiam, nedum alendis
Magistris, decoro Minervali. Ipse interea pul-
cherrimum sibi crebrius otium sumit facere pe-
riculum tum horum industriae, cum eorum di-
ligentiae: idque disceptando, sciscitando, oppo-
nendo, & quatenus fieri expedit, explorando.
Ad hæc: tantum abest, ut refugiat, ut etiam
oblectetur pro Concione rudium quorumvis ver-
ba facere, catechizare imperitum popellum, aeta-
temque impuberem; qui antea CAROLUM VI.

PRAEDI-
CATIO bo-
dierni AR-
CHIEPIS-
COPI CO-
LOCEN-
SIS.

Imperatorem Romanorum, HUNGARORUMQUE Regem, dicendi praestantia ad se audiendum illexerat. Tum vero, dictante quam altius imbibit sapientia, *pecuniam, esse effectricem multarum, & magnarum voluptatum*; (a) Voluptate autem, praeter illas corporis, enervari animi quoque vires; & sanctissima consilia, susceptaque optima proposita, quodammodo in herba praefocari, ut *reapse nulla capitalior sit pestis, quam voluptas*; (b) *Obventiones* omneis ac praestationes sibi debitas in cultum piissimi Numinis, in decus, & incrementum ECCLESIAE, potissimum impendit. Homo caeteroquin aetatis flore, Amicitiiis, Clientelis, & Cognatione nobilissima, praepollens. Iccirco, opere ac magnitudine celebratum AUGUSTAE COELI REGINAE Fanum, (quod in Urbe COLOCENSI a DIVIS olim REGIBUS positum, Thracum vastatione demum conciderat) pristinae formae, splendorique ex toto penitus restituit. Canonicorum simul numerum adauxit, ac *Praebitiones* eis faciendas deputavit. Paroecias quoque plures *jure Possiliminii* reposuit, Animarum Curatores solerti delectu praefecit.

[a] Cic. de finib. lib. 2. c. 7.

[b] Cic. de Cl. orat. c. 50.

PRAEDICATIONIO hodierni **EPISCOPI AGRIEN-
SIS.**

Venio ad GABRIELEM COMITEM ERDÖDIUM, Virum PRINCIPI REGNANTI intimis a Consiliis, inque Excelso Senatu Regio Oeconomico (quem *Locumtenentialem* dictitant) unum de primis subfelliis; AGRIENSEM denique) quod ad rem nostram

nostram facit) Episcopum. Litteras istae in Patria coepit, continuavit; atque hac postmodum in URBE consummavit. Deus bone! quid in illo ad excultissimae Eruditionis famam desit? quid in caeteris immo sit, quod fere in eo non sit? Hunc ego VIRUM abs te ADVERSARIE spectari (si quid unquam maxime) optarem. Tumvero, praeter splendorem Generis Orbe nostro haud ulli secundum; praeter opes, amplissimamque Dignitatem (quae non parva sunt adminicula, ut virtus cujuscumque illustrius elucescat) mirarere facundiam, elimatum judicium mirarere. mirarere agendi promptitudinem insigni gravitate, & veneranda vultus majestate sociatam. mirarere ardorem illum flagrantissimum, quo praegrandis oneris Provinciae, qualis est EPISCOPATUS maximus AGRIENSIS, partes omneis plane adimplet. Hunc profecto reipsa infomnem esse; aut, cum etiam dormit, advigilare putem: quum nihil eorum elabi sinat, quae ad SANCTAE FIDEI propagationem, ORDINIS ECCLESIASTICI profectum ornamentumque, lucra animarum, Pietatisque subsidia conferant, aut quoquomodo pertineant. Civitatem quocirca suam RELIGIOSORUM COETIBUS unus prope ipse complevit: qui moribus, qui Doctrina, qui inculpatae vitae exemplis, qui optimis habitatoribus illam percomerent, adaugerent, stabilirent. SEMINARIUM in,

Clerum cooptatorum Juvenum , qui Philosophiae , ac Theologiae darent operam ; Alterum item Nobilium Adolescentum , qui *Juri Pontificio* , *Civili* , ac *Municipali* vacarent ; qua impendio , qua sollicitudine sua , illud quidem ampliavit , perfecit , ordinavit ; istud autem diebus nuperis magnifice promovit , disposuit , instruxit . Episcopales deinde facultates , ac redditus vindicavit , atque plus satis cumulavit . AEDEM CATHE-
DRALEM pretiose convestivit ; Palatium peramplum , & alias substructiones , hortos , villasque memorabiles , ad honestam animi relaxationem , & commoditatem , Successuris adparavit . Praecipuos nobilitate Viros , Doctrinaq; & Virtute , ac meritis , rerumque gerendarum peritia fultos delegit , suorumque Collegio Canonicorum intulit , adscripsit . Latissime porrectae Dioeceseos numero in Clero (severior nonnunquam , cum res exigeret) solertem vigilantiam , ac probissimos mores , laudataeque conversationis nitorem ingeneravit . Et pape ! quam ille ardenter investiget , sicubi , sicunde , siquando asserendae lucrum animae nancisci valeat . Atque sane , lucrificat per saepe nobiliores quoque Natalibus Animas , sed Haereseos labe sordidatas . Quas ubi repurgavit pravorum Dogmatum sordibus , non minore demum amore complectitur , quam qui vitae eis usuram impertivere . His cum con-
vetsci-

vescitur, in paucis caras habet, inter Familiares adsciscit, ad sortem, fortunamque commodiorem provehit, muneribus impertitur; plaerasque tandem & sustentat: quasi ad eum de cunctis, jam & alendis pertineret, quos spiritu filios susceperat. Desino plura, ne quae plurima superant pro tenuitate mea minus digne, atque parcius.

Quid jam afferam de CAROLO MICHAELE COMITE ALTHANNIO, Episcopo Vacienti? qui amplissimo illi, atque integerrimo Patruo, MICHAELI FRIDERICO S. R. E. Cardinali, paucis ab hinc annis rite successus fuit, cum Archiepiscopatu Bariensi, ipsaq; Apulia, justis de causis decessisset. Habet nimirum univerforum etiamdum oculis obversantia, immortalis COGNATI, ac DECESSORIS religiosissima facinora; habet acria, assiduaque incitamenta ad paria praestandum, ad eum consecrandum. Quanta enim ille Doctrina eluxerit; quam irreprehensibilem, immo hac in malum curva deflexaque (ut dicam) tempestate, quam rigidam, ac prodigii plenam vitam ipse duxerit; quomodo totos pene dies lectioni, precationi, languentium, aut animam agentium visitationi impenderit; quam inexpugnabile vallum protutandis atque constabiliendis ECCLESIAE JURIBUS, proque firmanda SACROSANCTA RELIGIONE contra omnem Potentiam, etiam contempto honoris manifesto discrimine sese opposuerit, iusta ego (quam

PRAEDI-
CATIO bo-
dierni EPI-
SCOPI
VACIEN-
SIS.

(quam in Funere pronunciaui, inque Vulgus sparsi) Oratione sum exequutus, & adhuc recentissima, ferosque ad Nepotes manatura memoria passim enarrat. Tantis quocirca vestigiis perquam sedulo insistens CAROLUS NEPOS, primum quidem Doctrinam illam, ac perfectam cognitionem Rerum Ecclesiasticarum (qua optimus Patruus & ipse illum imbuebat, & imbui diligentissime fecerat) studio, exercitatione, cumque Viris egregie litteratis non tam familiaritate, quam convictu, atque quodam contubernio, impigre cumulat, inque dies reddit plenior. Inde vero, luminibus, facibusque veritatum voluntati semper praesentibus, collustratur, atque inardescit ad exactissimam illam rationem continenter tenendam, qua Episcopale officium, quemadmodum sublime, ita longe omnium gravissimum, ad hoc usque tempus gerebat. Deum immortalem! quid ipse non egerit, cum nuper funestissima Contagio quaquaversum, ac proinde VACIENSI quoque in Civitate grassaretur? Haud equidem, florentis amore vitae incitatus, summorumque propediem Honorum (si modo viveret) spe indubia; haud sane communi sese calamitate eripuit, quod impune poterat: Verum animam pro ovibus ponere nihil addubitans, inter carissimum, jamque late tabescentem Gregem restitit; ope deinde, vigilantia, consilio, impendio, providentia, pro-

properantes de corporibus animas revocabat: praecavitq; sollicitissime, nequi inedia magis, quam fato interciderent. De Medicis corporum, juxta atq; spirituum sua in Urbe, ac Dioecesi, quantum per subitam stragem licuit, mature prospexit. Rimas illabenti undique, & qualibet contagio, obturare ante omnia insudavit. At quia actum fere agebat, meliore usus remedio supplicationes ad placandum Numen, ad reducendum extentam atque caedentem diro flagello manum, creberrime indixit, ac peregit. Cohortationes ad *Poenitentiam*, ad nuncupanda suscipiendaque religiosissima vota, ad animos feriis propositis commutandae in melius vitae obfirmandos, ad fidentiam in misericordi Numine (dum etiam castigat) amante collocandam; hujusmodi inquam cohortationes per vicos foraque, incitatis fieri declamationibus, sudate procuravit.

Pestilentia subinde restincta, votum, quod ipse apud animum conceperat, uberi gratitudine pensavit; & pro Aedícula mediocri, ingens, ac ac patentissimum Delubrum magnae construxit CHRISTI AVIAE apud Clericos Regulares PIARUM SCHOLARUM. Postquam autem supremam huic manum imposuerit, quod proxime futurum est; quisque intelligit, quid commeditetur, quid pectore verset, statuatque animo, ad

Stu-

Studia SEMINARII multo amplius provehenda, ad Gymnasium publicum, jam quidem perhonestum ac frequens, plenioribus Litteris complendum.

PRAEDICATIONIO
hodierni Episcopi
JAVARIENSIS.

Transeo ad Episcopum Javarinensem ADOLPHUM DE SANCTO GEORGIO, ex modo dictis SCHOLARUM PIARUM Clericis (quibus supremo ante jure sex annos praefuit) ad ECCLESIAE istius gubernacula adsumptum. An vero Eruditionem Viri incomparabilis incredibili summorum Hominum existimatione celebratam? an pervigilem curam impositum humeris onus ferendi? an dotes animi vix ulli mortalium concessas, vel digne commemorem? Qui communem adhuc inter suos vitam degens, CAROLO VI. gloriose memoriae Romanorum Imperatori, arcanis a Consiliis fuit. Qui linguas Europaeas fere universas, privata industria condidicit. qui Graecam praeterea novit; & in primis Hebraicam, Syriacam, Chaldaicam, callosa contentione tantopere est consequutus, ut jam admodum juvenis, justum adversus perfidos de adventu MESIAE Volumen, & elegantia, & subtilitate in adeo difficili sermone multo maxime suspicienda, eximium, atque argumentatione (de penetrabilibus abditissimis Sacrorum monumentorum) eruta, praevalidum, in lucem emiseric, atque beatae memoriae CLEMENTI Summo Sacerdoti, ejus Nominis

minis XI. dicarit. Qui THEOLOGIAM DOGMATICAM (in qua parem illi haud facile exquiras) in SEMINARIUM lectissimi Cleri sui adeo ordinate innoxit, ut Normam omnino dederit, quam caeteri transumant. Edi etiam fecerit Volumina ab se foecundata, ac limata; in quibus ea, quae Viro Ecclesiastico scitu in primis necessaria perviderat, perspicua brevitate, firmisque fundamentis comprehenduntur. Qui praeterea *Sacris Adventus ac Iejunii Verni* temporibus, ad frequentissimam Haeresi quoque insectorum Concionem, e penitioribus *Divinarum Scripturarum* fontibus verba fundens, exhortatur omnes argutissime *in sana Doctrina*, atq; haud *levibus* profecto *in verbis*; & eos qui *contradicunt*, firmamentis insuperabilibus *redarguit*. Quo sane conficit, ut errore durati caecatque, etsi non statim respiciant, tamen mollescant plusculum, dicentemque mire suspiciant, ac venerentur. Qui demum, promiscui sexus teneram aetatem, in Aula Palatii, FIDEI Elementis ipse non raro instituit, bene respondentes nummulis, aut munusculis demulcet ac provocat, iisque paterne blanditur, ac Nutricis instar Cibus Salutaris Doctrinae praemasticat. Qui in ACADEMIAM suam JAVARINENSEM praeclarissimam PHILOSOPHIAE, ac praefertim THEOLOGIAE Studiorum rationem introduxit: qua videlicet praeter caeteras PHILO-

SOPHIAE Parteis, ETHICA solertius traderetur: tum THEOLOGIA SCHOLASTICA, quantum necesse sit; inde DOGMATICA quam plenissime: Postea MORALIS enucleata; deinde *Sacrorum Canonum*, *Risumque* notitia; modus dicendi ad Fidelem, & Infidelem Populum; Formulae catechisandi; & reliqua hujus Instituti, perquisita facilitate cum iisdem constanter Discipulis communicarentur. Quem in finem, quatuor ipse Cathedras Moderatorum, destinato liberali stipendio in perpetuum erexit: quarum primariam (qualiscumque sim) solido triennio, quamdiu nimirum per valetudinem licuit, ego tenebam. Hic Vir, hic ergo is est, de quo paucula ego generatim perstrinxi; sed insigni *Epiphonemate* multa complexus fuit scientissimus PASSIONEUS, PRINCEPS hodie PURPURATUS, cum in facie dignissimorum gravissimorumque Hominum, libere atque serio asseverabat semel & iterum: *Eum vere doctum, ac proprie Episcopum esse.*

Quis demum (secundum hunc) qualisve, SIGISMUNDUS, COMES BERINIUS, *Quinqueecclesiarum* Praeful? Iste, ob Doctrinae praestantiam, cultissimos & illibatos mores, ac etiam Generis Claritudinem, in Strigoniensium Canonicorum spectatissimum Collegium adlectus, CHRISTIANO AUGUSTO, *Saxoniae Duci*, & Archiepiscopo suo, ac Regni PRIMATI, Canonicus a latere, in-

PRÆDI-
CATIO
bodierni E-
pisc. QVIN-
QUEEC-
CLESIA-
RUM.

inq; Tractatibus Imperii RATISBONÆ tum habitis, intimis a secretis diu aderat. Illo demortuo, apud EMERICUM ESTORADEM, (Magnum hodie ARCHIEPISCOPUM, ac pariter *Primate*) plurcis per annos delegatus Causarum *Primatialium* Cognitor, in partem oneris habiles ac peridoneos humeros sufficiebat. Cujus doctissimi Mortalium assidua consuetudine perfruens, ex eruditis illius ACTIS, atque COLLATIONIBUS, plurima in usum suum reponebat, dum interea Regio quoque OECONOMICO IN SENATU Collega assideret. Tanta autem mirificis dotibus suis, collectaq; ac perfacili ad quidvis magnifice gerendum dexteritate, affabili comitate, ac probatissimæ vitæ nitore; tantam sane omnium Hominum, summorum juxta atque mediocrium, de se existimationem conciliavit, ut unum idemque singulorum judicium esset, quod palam percrebuerat: *sam illum Episcopatu, quam sero Virginem, dignum esse*. Itaque, post ereptum e vivis memorabilem Cardinalem CIMPHOEGUM, QUINQUEECCLESIARUM (Urbs est HUNGARIÆ istius Nominis) perhonorificam DIVINI MUNERIS SEDEM verendus tandem PONTIFEX pleno jure insedit. Quæ tum Bonorum omnium gratulatio? Quæ spes, atque expectatio? Quanta exultatio, ac hilaritas CLERI POPULIQUE? cum in coelesti quo-

dam vultu suavissimi Praefulis, distincte legent, quam pium, quam continentem, quam modestum, quam irreprehensibilem, quam sapientem, quam magna atque praeclara, quae facturus omnino esset, nutu ipso promittentem, quam genuinum PATREM, ac PASTOREM Animarum suarum, deq; Coelo (verius) missum, a DEO OPT. MAX. essent consequuti.

PRÆDICATIONIO
bo. dierni Epi-
scopi MA-
GNIVA-
RADINI.

Adjungamus huic NICOLAUM COMITEM Csakium Magni Varadini Antistitem, Uterinum dudum extincti EMERICI Csakii S. R. E. Cardinalis, & Archiepiscopi COLOCENSIS. Quis vero, quantusve fuerit EMERICUS Csakius, sive Progenie facile omnium in Hungaria prima, ac certe vetustissima; sive omnigena eruditione, sive dicendi copia singulari, sive Prudentia experientissima, sive consummata judicii gravitate, sive altissimo Consilio, sive linguarum Gallicae, Italicae, Teutonicae, Patriae, Illyricae, ac in primis Latinae, peritia; sive summorum Principum, ac Dynastarum notitia & consuetudine; quantus inquam his, atque aliis ornamentis extiterit immortalis Vir EMERICUS Csakius? AVITA Tellus proculdubio nullis non temporibus recinet: atque reminiscitur etiamdum Germania, compluresque Exterae Provinciae: Novit praeterea ROMA, communis quaedam Nationum omnium, ac Gentium quarumvis

vis PATRIA . Sufficerit ad praecipuam Homi-
nis excellentissimi commemorationem , cum
videlicet has olim in URBE , spectantibus PUR-
PURATIS PATRIBUS , *Theologicas* ille *Propositiones*
admodum juvenis insigniter , atq; insolita ingenii
felicitate propugnasset , a gravissimis istis prin-
cipibusque VIRIS dictum ei fuisse : *Vidimus TE*
ROMAE THEOLOGUM , *videbimus propediem CAR-*
DINALEM , *COLLEGAMQUE nostrum* . Vaticinium
fuisse , probavit Eventus . Nam ipse deinde se-
mel atque iterum ROMAE visus fuit utiq; CAR-
DINALIS . Immo, cum postea, ANNO scilicet SALU-
TIS DCCXXI. supra cIo. praeficiendo *Universalis Ec-*
clesiae CAPITI , PURPURATI Suffragatores consilia,
operamq; admovissent, tamen deinde Card. MI-
CHAELEM ANGELUM *de Comitibus*, Divina Providen-
tia PONTIFICEM jusserint; tamen complures in EME-
RICUM nostrum oculos, cogitationem, vota deniq;
intendisse . Hic ergo officii , fortunae , animi-
que , industriaeque praesidiis eminentissimus ,
NICOLAUM MAGNI hodie VARADINI Episcopum ,
tunc juveniculum , pro eo , quo in carissimum
sanguinem flagrabat amore, tantopere expolivit
(uti credere par est) ut seipsum quodammodo in
ceream istius indolem imprimeret, ac vivam in eo
sui ipsius relinqueret imaginem. Ac certe, ostendit
hic ipse hodie , qualem nimirum ille formaverit .
Siquidem nihil antiquius ducit, nihil ab se plu-

ris fieri luculentis significationibus prodit, quam iis cum, notitiam, & consuetudinem sibi intercedere, qui Virtutis laude, atque existimatione probitatis sint conspicui: aut qui in aliquo optimarum Artium genere caeteris antecellant. Hos omnes sic amplectitur, sic expansa benevolentia prosequitur, ut cum nulla hominum sorte libentius vivere, nulli faciliorem ad se aditum concedere, ad nullum majore voluptate divertere velle, palam indicet, ac testetur. Inde profectum est, quod cum annis ego nuperis Theologiam JAVARINI profiterer, ipse autem eam ad URBEM forte accederet, ad me quoque minime quidem id meritum, eo ex itinere inviserit, atque de augendo in sua Dioecesi Litterarum cultu, diu, ac suavissime fuerit colloquutus. Illico vero, ac impositam provinciam adorsus fuit, obsurdescentem audaciam SCHISMATICORUM *Episcoporum* intra fines protensae suae Dioeceseos solito plus arrogantium, infringere; eos proinde accessu quorundam locorum, publica auctoritate interdici elaboravit. Immunitatem Ecclesiasticam, quam nonnihil labefactari adverterat, in integrum reponi enixius egit, effecitque. Simul autem juniorem Clerum suum, pleniore SANCTORUM PATRUM THEOLOGIA, SANCTIONUMQUE APOSTOLICARUM cognitione, per exquisitos, annuoque censu egregie provisos Modera-

deratores edoceri constituit. Ad quantam porro gloriam Christianas ille Litteras provehere firma apud se voluntate defixerit, quam magnificum eis Domicilium ponere, & stabilire decreverit in vasta DEBRECINA Civitate, (Haereseos Calvinianae illic diu admodum, impuneque resupinatae, foedissimo cubili, atque quodam AUGIAE stabulo) tametsi perpauca, quae secretiora animi proposita credidit, novere, me tamen haud equidem praeterit, ac latet.

Longum sedenim foret, ire per omnes HUNGARIAE Episcopos, atque quantum docti, quantum industrii, quam bene morati sint, singulos per ordinem, quamlibet breviter, atque perpauca describere, ac percensere. Tum & VICARIOS GENERALES (uti vocare mos est) quibus plerisque sacros vertices Tyara coronat; Item ARCHIDIACONOS, qui amplissimarum DIOECESUM singulis quique Districtibus cum potestate praesunt, eosque pro ratione muneris crebrius perlustrant. Qui profecto universi, tum delecti sunt, cum, & re ipsa cunctis vitae, famaeque, doctrinaeque, ac etiam Natalium minime obscurorum honestamentis, plurimum praestant, ac praecellunt. Atque ii (nam de Presbyteris alibi) spero meam in dicendo parvitatem aequi bonique consulent; Quod videlicet nihil speciatim de iis, etsi meritissimis, expromam. Quod equidem quasi constrictus facio; tum, ut

*Praetermissio brevicula
caeterorum
Episcoporum
HUNGARIAE, &
aliorum
Praepositorum Eccle-
siae.*

ne

ne plus nimio prolixus AEQUO LECTORI videar ; cum vero , quod malle norim Viros ornatissimos , esse , quam apparere : magna facere , quam magni fieri , quam praedicari . Quod equidem proprium fuerit GENTILIBUS meis , qui licet iis fere omnibus animi ornamentis (quibus aliae Nationes) exsplendescant ; tamen intra PATRIAE sinum oculunt ; neque sua ambitioſius circumferunt : non ultra Maria , Alpeisque cursant , ut famam suam venditent , ut rumore spargant . Quo fit , ut Hominum uti absentium , ita quorundam ad credendum iusto amplius facilius , & ea , quae sub sensum cadunt , (ut plurimum) pensantium iudicio , Litterarum expertes , quid sit humane vivere ignari , indociles , ac Barbaris similiores habeantur . Quum tamen interdum ad rem venit , quum interest uspiam , tum hercule ! palam faciunt , perhibent , ostendunt , multo , ac etiam longissime plus illos esse , quam putentur . Quod , cum saepe saepius , variisque in causis , & occasionibus animadversum sit , tum praecipue exploratum & omnino compertum fuerit isto potissimis EUROPAE PRINCIPIBUS obnitente , ac formidoloso BELLO ; quod pro MARIA TERESIA REGINA sua MAGNANIMA , FASTOSQUE Triumphis auctura conclamaverunt , susceperunt , atque etiamdum gerunt . Ac gerunt quidem propriis maxima parte stipendiis belligerantes : belligerant autem

HUNGARIA cum ad rem venit , faciens , quod se deest , sualiter , seque baud ostendens .

PARS PRIOR: 137

tem multa prudentia, & circumspectione militari, invictaque fortitudine depugnantes: depugnante vero ausu incredibili, inexpectato successu, & inusitatis Facinoribus atque Victoriis. Quod, cum nemo sit, qui ignoret, secum etiam reputet, quantum immortalis memoria, quantum Annales, & Ephemerides illis olim acceptum referre debebunt. Verum, satis de his, ut ne fortasse invidiam dictis conflare velle; atque jactationem, quam Gentiles mei impendio fugitant, ne prenlare porro ipse, & ambiciosus affectare videar: dum contra Oratori, ac etiam Scriptori ingenuo, MAGNI TULLI monito *vitanda sit ingenii, ostentationisque suspicio*. (a) Quamquam haud ulli jactationi insolentiori, aut inani ostentationi verti posse putem Ego, dum candide quis, ac pro sui suorumque tutela ea memoret, que nedum vident, verum suspiciunt etiam, atque probant, ac mirantur fere universi.

(a) Cie. de Orat.

At tu ADVERSARIE, quid agis haec inter, quid cogitas? quid moliris? in arena quasi capto consilio (reor) inquires: si tantopere studiosi, tantopere vigiles, si tam impigri, si tam etiam eruditi, quemadmodum dicitur, & adstrui etiam utcumque videtur, ac probari; si demum usque adeo abundantes facultatibus, potestateque praeterea saeculari, ac profana praediti, HUNGARIAE PRAESULES, ut non vane REGULI quidam esse,

8

puten-

putentur; quid quod tanta Haereseon, tamque restagnans colluvies? quam ob rem tot animarum milia in umbra mortis caligent? aut per errorum avia, caecata atq; palantia titubent? nisi vero egestati, nisi penuriae optimarum (quae publice tradantur) CHRISTIANARUM LITTERARUM, vix quidem alteri assignari potest.

Brevis Historia insuasti Haeresum incrementi in HUNGARIA.

Et sentio, & ultro etiam admitto rem te propius acu tangere. Verum, dum respondeam, altius erit repetenda quaestio. Posteaquam, LUDOVICUS, hujus nominis II. Rex noster, ULADISLAI, item II. Unigena, (QUI MARIAM, MAXIMILIANI AUGUSTI Neptem, solemnibus ECCLESIAE Ritibus, VIENNAE AUSTRIAE, per THOMAM, Cardinalem Serigonensem sibi desponsaverat) elato Piissimo Patre Regni Solium inscendisset, pro ea, qua (admodum Juvenis) flecti potuit facilitate ad capeßenda non usquequaque explorata consilia, fractis (si liceat dicere) Foederibus, bellum immanissimo TURCARUM Principi indixerat. Sed vero (malum siquidem principium sinister plerumque finis excipiat) adversus insanam, trucemque multitudinem in agro MOHACINO (infelices illas Hungarorum CANNAS) adverso prorsus Marte postea conflixit. Illic proinde supremus REGUM HUNGARORUM Flos deplorandus LUDOVICUS, tenaci per fugam limo defixus, resupinoque oppressus a Cornipede, miserere

fere interiit. Occubuerunt ARCHIEPISCOPI, & EPISCOPI; quibus id temporis ex Lege receptum fuit (quemadmodum aliis pro Focis) ita pro Aris contra foedissimam Barbariem depugnare. Eneſti cum PROREGE [PALATINUM appellamus] Belliduces, Proceres, Optimates, Nobilium quique potissimi: quidquid propemodum, infelix tum ac miseranda PATRIA melioris obtinebat, gladio certe barbarico confectum, atque deletum est.

Quapropter exciso prope cum Paſtoribus Dominico Grege, BUDAQUE Regni Metropoli nullo negotio capta, ac tota fere religioſiſſima Provincia tyrannicum ſub jugum miſſa, HÆRESIS, ſeditioſum monſtrum (quæ caedibus, cladeque innocuorum, ſolennia, atque peropportuna captat incrementa) impetrata a Barbaris facili venia, rupto velut aggere, præcipiti ſeſe eluvione, inde ab recenti GERMANIÆ in Fide naufragio infudit. Dein vero quamdiu belluina Thracum Potentia DIVORUM olim Sede REGUM infederat, ac Regionibus illis late imperitaverat, [imperitavit autem duo prodemodum ſæcula] adeo pervasiſt, ac reſtagnavit, ut deduci, depelliſſe vix poſſe crederetur. Quid præterea? Ubi demum CHRISTIANI PRINCIPES, qui jus ad Regionem ſibi vendicavere, deteſtandam Tyrannidem propulſare, eiicere, exterminare nervis omnibus contendiffent, inviti proſecto, & in-

terposita minoris de duobus malis electione PRIVILEGIA nonnulla DIPLOMATIS usque roborata, invalescentibus pravorum DOGMATUM SECTORIBUS concessere. Vel quia praedivite, ac feracissima Ditione tuto potiri vix aliter fuit integrum in illo rerum infeliciū articulo, & Chao quodam, indigestaque confusione, nisi conciliare, tumidos ac cervicosos, quoquomodo pergerent: Vel quia exardescentibus saepenumero intestinis, aut mutuis AEmulorum, & Competitorum conflictionibus, huic, vel illi operam locando, quicquam Favorum ipsi (pro merito veluti mercedem) importunius exigebant. Atque adeo cedendum esse tempori, studendum tranquillitati publicae satius tunc judicatum fuit, quam contra nequicquam agere, & adversus torrentem quodammodo niti: aut ex re aliquando curabili, depositam conclamataeque facere. Quo factum est, ut Civitates quasdam juris fere sui, Locaque designata, inque TABULAS relata ad tempus fortirentur. In quibus caeremonias suas facitare, abortivae RELIGIONIS SACRA peragere, ludos litterarios, usu, moreque suo aperire, atque tractare, interea permisi; ac proinde *Tolerati* vocati: nunquam tamen pro INDIGENIS, sive PATRIAE CIVIBUS habiti, conscriptique.

Intellexisti ADVERSARIAE tumultuarium, ac lacrymabile crementum feralium Haerefeon in HUNGARIA? Decrementi porro laetius atq; felicius nun-

nuncium accipito summarie. Post MOHACINAM proinde (quam lugubre adumbravimus) Cladem, aut verius internecionem (qua nervi pene omnes AVITAE, SANCTAEQUE RELIGIONIS IN APOSTOLICO REGNO illo succissi fuere) biceps (CALVINI, LUTHERIQ;) *Errorum* Hydra, eo tandem obstipum, indomitumq; collum protulerat, atque arrexerat intestinis Conjuratationibus, ac Rebellionibus ceu flabellis adjuncta, (quas ipsa plurimum suscitabat succendebatque, aut secundabat) ut jam PROREGES quoque, & qui potissima REGNI Negotia ex Munere, atque Instituto tractare consueverunt, Haeretici legentur, destinarentur, praeficerentur; imperante cum vi, tum necessitate. In hoc proinde extremam in ruinam vergentium rerum nostrarum praesentissimo discrimine (unica in Deo spes reliqua) constituebamur. At PIAE non minus, quam AUGUSTAE DOMUS AUSTRIACAE pro temporum ratione vigili providentia, PRAESULUM item sollicitudine, strenuorum SACERDOTUM contentione, RELIGIOSORUM VIRORUM postliminio pedetentim immigrantium (qui universi aut contrucidati, aut extorres antea facti) exemplo, Doctrina; probissimarum denique Litterarum promotione, cultu, exercitatione; adeo tandem afflicta PATRIA respiravit, adeo FIDES prisca refloruit, & quae oppido infrixerat, recaluit, suisque quaquaversum Aris, atque Cultibus reposita, red-

*Causae re-
florescentis
superidemi, &
hodie prae-
sertim, RE-
LIGIONIS
Catholicae,
in HUN-
GARIA.*

reddita, auctaque fuit; ut hodie treis duntaxat, quatuorve numeros mediocris fortunae *Magnates* a Catholica professione, communioneque segregatos. Et si autem VIRI NOBILES haud pauci sint, qui susceptum altius virus nondum cogitent regerere, atque evomere; hos nihilominus *Fidelibus*, ac recte sentientibus neque numero, neque *Majorum Imaginibus*, neque opum amplitudine; minus autem auctoritate, officiis, prudentiaque & sapientia superiores puta.

Atque contra hos etiam, & quosvis eorum similes, cautum jam optime provisumque est, Publico REGIS, REGNIQUE EDICTO, in hunc ferre modum concinnato: *Nullus deinceps Haereticorum, aut Schismaticorum ad quodquam publicum Regni Munus adsumitor; & ad eorum quodlibet perpetuo inhabilis esto. Siqui sacrilega Apostasia, ab Sancta Romana Ecclesia desciscere praesumpserint, si populari conditione sint, saeculari adhibito brachio, comprehenduntur; Poenis severioribus ad pristinos tandem salutareis ritus rediguntur: neque prius liberi sunt. Sin vero de Nobilium sorte fuerint, Dies eis dicitur: Tum Causa adversum eos consistitor. Convicti, tanquam notorie infames publicantur: Praerogativis continuo, si quibus insigniti sint, spoliuntur; inhabiles ad omnia, quamdiu vixerint, habentur. Quae singula profecto non in verbis modo posita, aut in Codice consignata sunt;*

at

at vigent, virēq; hodie, & illibato plerumq; in flore adservantur, inq; executionē veniunt in HUNGARIA.

His ergo adjumentis, PRINCIPUM nempe ac PRIMORUM, assidua, contentaq; & haud enervi Ope, atque Praesidio; ac praesertim (quod jam attigimus) EPISCOPORUM, & VICARIORUM GENERALIUM importuna, opportunaq; obsecratione, & increpatione, auctoritate, zeloq; & doctrina; PAROCHORUM item, ac REGULARIUM (qui certe *stramen otiosi non praemordent*) Catechesibus, Cohortationibus, Evangelicae Veritatis praedicatione, adversus *Rectores tenebrarum*, & *Magistros prurientes auribus* colluctatione, LEGITIMORUM DOGMATUM simul probatissimis cum LITTERIS (apertis passim Scholis, ac Lyceis) Institutione, plurimi ab ingenerato errore (sponte, aut vi, cum sic expedit) reflectunt. Quo factum est, ut jam permultas equidem Civitates, Oppidaq; & Vicos, aut prorsus inveterato errore liberos esse, aut admodum repurgatos, vel in dies puriores, sanioresq; fieri, cum voluptate spectemus.

Qua de causa, e PISONIAE Urbis medio HAERESIS LUTHERANA compluribus ab hinc annis proturbata fuit; Amplissimum in Foro FANUM per vim illi ademptum; ipsaque in Pomoeria relegata. Idem in SANCTI GEORGII Civitate; idem MODRAE, BAZINII, TERENTII, JAVARINI, VESPRINII, BRIZNAE, CREMNICII, NEOSOLII, CASSIAE, aliisque Urbibus praestitum. SEMPRONII, SCHEMNICII,

Exterminia bene multa Haeresi in HUNGARIA, e zelo Episcoporum Litterarumque instauratione, istis, ac superioribus temporibus orsa.

CII, EPERIESINI, LEUCIOVIAE, PAPAE, minus dimidio, de priori malo superat. BUDA, STRIGONIUM, PESTHUM, praecipuae Urbes, (si *Schismaticos* nonnullos, vile genus hominum demas) prorsus immunes. TYRNAVIA (perbella Civitas) quae CALVINI, LUTHERIQUE Sordibus teterrime putruit, SOCIORUM in primis Jesu sudoribus penitus mundata. PRIVIDIA (Regium, peramplumque Oppidum) quae aegre animam tolerabat genuinae Religioni addictam, introductis SCHOLARUM PIARUM REGULARIBUS CLERICIS, adeo perfanata est, ut ne vestigium morbi supersit. Idem confectum VACIAE, (opulenta ac populosa Civitate) industria, pietate, potentia *Eminentissimi Principis SIGISMUNDI KOLONICII*, nunc ARCHIEPISCOPI VIENNENSIS, tum VACIAE Antistitis.

Quid multis? Cor profecto Pectus, Caputq; HUNGARIAE, REGNI alias (per *anonomasiam*) APOSTOLICI, jam pene ex integro perfanatum, convalidatum est, sibi que redditum. Enimvero, Praecipuae URBES REGIAE, & EPISCOPALES CIVITATES, aut Catholicos prorsus Ritus profitentur; aut ROMANAM RELIGIONEM ad Clavum sedentem verentur, eiq; venerationem deferunt, atq; Haeresim pro suppedaneo vel invitae adsternunt. Ista quocirca in extremis (ut plurimū) REGIONIS Partibus, inter videlicet praeruptos, & inaccessos monteis, apud cavernas luporum, ferarumq; latibula, vel inhospitas per-
foli-

PARS PRIOR. 145

Similitudines (sed neq; illic sine submissione, sine trepidatione) tendit tabernacula etiamdum; atq; sane Domos verius tralatitias, quam Domicilia figit .

Cura non postrema est, jamq; longiore tempore suscipitur, ut Civitas DEBRECINA, & oppido dives, & octogenis facile Mortalium milibus exuberans, Nidus aut Sentina maleolentis CALVINIANAE pravitatis, ad frugem quomodo reduci queat. Huc eapropter DECRETO semper AUGUSTI (quem jam aeternitati invidemus) CAROLI VI., atque Generalium Comitiorum STATUTO, RELIGIOSI SANCTI FRANCISCI, ac REGULARES CLERICI SCHOLARUM PIARUM non sine oblatione efferati Populi, tanquam inermes Agni inter Lupos intromissi. Continuo vero dum calebat, ferrum tunsurus, Magnificentissimus Sanctae Rom. Eccl. Princeps, Emericus CSAKIUS, id temporis ARCHIEPISCOPUS COLOCENSIS, permagnas MOLIS, multique Decoris TEMPLUM, dictorum CLERICORUM usui, ac Ministerio excitavit, qui nempe PAROCHORUM simul Munere fungerentur. Illustrissimum quoq; P. BACONEM in *Partibus* (ut vocant) Episcopum, & Praepositum Varadinensis Canoniconum Collegii, Virum jam alias *Exaltationi* ECCLESIAE propemodum inhiantem atque intentissimum, facile permovet ad construendas Religiosas AEDES, an-

t

nuos.

nosque sustentationi Reditus destinandos. Hos aemulatus praepotens, atque Toga Sagoq; inclutus, Fide in Deum ac Principem incomparabilis, Beneficentia maximus, STEPHANUS COMES KOHARIUS, amplum SEMINARIUM liberali adjuncto Censu erigi constituit, in quo ALUMNI ADOLESCENTES educarentur edocerenturque; ii quidem in primis, qui erroneis DOGMATIS nuncium remisissent, aut hujusmodi improbi Instituti Parentibus essent progeniti.

His itaque non mediocribus initiis, & magnis quibusdam e seminibus, is demum fructus breviori intervallo procrevit, quod intractabiles, torvumq; intuiti Homines, & in necem vel aspectu designantes, ferociam posuerint, caperatae frons planaverint ac sternaces quasi antea, recalcitrantesq; & indomiti, tractari sese mulcerique, & fidentius compellari nunc jam sustineant, ac perpetiantur. Immo, cum antea geminae (vix amplius) animae, CATHOLICAE RELIGIONIS MYSTERIA profiterentur, ducenti hodie pluresve, pertaesi ac poenitentes Erroris, ab Orci semita recesserint. Ac nonnulli nonnullaeque, PATRICII usque ORDINIS: Quorum, sed praesertim unius omnium Nobilissimae, & pereruditae Matronae *Converso*, diu quidem mente agitata, improviso tandem facta, facta (vero) animo proflus resoluta, Amicitias, Clientelasq; insuper habente,

te, obfirmato, nullisq; lamentis, expostulationibus, & incantamentis cedente, profecto, quemadmodum Nos, ad quorum *Communione* revertit, incredibili exultatione affecit; ita illos, quæis tergum obverterat, acutissimo dolore, inusitatoque pudore, pene confecit. VIR alius CONSULARIS, Græcis, Hebraicis, Latinisque litteris longe præstans, post diuturnas animi angustias, quibus constringebatur ad Veritatem amplectendam, in lectulum decedit: Mortisq; viciniam prospiciens, Sacerdotis copiam de nomine postulavit ingenti desiderio, cordisque *compunctione*. Adfuit ille, commodum: at heu! ejectus, accessuque prohibitus perditissimam per Conjugem Sacer Medicus, usque dum (voti non satis compos jamq; animam agens Maritus) pios inter anhelitus extingueretur.

Beneficentissimo interea NUMINI Operariorum suorum laborem secundare placuit, & *Sermonem* Evangelicæ Doctrinæ *confirmare sequentibus signis*: Cum igitur memoratos apud REGULARES, *Sacramentum Altaris* Populo adorandum statò die proponeretur, gemini Adolescentes, alter Catholicus, Calvinianus alter, radiis fulgentissimis coruscum Puerulum intra Vasis aurati Orbem aspectavere, subitoque prodigiosa luce perculsi in terram defluxere. Sibi redditi, *fassi* seorsum sunt alter incognitus alteri, ac per

omnia similiter etulere, quid vidissent. At vero interpretati istud Haeretici perperam, & fascinum per imposturam fuisse obtrusum dictitabant. Verum die altero, huic iterum *Latriae* (quod inquitur) destinato, ecce idem prorsus cum iis ipsis accidit. Rursum repente ab sensibus abeunt, in terram rursus collabascunt. Quo vero demum dubitandi ratio, aut oblique interpretandi facultas, tanto amplius adimeretur, en Juvenculus ille Catholicus, donec interea qui super prodigio legitime inquirerent, convenissent, praecalto de Pegmate fallente vestigio lapsus, interque tigna, tabulas, trabesque ruens, & in saxa, lateresq; decedens, fauciatus collisusque haud fuit; mansit contra incolumis: quo nimirum testimonio perhibendo (cumulato usque miraculo) superstes esset. Sacrosancta porro eadem illa Hostia, decennio (quantum memini) incorrupta extitit; immo casu (putem) fracta, rursus coaluit: donec tandem eorum, quorum intererat arbitrio, sub Sacrificio solemni comanducata fuerit.

Haec ergo ADVERSARIE, quae cumulatius conferimus, haec sint illa *incredibilia detrimenta*, quae *Res accipit Ecclesiastica ex inscitia literarum in Regionibus HUNGARIAE*? Haec sint *enormes Christiani Officii perversiones*, *hi multi*, *Es perniciosi errores*, qui eo de fonte Evangelicam

cam

cam in Doctrinam irrepere, & illabi possint? O quam te perdidit sin minus malitia, quae ab Homine ingenuo, ac percivili (qualem te plures opinantur) forsan aberat; profecto solutior quaedam de EXTERIS secius opinandi facilitas.

Quod si autem afferas, te *credulitate* ductum, persuasumque, talia profudisse, quae *error est magis quam culpa, Et quidem in optimi cuiusque mentem facillime irrepit*; (a) meminisse etiam oportuit, te ROMAE, praeclaræ cujusvis Doctrinae, atque germanae Sanctitatis Fonte, FIDEI Regula, Morum Disciplinaeque Christianae MAGISTRA; te ROMAE universarum Gentium, in Sacrosancta RELIGIONE aggregatarum PARENTE; super Filiorum proinde suorum profectu lactante; contra vero, super jactura, detrimentoque, ac defectione; Ignavia item, & ERUDITIONIS necessariae inscientia, tristante ac dolente; te ROMAE verbo, (cuncta enim magnificentissimo hoc nomine complector) te ROMAE (iterum, iterumque, ac supremum dico) te ROMAE Rem tuam, tibi vix hilum proficuam, nobis autem HUNGARIS multum admodum injuriosam scripdisse. Et ea quidem ratione scripdisse, ut serius, ut sapiens, ut consultus, ut censorius, atque gravissimus; ut CATO tandem aliquis putarere. Cum haec itaque te affectasse, atque *ista esse auctoritate* tibi tu velle videri visus sis, non de-

(a) Cicero 10.
Fam. Ep. 23.

be.

(a) Pro Muct-
na p. 67.

bebas M. Cato, arripere maledicta ex trivio, aut ex illorum fere convicio, (si dicere per modestiam liceat) quos M. Tullius hoc eodem loco & contextu nominat: (a) Sed neque temere GENTEM, huic URBI, SACRISq; ROMANIS addictissimam, atque oppido illustrem, nullarum, aut pravarum Litterarum consciam vocare; ex quarum inscitia incredibile detrimentum RES ECCLESIASTICA capiat, & enormes Christiani officii perversiones, atque multi ac perniciosi errores in EVANGELICAM DOCTRINAM irrepere possint.

Finis Partis Prioris.



VINDI-



VINDICATIONIS

PARS ALTERA SPECIALIS.



Liquid hactenus, sin minus pro virili parte, saltem pro ratione Pietatis ad PATRIAE REGIONIS tutelam, Vindicationemq; diximus; nunc autem multo etiam magis interest, ut pro PATRIA CIVITATE, ut pro dulci SOLO, ut pro

(a) Cic. pro
L. Murena. p. 65.

TRANSI-
TIO ad PAR-
TEM alter-
ram.

pro DOMO nostra quidpiam afferamus. Nimirum haec causa est ejusmodi, quam nec industrius, quam nec misericors, nec officiosus deservere possit. (a) Quare, tempus demum, resque postulat, ut dum alteram suscepti PROPOSITI PARTEM, ego qua defensione, qua confutatione persequar, tu aurem ADVERSARIE animumque accommodes, ac veluti in speculo cernas denuo, quanti naevi alii, novique squalcant in luctifica illa Oratione tua, quam pro PARENTALIBUS JOANNIS ERNESTI HARRACHII EPISCOPI NITRIENSIS, male cohaerentibus e laciniis, eisdem illis, atque aliis quibusdam locis apparaveras. Atque licet PARS ista, inferior fuerit amplitudine; suppar tamen momentis, queis ad sibi velificandum me sane non inclinet modo, verum pertrahat etiam atque adstringat. Utpote quum & PATERNAE DOMUS, & carissimae CIVITATIS, & VENERABILIS DIOECESIS ratione, multiplici videlicet urgentissimo argumento, atque adeo jure optimo maximo, meam sibi Advocationem deposcat. Enim vero, CIVITATE DIOECESIQUE NITRIENSIS; PLATEA, REGIIS PRAEROGATIVIS ab reliquis distincta; Domo nobili, atque libera ego prodii, quisquis demum, ac qualiscumque sim. NITRIA mihi Vitae, & Literarum Altrix: NITRIA me suscepit: NITRIA Fidei salvificae Rudimentis imbuat: NITRIA per omnes (quibus tenuis quidem sum) Disciplinas edu-

eduxit: NITRIA in Virum (si quis tamen reputari debeam) formavit. Refert idcirco aequissimumque est, nedum acceptum illi referre; verum etiam pro ea ipsa, & CIVITATE, & DIOECESI, DOMOQUE; & MAGISTRA mea; refert sane, aequissimumque est, quidquid possum, agere; quidquid virium, ac facultatis obtineo, (si modo digne possum) contendere. Atque quum istud non modo sit convenientissimum, sed longe quoque maxime gloriosum; *Vitae autem brevis fuerit cursus, Gloriam sempiternam; optandum tandem mihi & illud esse puto, ut cum omnibus mors esset definita, vitam ipsam, quae necessitati deberetur, huic potius donem, quam reservem naturae.* (a) Itaque provehimur portu.

NITRIA, BUDAM (Orbis HUNGARICI Caput) PRISONIUMQUE interjacens, hinc L. inde LXXX. millibus passuum ad Septentrionem declinat. SEDES est Comitatus, sive Provinciae patentissimae, ab suo Nomine Nomen derivantis: Quemadmodum & Episcopi; ejus quidem unius de praecipuis REGIONIS PRAESULIBUS. Utpote qui & PROVINCIAM istam URBEMQUE (in spiritualibus aequae, ac politicis) pleno jure administrat; & REGNI CANCELLARI praecligni Munere, usu continuo ac perveteri, & Lege quasi a saeculis recepta decorari consuevit. Viguit hoc loco EPISCOPALIS CATHEDRA ab antiquissimis omnino temporibus: Enimvero jam olim aevo METHODII Moravorum Apostoli, & Archie-

(a) Cic. pro Sext.

Geographia
Civitatis
NITRIAE
atque Chronographia,
juxta denique
exacta, hypotiposis.

chiepiscopi, atque adeo Anno Christi octingentesimo octogesimo, JOANNES, hujus nominis VIII. Pontifex Maximus, *Wichinum* sive *Wichin-gum*, Nitriensem Episcopum hic ROMAE initia-verat, METHODIOQUE *Moravorum* Archiepiscopo subjecerat: cum alias *Laureacensi* apud *Noricum* Ar-chiepiscopo ECCLESIA NITRIENSIS pareret. (a)

(a) Annales
Eccle. Hung.
ad Annū 880.

(b) Bonfinius.
Incoffert.

(c) Bonfinius.
constat etiam
ex Archivio
Eccle. Nitri.

(d) Et quæ ex
veteris Privi-
legii Civita-
tis &c.

SUATOPLUGO, sive SUENTOPULCHRO *Mora-vorum* Principe, in magna PANNONIARUM parte, rerum potente, NITRIÆ Civitas ad *Moravos* ali-quandiu pertinuit: (b) neque enim ab horum, finibus longe admodum seposita est. Postea ab HUNGARIS Progenitoribus nostris vindicatam, DIVUS PROTOREX STEPHANUS, idemque HUNGA-RIÆ APOSTOLUS, sanctissimis vestigiis ipse sa-cravit circiter Annum Domini cxiiv. Simul autem Episcopales Reditus, & Facultates Censufq; ac numerum Canonicorum Collegii, pro incredibili sua pietate, atque beneficentia adauxit (c) Sub HUN-GARIS porro Principibus, copiosa admodum NITRIÆ, prerogativis URBIS REGIÆ diu gaudebat. (d) Sub- inde Bellis, atque obsidionibus creberrimis quas- sata, ac pene dimunita, in sortem *Civitatis Epi- scopalis* recidit, suoque Praefuli nedum *uti Pa- stori Animarum*, verum jam tum & Domino sub- jugata fuit. Etsi autem Pagos ac Villas, quæ tenebat in circuitu, hujus usibus dimittere sit coacta; ipsa nihilominus haud inanem speciem pri-

pristinæ libertatis hodie quoque retinet. Neque enim, nisi quippiam, idque modicum aeris (*in recognitionem Dominii*) quotannis dependit; ac præterea vix quicquam debet. Situ est peramoenus, atque sane invidendo. Ea namque ex parte, qua ad Septentrionem definit, montem, præcaltum respectat, cui *Zoborio* nomen; a vini meraci præstantia dilaudato. Illi crepido Nubibus imminens, spatiosa, planaue. Mox defluum, addensa, proceraque arbos usque ad umbilium quantuscumque est obnubit. Sanctissimi heic olim CIVES NITRIENSES, nunc gloriosi Christi Martyres, ANDREAS, & BENEDICTUS, caelestem in spelæo vitam duxere. Olim *Monachi*, Magni BENEDICTI Filii, hodie Nepotum ejus fors quaedam (*Camaldulenses* nominamus) Latus accolunt eminentis, ac protensi Jugi: placidissima aeris felicitate, jucunditate aspectus, commodissimis habitaculis, aquarum ubique scaturientium salubritate, vitæ taedium levantes, mitigantes rigorem. Propius ad Montis pedem, Vineta, Pomariaque per plura passuum millia, circumquaque porriguntur. Tum ager fertilis subjacet. Inde flumen (NITRAM vocitant) altum patensque, Civitatem quanta fere est, nativo circo incingit, ac præmunit. Varii in hoc ipso, & ad palatum in primis facientes Pisces, Cancrî item retrocedentes, lenta item Testudo.

Septentrionem, Orientemque versus, illecebrosa, succidoque laeta gramine, atque aequabili planitie longe lateque diducta prata, inoffensum pedem ad inambulandum plane invitant. Ad Occidentem & Meridiem, Clivorum mites Thori crispo caespite viridantes, sacris AEDICULIS (quo se Pietas effundat) coronati. Inde Arva aperta. Vineta rursum. Postea Sylvae, celsa Quercu, Roboribusque horrentes.

Haec inter Naturae decora NITRIAE Civitas hilaris absidet, bicollis ipsa, atque geminata: *Superior* videlicet altera, altera *Inferior*. Extremae Rupis *Arx Episcopalis* insistit, Propugnaculis murisque editis, & hinc vallo de petra cavato, inde praecipitio inaccesso, Militum praeterea Praefulea Cohorte defensa. In corde *Castris* sive *Arcis*, magnificum Episcopale Palatium, tricliniis, cameris, conclavibus instructissimum, Picturisque perornatum. Huic adnexa CATHEDRALIS MOLES, auro, marmoribus, gypso, vivisque coloribus mire illustrata. Super ejus Porticu, vasta, productaque Turris, Statuis Divorum exculpta, splendentibus lamellis convestita. Cujus in medio insignis *Bibliotheca*: apud summum Aera campana insolitae magnitudinis. Delabitur demum collis Arcem sustinens, in planitiem per gyrum: in qua CIVITAS SUPERIOR incubat. In hac Canoniorum, Nobiliumque decen-

tes

tes AEdes ; Seminarium Clericorum capax decorumque . Beati postea *Francisci* Filiorum numerosus *Conventus* Templo turrique sublimi conspicuus . Portam Urbeculae CURIA Provincialis adornat . Ambitur ind muro validiore , hinc vallo immane hiantē : atq; intercurrente Fluminis brachio a CIVITATE INFERIORE discriminatur . Amplior ista multo maxime . Templo Parochiali ; altero Nofocomii ; tertio , in quo pro mortuis litatur ; quarto , DIVI STEPHANI Protoregis ; quinto , DIVI LADISLAI item Regis , honestata . CIVES alit , qui Negotiationi ut plurimum , Artibusque sellulariis , aut etiam OEconomiae sese dedunt . Contra *Castrum Episcopale* , alterum Collem apud finem protendit undique spectabilem : cui impositum praenobile , ac spatiosum Collegium PATRUM de SCHOLIS PIIS nuncupatorum , cum AEDE sacra praegrandi , turribusque geminis . Convictus item (quod ajunt) Nobilium Adolescentum : Gymnasium praeterea quam amplissimum . Theatrum insuper , exhibendis Dramatis peridoneum , atque cito facile mortalium turmam continens . Quae singula dextre innexa , oppositae *Arci Episcopali* de magnificentia controversiam facere videntur . Univerfis deinde , quae usui , aut etiam voluptati humanae sint , haud mediocriter abundat . Atque , tametsi plurima tamquam ad Emporium Provinciae , frequentiori mercatu , bis videlicet quavis hebdomade in-

inferantur aliunde , tamen haud equidem modicas Rerum species *habet ipsa domi*, ipsa progignit, atque educat.

*Illi lanigerae Pecudes , validique Iuvenci ;
 Illi lassa suis (quae turgent) uberibus bos ;
 Atque paludosam Sus sarta frequensque per ulvam .
 Pulcher item , ac docilis sessorem ferre Caballus ,
 Natus & incurvo Currum deducere collo ;
 Efflareque cavis generosas naribus auras .
 Et quae Lustra habitant , & quae quocumq; feruntur ,
 Illi rure Ferae ; Volucrum genus , & genus omne
 Altilium ; varii specieque , saporeque Pisces .
 Nec minus Herbarum sors omnis , edacis aceti
 Quas liquor , & placidae praemollis succus olivae .
 Tumque olus ingentis folii , radicis opimae ,
 Capituloque tumens grandi , scapoque praealto :
 Et Betae , flavumque Siser , pigrumque Papaver .
 Allia non desunt , non (ruris aromata) Caepae ,
 Nec Rapae seretes , nec treffis edulia Porri .
 Quaeque suas onerant placidissima pondera Matres ,
 Succida Poma , Nuces , Pira lenia , caerulea Pruna ;
 Persica (Cresensi deductaque Cydone) Mala :
 Mespila , Moraq; Merafa , Sorbaque ; Cornaq; dura .
 Caerasa prae reliquis , & humi nascentia Fraga .
 Divae adbaec , & adulta seges : quid denique multis ?
 Arva seracia , Robora caedua , roscida Prata ;
 Cunctaque POMONAE , deformis cuncta PRIAPI ,
 Et CERERIS , BACCHIQ; & Magni munera PANOS .*
 Haec

PARS ALTERA. 159

Haec ego licet nondum omnia, copiosius quidem pro amore in PATRIAM, genuine tamen de CIVITATE NITRIAE. Quae vero tu ADVERSARIE? quae Superi! atque qualia? De ipsa una eademque, modo album, modo atrum loqueris, ac tibi propalam tute ipse refragaris. En quippe pagina XVIII. *Nitriensem Ecclesiam, opulentam adfirmas; id quod cum vero sane cohaeret: at contra, priore mox pagina Pauperes (ais) Nitriae, ob Regionis naturam, in qua nec commercii opportunitas, neque industriae locus magnopere patet, plurimos esse. O te praepostere impingentem! Profecto NITRIA, tum & HUNGARIA tota, non est quod a tua Regione commendicet. Bene vero cunctorum praedives Tellus, sin minus caetera, celebratissima certe illa universam per Europam Armenta, tuae quoque Regionis, gulae (nescio) an fami, quotannis suppeditat, dum Centenis plura Boum millia Exterorum indigentiae submittit. (a) Deinde, Conterraneos tuos quam saepissime immigrantes perbenigne recipit, fovet alitque, ac etiam plusculum opulentat: Utpote cum e dulciis, peregrinisque nostro in SOLO fructibus, Radulis item, Catinis, Cribris, aliisque Stanni, aut Lamellarum Artefactis, denique Murium Decipulis, Lucella corradant, dossuaria Recularum (mercium dicere volebam) negotiatione. A quibus ego quoque hoc vel illo obolo, semel, ite-*

*Lapsus AD-
VERSÆ
RII circa
statum con-
ditionemque
CIVITÆ
NIS NI-
TRIAE.*

[a] *Barlaam
ICONE.*

iterumque sum nundinatus non nihil apinarum. At sinamus ista ; neque enim *Patria Patriam*, verum *Homo unicus* universam *Patriam* nonuno dedecore collutulavit, frustra prorsus, atque prope modum pro libidine. Redeamus quocirca, unde paullum digressi.

Magnificas denuo, ac praeter spem splendidius effers NITRIAM, volubilis ADVERSARIE: *Nitriae* (inquis) *tantus a me habetur bonor, quantus nobilissimae Urbi videtur esse tribuendus*. Ecquid autem posita ? assentationem curtulam centone quodam opprobii pensas ; & quod minus ferendum sit, convicium commiseratione (ut liberius dicam) incrustas. Subdis namque: *Non tamen dissimulabo ipsius in Litteris calamitatem, quarum vel nulla est ; vel certa prava, & inutilis tradendarum colendarumque ratio*. Ex qua litterarum inscitia, incredibile est quantum detrimenti Res Ecclesiastica capiat : quam enormes Christiani officii perversiones, quam multi, & perniciosi errores in Evangelicam Doctrinam irrepere possint. Quae cum ille singulari quodam judicio intelligeret (scilicet Joannes Ernestus HARRACHIUS Episcopus nuper Nitriensis) nullum non movendum Lapidem existimavit, ut optima studia in Ecclesiam suam irveberet. Et post nonnulla^s statuerat in Ecclesia sua Scholas (quae nullae sunt) instituire, in quibus plurimi Jurvenes alerentur, imbuerenturque litteris. Hacce concludis liberalitate illiberalem illam

PARS ALTERA. 161

illam facundiam tuam in comminiscendo & conviciando. Etsi autem superiore PARTE, velut in genere, atque ex causa communi satis ego ista (uti reor) confutarim ac refellerim; tamen quia FAMAM PATRIAE CIVITATIS, ac DIOECESIS nostrae, quasi destinato, & ex proposito inquinari videam, operae pretium me facturum omnino existimavi, & aequissimum fore duxi, ut novum; ac peculiare studium ad haec ipsa conserpenda de-
nuo conferrem.

Tametsi proinde ultro concesserim, Joannem Ernestum HARRACHIUM magnifica quaeque animo concepisse ad illustrandas SCHOLAS NITRIENSES; & ni praefestinum Fatum antevertisset, futurum etiam fuisse, ut quae animo destinarat, opere ipso compleret: Pernego nihilominus, *nullas NITRIAE Scholas esse*. Tantum enim abest ut nullae sint, ut splendidae quoque, insignes, ac tota Regione celebratae, jamdiu vigeant, inque dies magis magisque florescant. Dic enim (todes) *nullas ibi Scholas esse*, ubi Gymnasium ex mille Adolescentum Juvenumque frequentia coalescit? *nullas ibi Scholas esse*, quas tamen in dies adeant de SEMINARIO EPISCOPALI complures CLERICI; e Nobilium CONVICTU (plus minusve) quinquaginta, iiique Comitum, Baronum, atque Praenobilium Filii; caeteri autem qui millenarium complent, inque Civitate Hospitium obtinent vel

*In Civitate
NITRIAE.
SCHOLAE
omnino sunt
& illustres,
& non bo-
diernae.*

domicilium, Civium partim ac Patriciorum Nati; partim aliunde facti Convenae; iique plurimi spectatae illustrisque Prosapiae? *nullas ibi Scholas esse*, e quibus nihilominus clarissimi Religiosorum Ordinum Viri; zelo flagrantes ingenti usque numero Animarum Curatores; Praefignia Collegiorum *Canonicalium* Membra, & Columina; Sacratissimae Mystris conspicua Capita; *Comitatuum*, sive Provinciarum tot Praesides, totque Administri; Militiae Praefecti; Reginum Tribunalium Iudices, Regiisque Consiliarii; summi denique & pereruditi OPTIMATES, CIVESQUE, ac PATRES PATRIAE prodire, atque omni tempore prodeunt? Quae singula, usque adeo clara & luculenta esse scito in HUNGARIA, atque Solem propemodum in meridie. Tam praeterea nota cuique, ut neminem profecto repereris hac in re peregrinum, aut qui in oppositum vel summa labia diducat. *Nullas tumdemum ibi Scholas esse*, ubi totum id ego sane doctus sum, quod scio? Quod quidem mediocre licet, ac tenue, iudicio videatur meo; tamen majus fuerit, quam nosse tandem *quid dissentiant aera lupinis*. Atque saltem, aequo inter eos me (putem) Jure retulerit, qui probis, commendatis, utilibusque litteris haud inutilem cassamque prorsus operam ad-dixere.

Tum vero, arbitreris ADVERSARIE? & si ita quidem, an etiam veles sedato collectoque consilio

filio arbitrari, primum Joannem Ernestum HARRACHIUM expectatum fuisse, qui, ut in URBE NITRIAE SCHOLAS institueret, admodum diluculo ad-
vigilaverit? Caeteros autem DECESSORES ejus laudatissimos, stertuisse omnes pariter, ac perpetuo? Reditus Episcopales turpiter decoxisse? Perditos, & immemores muneris vixisse? siccine vero pendis nihili, saevire usque & invadere in mortuos? Atque judicas Te infanda hujusmodi potuisse impune? O judicium atrox atque perversum! Ac certe istam ipsam tuam fuisse sententiam in conspectu est, absque negotio conficitur. Quid enim sibi velit (quaeso) altera illa commendatio, qua (summa reliquorum injuria) HARRACHIO blandiris: *Episcopatum tanto diligentiae, consilii, omnisque Pontificiae Virtutis fructu absens administravit, quantum nemo praesens unquam attulerat?* O insolentiam! o audaciam irreverenter prorumpentem! qua consopiti Episcoporum Nitrien-
sium Manes, merito turbentur, & ad pro se dicendum, tuaeque petulantiae succensendum excitentur. Quem enim talem tantumque fructum is attulit ECCLESIAE NITRIENSI, qui nihil propemodum attulit, sed adferre solum cogitavit? Qui magnorum quidem *Vir desideriorum* fuit, sed ob mortem celerem vix vestigium facti cujusquam duraturi reliquit? Qui plurima licet, maximaque Virtutis, sapientiae, Pietatis, ac Liberalitatis

*Ineptae sane
ADVER-
SARIUS,
immo inique
ac nequiter
laudat Jo-
an. Ernest.
HARRA-
CHIO M
detrahendo
DECESSO
RIBUS.*

*HARRA-
CHIO S
multa proe-
claraque co-
gitavit, sed
morte prae-
ventus, vix
quicquam cō-
fecit pro Ci-
vitate NI-
TRIAE.*

suae monumenta ad Posteritatem transmittere,
 animo defixerat; verum ista omnia suo funere
 consepelivit? atque non tam e memoria hominum
 delevit, quam tacita etiamdum, & pectore pri-
 mum concepta, quodammodo in herba praefo-
 cavit? Crede enimvero mihi ADVERSARIE, cui
 RES omnes CIVITATIS NITRIENSIS tam sunt explo-
 ratae, ac domesticae, quam quod maxime; quive
 Joanni Ernesto HARRACHIO Antistiti desideratissi-
 mo, ne hilum existimationis dereptum velim,
 minus autem pertendam; Crede (inquam) mihi,
 nihil ab HARRACHIO pene in ECCLESIA NITRIENSI
 opere consummatum fuisse ab ullo memorari, quod
 rarum aliquem *Pontificiae virtutis fructum* redo-
 leat, atque ostendat: quove deculpo majora ac
 praestantiora, laudem sempiternam promeriti ejus
 DECESSORES non patrarint. Certe LADISLAUS MAT-
 THIASOCIUS *Regni Cancellarius*, & gloriosus EC-
 CLESIAE NITRIENSIS Pontifex, ipse quidem No-
 bilis alioqui Fortunae, & originis; sed sapien-
 tia, sed ardore zeli, sed aequitate, jurispruden-
 tia, eruditione, proque amplianda Numinis glo-
 ria, prodigiosa liberalitate longe nobilissimus, jam
 vertente superiore saeculo hos per capita, stri-
 ctimque recensos, indubitatos omnino, ac praecla-
 rissimos *Pontificiae Virtutis Fructus* non attulit
 modo, sed accumulavit. Primo quidem, incly-
 tum sane COLLEGIUM Patribus a SCHOLIS PIIS vo-
 cita-

Benevero
 confectis plu-
 rima pro Ci-
 vitate NI-
 TRIAE II.
 Instranda,
 Episcopus,
 L. MAT-
 THIASO-
 CIUS De-
 cessor HAR-
 RACHII.

PARS ALTERA. 165

citatis in ipsa Civitate; mox ibidem COLLEGIUM, si-
ve CONVICTUM Nobilium Alumnorum, qui FIDEI
nostrae *Sacris* primum initiarentur, quive Pa-
rentibus, Avisque ab ea alienis descenderent.
GYMNASIUM (item ibidem) patens ac magnificum:
item SEMINARIUM CLERICORUM pervenustum per-
amplumque. HOSPITIUM postea, sive DOMICILIUM
ad orbitam reflectentium Haereseos Ministrorum;
Praeterea NOSOCOMIUM Calamitosorum CIVIUM:
Omnia ista in eadem ipsa CIVITATE posuit, stabili-
vit, locupletavit. Quid insuper? illustrandae AEDI
CATHEDRALI fena nummum aureum millia testa-
mento reliquit: *Pensationes* CANONICORUM COLLE-
GII adauxit: supellectilem sacram, auream illam
argenteamque ac sericam, ECCLESIAE, perama-
tae SPONSAE suae, haud mediocribus impendiis
providit, apparavit.

Quid etiam demum extra CIVITATEM hanc
suam gessit? quid beneficentissimus VIR alibi
quoque confecit? quid egit? Compluribus Cle-
ricis suae DIOECESeos, apud Academias TYRNA-
VIENSEM, & VIENNENSEM, in Philosophiae, ac
Theologiae STUDIA incumbentibus, de amictu,
alimentis, regularique educatione abunde prospex-
it: SOCIETATIS JESU Hominibus Dives Domici-
lium in Urbe, quae MAGNA FODINA dicitur; nec
non alterum MONACHIS CAMALDULENSIBUS in Soli-
tudine SCEPUSII, priore haud inferius, constru-
xit.

xit. Ad haec: singula suae DIOECESeos TEMPLA, cum REGULARIUM, tum PAROCHORUM (quae centenarium numerum longe exaequant] Calice argenteo auro illito, divinisque MYSTERIIS aut peragendis, aut asservandis destinato, & plura, usque geminis, est muneratus. Denique GENUS suum, ad Catholicae Nobilitatis decus FACULTATIBUS admodum adlevavit, ex iis, quae per industriam, & frugalitatem reponebat. Sed neque tandem REGEM ipsum (OPTIMI PRINCIPIS gratissimus subditus) Munificentiae suae expertem esse voluit. Veruntamen sufficiat hoc loco meminisse unius istius immortalis equidem NITRIAE Antistitis: nam ex eo, de caeteris haud invita est consecutio paria sentiendi. Quum praeterea quorundam dum ad rem venerit, reminiscemur.

Ex his autem minime jam dubitem ADVERSARIAE, quia agnoscas, nimium assentando, atque non sine plaga veritati, famaeque alienae inflata, auribus Te dedisse ELOGIO illo retro allato Joannis Ernesti: *Episcopatum tanto diligentiae, consilii, omnisque Pontificiae Virtutis fructu, absens administravit, quantum nemo unquam praesens attulerat. Quemadmodum & in altero (oppido) fuisse hallucinatum, cum profunderes: Statuerat in Ecclesia sua Scholas, in qua nullae sunt, instituere. Quippe jam sentis, NITRIAE reipsa SCHOLAS esse: Neque vero SCHOLAS qualiscumque trivii; sed omnino*

omnino egregias , perutiles , clarescentes . Nequaquam autem solum istae in CIVITATE NITRIENSI ; Verum in ECCLESIA ipsa sive DIAECESI , aut COMITATU sive PROVINCIA NITRIENSI , aliae quoque plures , eaeque publicae , perantiquae , ac magnopere proficuae SCHOLAE sunt . Videlicet : TARENTII , Regia vetustaque Urbe ; ubi & CONVICTUS (ut ajunt) NOBILIUM Adolescentum : SZAKOLCZAE , item Urbe Regia ; ZOLNAE , & PRIVIDIAE , copiosis , ac liberis OPPIDIS . In quarum aliis , CLERICI a SCHOLIS PIIS vocati ; in aliis CLERICI de JESU SOCIETATE , frequentium Juvenulorum vividas mentes moderantur , proque solenni solertia instituunt . Atque adeo nullam Tu demum calamitosae incisioe maculam splendori ECCLESIAE , vel PROVINCIAE , aut ipsius CIVITATIS NITRIENSIS , aspergere valeas ex defectu laudabilium probarumque LITTERARUM , ac praestantium SCHOLARUM . Siquidem (id quod ad rem sit) ex optimo Litterarum (qui ibi viget) Cultu , illud sane provenerit , quod CIVITAS , PROVINCIA , DIAECESisque NITRIENSIS (ceu Promptuarium quoddam) semper abundet VIRIS peridoneis ad Res sacras , profanasque gerendas ; ad Causas agendas , dicendasque ; ad pro Tribunali sedendum ; ad Magistratus administrandos ; ad supremis Consiliorum in Senatibus nedum consulendum in medium , verum & praesidendum ; ad negotia Belli , ac Pacis

*Intra PRO-
VINCI-
AM DIOE-
CESIMque
NITRIEN-
SEM, plu-
ribus in Lo-
cis egregiae
SCHOLAE.*

*Clarissimi
permulti
VIRI, e
SCHOLIS
Provinciae,
ac praeser-
tim Civita-
tis Nitrien-
sis.*

Pacis, impigre, atque strenue tractanda. VIRIS (denique) Domi, Militiae, in Curia, in Ordine Pontificio, Praetorio, Senatorio, Tribunitio, apte, egregie, & virili pro parte versari semper comparatis. Quae, eo minus a me conficta esse, tumideque prolata putes, quod videlicet nemini dubitationem in REGIONE nostra afferant, & hodierno quoque tempore, atque etiam hoc ipso hodierno die sint compertissima. En quippe, ipsum PROREGEM, JOANNEM PALFFIUM, HEROEM tota Europa inclytissimum, atq; ipsis etiam Barbaris formidandum, de Provincia, ac Dioecesi NITRIENSI computamus. Plures deinde Generales BELLIDUCES; CAROLUM scilicet PALFFIUM, Patri superparem; GHILLANIUM, HAVORIUM, PESTUARMEGEJUM, FORGHACIOSQUE, & alios. Mitto particulares, ac secundarios (longo Agmine) Legionum, Turmarumque Praefectos. Atque horum profecto plerique; (citra jactantiam, aut quamlibet adulationem) nedum gladium vibrare, sed calamus quoque stringere; nedum Aciem in Campo ordinare, sed mentis quoque vim in Foro contendere; nedum *Curtii* Historiam, sed *Justiniani* quoque *Codicem* excutere, ac propemodum ex utroque *Caesares* esse didicerunt.

De PROVINCIA demum, atq; DIOECESI NITRIENSI (quae se per *Comitatum* usque *Terentianum* expandit) non sine maxima gloria recensemus RE-

GIO

PARS ALTERA. 169

GIO in JUDICIO, universarum Litium graviorum, PRAESIDEM litteratissimum, ANTONIUM GRASALCOVICIUM, THRONI Columnen (absit verbo invidia) & singulare ERUDITORUM HUNGARORUM ornamentum. Tum, nihilo inferiorem THOMAM Comitē BERINIUM; ILESHAZIUM postea; Paulum inde BALASSAM; ambos Comites, atque distinctarum Provinciarum Praefectos. Secundum hos, e REGNI SEPTEMVIRIS nonnullos; e Supremi REGII OECONOMICI CONSILII, JUDICIORUMQUE Regalium, ac Districtualium ASSESSORIBUS quosdam; e PROTONOTARIIS Regni, PROVINCIARUMQUE, sive COMITATUUM PROPRAEFECTIS aliquospiam, numeramus. Omnes praeterea caeteros, domi utique nostrae natos, & indigenas computamus, qui certe plurimi PROVINCIAM amplissimam NITRIENSEM suo quique Ordine, ac Munere administrant. NOBILES porro PROVINCIAE atque DIOECESIS istius nostrae, facile universos (qui millenario fere superiores, ii que frequentissimi summo loco nati, multaque sunt *fulgentes imagine Arvorum*) hos inquam sicuti Fortunis praepollere, & enitere Natalibus; ita repereris ad omnem sane honestatem, comitatemque formatos, latinis aequae ac mansuetioribus Litteris nobiliter instructos, Causas agere, dicereque; sententiam ferre, & rogare; aut opportune saltem hisce in negotiis sibi, amicisque consulere, & passim, & haud obiter peritos. Sed neque,

y

mi:

mirandum cuiquam videri debet; quandoquidem Ambitus ille, quo Provincia, Dioecesisque NITRENSIS latissime excurrit atque panditur, potior quaedam ac peculiaris REGNI cultioris, feliciorque florentis PATRIAE Portio jure nominetur.

*Regulares
VIRI Civi-
tatis DIOE-
CESISque
NITRIEN-
SIS, impen-
sas Litteras
colunt.*

Si REGULARES demum, sacraeque CONDI-
TIONIS Homines expendimus, qui in CIVITATE
PROVINCIA, DIOECESISQUE NITRIENSI degant, aut
indidem oriundi sint; tantum abest ADVERSA-
RIE, ut incitiam justo illis opprobare valeas;
ut immo, ceu sortem haud postremae Felicita-
tis possis optare, quo nempe ubique terrarum
usqueadeo ERUDITIS Deo Sacrae Viris gaudeat,
polleatque SANCTA DEI ECCLESIA. Enimvero,
in ipsa CIVITATE NITRIENSI, CLERICI a SCHOLIS PIIS
nuncupati (taceo Regulares alios, qui caeteras
per Urbes sibi profecto ac Litteris non defunt)
CLERICI inquam a SCHOLIS PIIS nuncupati, post
universas politiorum MUSARUM Classes (de qui-
bus jam antea diximus) etiam sublimiorem AR-
THMETICEN, tradere in primis elaborant, qua Phi-
losophiam, aut saltem Rhetoricam emensi Ju-
venes minimum XL. quotannis imbuuntur. Prae-
terea, PHILOSOPHIAM alterne interim, THEOLO-
GIAM vero cum DOGMATICAM, SANCTORUMQUE
PATRUM; tum SCHOLASTICAM, sive SPECULATI-
VAM; necnon MORALEM; atque etiam JURIS CANO-
NICI

PARS ALTERA. 171

NICI SCITA continenter praelegunt. Jugiter autem PHILOSOPHIAM, *Religiosi Sancti Francisci*. Tanta autem & ipsorum MODERATORUM, solertis, indefessaeque industriae, ac singularis ingenii laude; & AUDITORUM lectissimorum profectu, ut hi, & illi, (sua quisque pro parte) strenuissimi, eximiam Doctrinae, studiique Famam late proferant: quae sane non unius istius DIOECESIS finibus arctetur.

Quae vero Joannes Ernestus HARRACHIUS, nuper ANTISTES NITRIENSIS, optima ac magnifica providi Consilii sui Decreta in effectum adducere nequiverat cita morte praeventus; qui nimirum oppido illustrare SCHOLAS NITRIENSES, complere numerosiore CLERO, nobilissimaque Adolescentia, de quarumvis rariorum hujus temporis DISCIPLINARUM praeclarissimis Magistris insigni beneficentia prospicere, atque celeberrimae cujusdam ACADEMIAE faciem, remque ipsam constituere, ratum omnino fixumque habebat, ac per litteras ad memoratos PIARUM SCHOLARUM CLERICOS datas, conceptissimis verbis exprimebat; Quae iste inquam celeri Fato praereptus, concepta (de SCHOLIS PIIS NITRIENSIBUS ad absolutum apicem provehendis) cupidissima VOTA exequi haud poterat, eadem ipsa in finem optatum perlatum iri spes est haud anceps atq; dubia. Neque enim cum vita laudatissimi Praefulis, ea ipsa intercidit, estque penitus emortua. Profe-

*Quae HAR-
RACHIUS
praeclara
meditabatur
pro splendi-
dioris Aug-
mento Scho-
larum NIT-
TRIEN-
SIUM, ea ip-
sa per prae-
sentem Epif-
copum perfa-
ctam iri spes
est non par-
va.*

cto namque hodiernus URBIS NITRIAE meritiſſimus EPISCOPUS, EMERICUS JUNIOR *e Comitibus* ESTORADUM, tanta eſt animi magnitudine, atque praeſtantia; tanta PROSAPIAE, ad ſumma quaeque peragenda natae claritudine, tanto zelo, religione, Litterarum, ac Litteratorum amore; tam acclini (ad incrementum ſplendoremque ſuae DIOECESEOS) indole; tantis denique viribus atque facultate; ut caeca quaſi Mors, Joannem Erneſtum HARRACHIUM non ſuſtulſſe, at permutaſſe; aut pro bono meliorem ſubſtituiſſe videatur. Is enim vero, is eſt EMERICUS, glorioſus Pontifex noſter, qui SENIORIS EMERICI, ARCHIEPISCOPI hodie ac PRIMATIS, clariffimique PATRUI ſui, SUFFRAGANEUS (quod ajunt) multos per annos extiterit; Munuſque iſtud admodum laborioſum, & intricatum; ſimulque alterum MAJORIS PRAEPOSITI in illuſtriſſimo Canonicoꝝ METROPOLITANAE ECCLESIAE Collegio, ad amuſſim, atq; impigre omnino adimpleverit. Id ſubinde indefeſſis in obeunda utraque provincia ſtudiis atque conatibus; id publica Virtutis, Prudentiae, Doctrinae, ac recte factorum exiſtimatione promeritus, ut ipſo DIVI COGNOMINIS ſui DIE ab ſereniſſima HUNGARORUM (nunc fauſte Rerum potente) REGINA, opimam illam atque illuſtrem EPISCOPATUS NITRIENSIS Dignitatem in ſtrenam Xeniumve receperit: tanquam videlicet conveniens.

PRÆDICATIONE
bo.
dierni Epif.
copi NITRIEN-
SIS.

niens humeris suis onus , Dotibus honorem , laboribus mercedem .

Mox deinde in aditu Dignitatis , Litteratos pro veteri usu aestimare eximius ANTISTES , invitare , fovere ; eorum consuetudine oblectari ; iis cum pene quotidie nedum amice sermonem ductare , verum etiam creberrime convesci : quo nempe diutius huiusmodi peramato consortio frueretur . Ante omnia vero cogitavit GENERALEM sui praegrandis Officii VICARIUM , omnium maxime peritum , gravem auctoritate , exemplis vitae conspicuum , prudentia circumspectum , versatum experientia , curis virilibus innutritum , fretum intrepida aequitate infractumque , deligere . Qui nimirum cum improbos mores (qui se filicis more , invisae Colonis herbae , ultro , initimeque insinuant , ac longe propagant) quaquaversum radicaret atq; convelleret : tum praecipue ignorantiam divinarum rerum , juxtaque ad sempiternam Hominis Beatitudinem pertinentiū , erroresque adversus *Evangelicam Doctrinam* aditum tentantes , vel a vestibulo excluderet , ac procul arceret . Itaque caeteros inter , his omnibus communitus magis , & reliquis potior , facile oculos ejus mentemque adverterat STEPHANUS AUGUSTINUS NOZDROVICIUS , LECTOR CATHEDRALIS ECCLESIAE NITRIENSIS , *Electus Episcopus Catariae , Praepositus B. M. V. de Novo*

*Praedicatio
hodierni VI.
CARII GE
NERALIS
Dioecesis NI
TRIEN-
SIS .*

Mon-

Monte Pestienſi, & unus Praeſatorum e Regni Septem viris in Supremo ac definitivo CAUſſARUM omnium MAGISTRATU. Vir proſecto Theologiae, Jurisprudentiae (Eccleſiaſticae perinde ac Civilis) cognitionibus, impenſa vigilia partis, univerſorum judicio quam inſtructiſſimus; verendus catoniana quadam, ſed manſuetudine temperata gravitate; percelebris deſaecato, integerrimo, atque prorſus maturo conſilio; ſacundia latinae linguae promptiſſimus, ac propemodum extemporaliſ, iſque elegans diſertuſque Rbetor merito exiſtimatus. Cunctis denique Naturae, Ingenii, Virtutiſque decoribus tantopere praeditus, ut in Corona Sapientum ac Litteratorum, ſi minus potiore illum ſubſellio, non certe poſtremo colloceſ, quiſquis propius cognoscaſ.

At quorſum haec tamdiu? Illo ſane ADVERSARE, ut Ruditatem, ut INSCITIAM Litterarum retegam ac denudem, qua CIVITAS, ECCLESIAQUE NITRIENSIS ſqualeat: ex qua nimirum, *iniſtitia* quid ni vero illud *incredibile detrimentum* *Reſ Eccleſiaſtica* capiat; tuaeque illae *enormes Chriſtiani officii perverſiones*, tui illi *perniciioſi errores* in *Evangelicam Doctrinam* irrepan?

Atque, jam ſatis(reor) proditum fuit, quae LITTERAE NITRIAE; qui, quantumve ſcientes Religioſi Homineſ; qualis, ac quantus ANTISTES, quam ſingularis, noſtraq; commendatione major, qui vices illiuſ,

illius (ex munere) sustinet obitque. Reliquum ergo est, idque ex re nostra futurum omnino, ut cursim, ac pauculis indicemus, qui, atque quales cacteri, qui Lectissimum CANONICORUM COLLEGIUM constituunt. Alter itaque secundum NOZDROVICIUM, LADISLAUS SZÖRINIUS memorandus venit, ECCLESIAE (scilicet) NITRIENSIS CANONICUS; isque (una) SIRMIENSIS nunc dierum EPISCOPUS. Potioris quidem ipse de PROVINCIA NITRIENSI Nobilitatis; sed virtute, doctrina pariter, ac Vitae integritate multo nobilissimus. THEOLOGIAE, CANONICIQUE JURIS Laurea, ante quinquaginta (plus minus) annos redimitus; editis demum hujus instituti, ac etiam historicis, aliisque piissimis lucubrationibus, Coelo sub nostro longe maxime inclaruit. Ob climatam, limpidumque, ac rectissimum, diuque PATRIAE atque PRINCIPIS probatum Consilium, prolixo temporum, spatio summis in REGNI Tractatibus ad partem oneris veniebat. Tum obrepente, immo placide adventante, pulcherrima, mentisque prorsus integra senectute, super *Candelabro* SIRMIENSIS ECCLESIAE (asservata priore sportula) pluribus ab hinc annis est collocatus. Vitae autem (quam vere candidam, recteque ac ordine (diutissime) gestam, lacteis jam canis decoravit, atque qualis intus niteat, quodammodo patefecit) Vitae (inquam) & conversationis, adeo inculpatae illimisque,

*Compendio,
atq; ordine
comprehen-
sae Laudes
CANONI-
CORUM
NITRIEN-
SIUM.*

con-

continenter audit, ut quique in eum intendentes, naevos etiam minutiores, quibus essent obnoxii, tanquam in speculo notaverint semper, & observarint.

Alii demum, qui pone istum sunt Canonici Nitrienses (ne per singulos minutatim occupemur) certe plures, SACRAE THEOLOGIAE DOCTORES solenni forma creati fuere: aut saltem hac in SCIENTIARUM *Architectonice*, facti (uti vocant) *Baccalaurei*. Caeteri ad Populum ex ordine verba facere, divinaque Mysteria nunciare, legatione fungi ad PROVINCIAM, aut etiam REGNI COMITIA, in ARENA THEOLOGIAE ac PHILOSOPHIAE, litterario certamine, ex Artis Legibus decertare, & naviter exercitati, & hodie quoque expediti, atque soliti.

*In HNGA-
RIA nemo
facile ad Ca-
nonicalem
Dignitatem
provehitur,
qui non an-
tea in Vinca
Domini in-
sadaverit.*

At quotus eorum quisque est, cui assa per ventos columba venerit? qui Dignitatem illam commodis affluentem; eliquatis prius in *Vinea Domini* bene multo tempore sudoribus, quasi totidem gemmarum pretio non compararit? Qui nedum sarculum in colendum *Agrum Evangelicum* hac vel illa vice demiserit; sed callos etiam non obduxerit? qui complures Oviculas luporum faucibus haerentes non eripuerit? qui devias & errabundas solícite non vestigaverit? conquistis humeris non suscepit? susceptas in Magalia non retulerit? qui collisas non alligaverit? non consolidaverit? jejunas ac sitientes

tes

tes non paverit ? non potaverit ? Profecto tibi fide quanta valeo maxima heus ! ADVERSARIUM , in more semper positum fuisse , ac etiam DIVIS olim ab REGIBUS constitutum in HUNGARIA , haud facile quemquam CANONICORUM in COLLEGIUM adnumerari posse accenserique , qui non antea in Animarum operosae provinciae procuratione diu multumque vires infregerit , ac pene detrivisset : quo videlicet *Bravium* quoddam temporale , dulcemque interea requiem post exsudatos , exantlatosque labores capefferet , antequam consummatae , & interminabilis *Iustitiae repõsita in Coelo corona redderetur* .

Inde vero ausim adfirmare , a me ipso cognitos fuisse quospiam de contubernio CANONICORUM ECCLESIAE NITRIENSIS , qui terna , atque quaterna , qui etiam plura Animarum errore deviantium atque palantium millia , CHRISTO *lucrifecere* .

En jam itaq; confertam TURBAM indoctorum , imperitorum , illiteratorum NITRIENSIVM ! Ecce incredibilia Rei Ecclesiasticae detrimenta ex eorum incitia ! Ecce enormes christiani officii perversiones ! Ecce multos , & perniciosos in Evangelicam Doctrinam irreperentes errores ! Vide sis ergo , & parest , ut videas , quam nihil magis finitimum procliveque fuerit ad errandum , quam de longinqua & ignotiore GENTE scribere . Praefertim , si quis nullam de illa experientiam comminus acceperit ; atque sin minus

Ingentia lucra Animarum , quibusdam a Canonis Nitriensibus resportata .

imaginationibus suis, relationibus proinde excogitatis & commentitiis male effectorum, aut quaelibet facile garrientium inhaeserit. Quod esse, videtur genus majoris amentiae, quam si nihil fere is ratione perciperet, atque intelligeret. *Minus enim stultus est is, cui nihil in mentem venit; quam ille, qui, quod stulte alteri venit in mentem, mox comprobatur.* (a) At proce audaciori sententiae, quam recrudescens, & vix comprimi sustinens dolor, iterum elisit. Quae quidem si tibi conveniat minime, ego illam mox resorbeo, illico in Pectus imum retrudo.

(a) Cic. pro Clu. p. 78.

Verum age, divertamus paulum *ad Agricolas, & Vincolas Divini Patris Familias in Agro ECCLESIAE NITRIENSIS* laborantes: quos *pauvo*, aut nullo Nominum discrimine *Parochos, vel Plebanos* vocitari, usus obtinuit ac recepit. Utque a Capite fluat exploratio, perquiramus primum nonnulla de *Parocho URBIS NITRIENSIS, STEPHANO* (nisi fallor) *SARTORIO*. At, quid ego! iste, bene curata cute nitidus, & infartus? an (contra) macer, & exuccus animo? minime gentium. Non quippe macies illi, ac jejunitas Orationis, quum singulo *Dominico Festoque* Die pro concione dicit & urgentius, & valide, & copiose. Non vacua illi aridaque collo insidet cucurbita; siquidem morato multorum millium, ac percivili numero, haud sine delectu fuerit

Zelus, & servitio Paro. chi NITRIENSIS CIVITATIS.

PARS ALTERA. 179

rit praefectus. Non enervis, aut ignava illidexteritas, sollicitudo, habilitas; quippe cum in omnes partes exacte, ac navissime semper se se gesserit. Quid, Deus bone! egerit? quid immo non egerit, dum paucis ab hinc diebus totum (quantus est) Gregem Dominicum, suae curae creditum, interneciva contagionis acerbitas, annum integrum dire vexaret! Quia proinde communem calamitatem ad se pertinentium, defugere neque poterat, neque etiam volebat; vitam intrepide in discrimen conjecit, inque manus mortis quodammodo tradidit. Enimvero, pari fere audacia (quantum per prudentiam licuit) cum morbidis atque fanis, dum obsequia impenderet, agebat. Itaque contabescens, alacriter sacramenta ministravit die nocteque: Corporibus acque ac Animabus praesto fuit, ut mederetur: cursabat proprie, indagans, ubi opem spiritualementem aut temporariam, ubi solatium, ubi alimentum, ubi medicinam, ubi salutem praestaret. Modo enecta corpora efferebat, modo rem divinam peragebat, modo in viam aeternitatis comparabat sacratissimo comitatu, modo Noxarum confessionem excipiebat. Modo ad languentem Concionem, & acerbissimo Fato de spe dejectam, verba faciebat, ut istam (nondum penitus conclamati) in Deum erigerent; aequanimia tolerantia irati Patris Aeterni severiorem virgam perferrent;

rent; minus, quam commeruerint, se perpeti dicerent, ac etiam sentirent: ingemiscerent, suspirarent, pugnis pectora plangerent, lacrymis maculas eluerent, seruis propolis ad innoxie vivendum (si vita prorogaretur) sese confirmarent: sin minus, vitam potius immortalem, quae pro nullo amittenda sit, respectarent, quam vitae hujus (ut florentis, ita caducae) jacturam dolerent. Quae omnia, atque singula, tam insigniter, tam expedite fuit exequutus, ut hodie quoque percunctorum ora, magnifica commendatione feratur, sempiternamque sui memoriam Pectoribus plane imprefferit, per manus (quod ajunt) decimos ad Posterios traducendam. Quo etiam factum (perbenigno Numine summa Homini studia, praesenti adminiculo probante) ut cum, bina Mortalium millia unus prope ipse ad mortem comparasset, intra attiguam quodammodo, suosque artus parte ex omni adlambentem (si dici liceat) contagionem, inter intentatas undiq; feralis *Libitinae* falces, inter cadaverum (supremos halitus expirantium, jamjamque in seipsum proruentium) tristissima spectacula; in ipso deniq; vitae periclitantis articulo, continuo versatus, ipse nihilominus hilaris, sospes, vegetus, firmus ac robustus ad finem durarit. Totque Animarum assertor, ita demum de morte triumphaverit, ut non amplius suffragiis, non commendatione,

non

non extorsione, non impia nundinatione; sed meritis, nervose petorantibus, sed ipsis propemodum reliquorum Civium manibus in CANONICORUM ECCLESIAE NITRIENSIS COLLEGIUM (uti ad me perlatum est nuperrime) sit illatus. At quid iste apud ADVERSARIUM? Homo translatitiae doctus, litterarum rudis, ad balatrones relegandus; verbo: *Nitriensium* aliquis, e quorum *inscitia*, *incredibile est*, quantum detrimenti *Res Ecclesiastica* capiat: *quam enormes christiani officii perversiones*, *quam multi*, & *perniciosi errores in Evangelicam Doctrinam irrepere possint*.

Nunc de Parochis aliis quicquam generatim, ac per *Epitomen*. Animadvertendum quocirca, DIOECESIM NITRIENSEM centum, (& quod excurrit) passuum millibus protendi in longum, in latum non item. Ut autem spatiosa ipsa sit, ac Civitatibus, Praediis, Oppidis, Pagis, Villisque referta; centenos duntaxat, aut paullo plures Parochos connumerat. Tum vero, pro exerrantibus per Avia Haereseos non pauculis *alienis Ovibus*, haud paucos *Orci Mercenarios*. Nihil sedenim subeat suspicionis pro tanto TELLURIS ambitu pauciores esse *Operarios*; aut pro tanta *Ovium* multitudine *Pastores*. Enimvero in HUNGARIA, ac fere in AUSTRIA quoque, cuiusvis Oppido, singulae Civitati, quantae demumcunque ipsa sit, unicum *Sacrorum Ministrum*

ZELUS
Parochorum
aliorum Di-
ocesis Nitri-
ensis, & su-
scepti gesti-
que Ministeris
ordo, atque
ratio.

strum attribui praeficique, haftenus consuetum fuit. Cui deinde *Regulares*, aut si necesse sit, unus alterve (uti vocant) *Capellanus*, opportuno sint adiumento.

Ruri postea; binorum, ternorumque, ac plurium nonnunquam Pagorum, Praediorum, Villarum, unicus plerumque curam (antea) operose sustinebat. Verum FERDINANDI (putem) III. LEOPOLDI I. ac potissimum CAROLI VI. Optimorum Principum a temporibus, Parochiae subdivisae, ac proinde multiplicatae sunt per universam REGIONEM nostram, quantum licuit. Constituta Pensione in *Legitimam Ministrorum sustentationem* ex AERARIO PUBLICO quotis annis: liberalitate, partim memoratorum Piiissimorum Principum, partim ex accisis Reditibus ECCLESiarum *Cathedralium*, per quamdam *Falcidiam* nuper coeptam. Cujusmodi subsidium, ex duo deviginti plus minus nummum aureum millibus annorum singulorum circuitu aggregatur.

Et si autem hodie quoq; nonnullos reperias Parochos in DIOECESI NITRIENSI, qui duorum, etiamdum, ac trium minoris Populi Pagorum curam subeant; atque laboriosum admodum istud esse, multique sudoris *Apostolici*, nemo non videat; tamen pluribus de causis absque defectu jacturaque animarum omnino peragitur. Enimvero, Parochorum hujusmodi, singulus (certe) Bi-

Bigas, ac fere Quadrigas cum Rheda, Rhedario vel Agazone possidet, ut quolibet (dum est necesse) advolet. Quid ni vero advolet potius quam accurrat, pro conditione Cornipedum nostratium? quos volitare potius, quam ferri, est in proverbio. Accedit: zelo praefervidos Pastores alacri profecto rapi, ferrique contentione; ut sibimet sane crebrius, quam creditis animabus usquam deficiant. Inde est, quod fere quibusvis *Festis* diebus, *Dominicis* autem singulis, jam hoc, jam illo loco *Missae Sacrificium*, solenni celebritate, cantuque offerant; *Verbum Dei* de suggestu praedicent; ante & pone, *culpae cognoscendis* aures accomodent in Sacro Tribunali. A meridie rursus, promiscuam Adolescentiam, rudemque (sicubi sit) plebeculam, in sylvis cum pecude (ut fieri solet) enutritam, catechesi informant; odia Conjugum, Vicinorumque sedent, lites componant; supplicationes (haec inter) ad impetrandum jam sudum, jam pluviam (cum opus est) facitent. Quae, quia non nisi viribus animi ac corporis (impendio) contentis, persolvi valeant, haud utique conficere ipsi atque explere possint, si (quemadmodum Tibi ADVERSARIE visi sunt (si rupices inquam, si indocti, si agrestes, si pulcherrimarum litterarum egeni sint, atque vacui.

At vereor, ne pro sagacitate tua (quam procul odoretur, haud satis percipio; quippe

pc

184 VINDICATIONIS

pe cui, quis intus, & in cute sis, nondum plene ac penitus innotuit) vereor, inquam, ne tu pro sagacitate tua his nos, aut similibus in sermone captes, atque argutius interpellas: Homo audacule, & paullo (quam aequum parque, fuit) fidentior; equidem fieri nequit, nisi idoneorum peritorumque SACERDOTUM egestate, qua DIOECESIS NITRIENSIS laboret, quodque unicum ego in illa Dictione funebri commiserando ac dolenter afferebam; nisi inquam Litteratorum penuria, quod (scilicet) admodum exiguo PRAESBYTERORUM manipulo, vastam adeo Provinciam procurandam, sive tot animarum millia regenda, instituendaque credatis, ac committatis. Inde quocirca proficiscatur necesse est (id quod optime advertebam) ut ERUDITORUM, Gnarorumque, PASTORUM paucitate intendere quaquaversum minime valente, liberius, & faciliore aditu GREGEM Lupi incurfent, atque affilient, OVES dispescant, diducant, avellant. Vel demum, ad Mandram reducentes calles, impedimentis longe lateque praeltruant. Atque ob id, jure subjunxisse videri debeo, *esse nimirum incredibile, quantum detrimenti apud vos Res Ecclesiastica capiat: Quam multi, & perniciosi errores in Evangelicam Doctrinam irrepere possint.*

Nae Tu ADVERSARIE, hujusmodi *Assumptione ad rem tuam verba contulisse*, quibusdam mul-

to maxime viderere, atque callide omnino, ac perspicaciter arguisse. Verum, si ita etiam loquereris, si ista etiam divinatio tua locum haberet, haud sane tum quoque statione nos depelleres, non vim roborque eorum, quae jam attulimus, ac postea afferemus, infirmares. Quid enim? esto ita; demus id ultro etiam: centum videlicet illos, aut paullo plures Parochos, esse paucos admodum pro ampla adeo DIOECESI NITRIENSI: ut pauci nihilominus videantur eis, qui Res nostras propius, atque penitius non sunt intuiti; tamen per ejusmodi quoque argutationes, vel subreptiones (quid convenientius dicam, ignoro) tamen inquam, haud profecto demonstraveris calamitosa, & ECCLESIAE perniciofa inscitia eos laborare. Tua vero (in DITIONIS illius funerea in viso paragrapho) ea potissimum fuit intentio, studium, voluntas; non videlicet paucos, qui PRESBYTERI sint, in ECCLESIA NITRIENSI reperiri; at paucos, qui docti, quive Litterarum periti sint. Pretendebas quippe, *nullas in ea Scholas esse; verum communem in Litteriscalamitatem: quarum vel NULLA sit, vel certe PRAVA, & inutilis tradendarum, colendarumque ratio.* Quia proinde paria minime sint, paucos esse, & inscitia squalentes; illo quoque ad speciem subtili cuniculo aegre vel hilum profeceris.

Tum vero, falsum omnino est, quemadmodum

In DIOECESI Nitriensi, Parochi sive Presbyteri neque pauci sunt, neque insufficientes. Sed etsi de tur esse pauciores, non sequitur esse indoctos.

*Institutio in
omni genere
Doctrinae
ad Praesby-
terum spe-
ctantis, Cle-
ri Nitrien-
sis Ecclesiae;
quod idem
& de aliis
Ecclesiarum
Clericis di-
cendum.*

dum egregie litteratos non esse, ita modicos esse ac pauciores, quam sint requisiti. Quippe qui redundant, quomodo pauci sint? (*Quod profecto tam est possibile, quam graece scire quoslibet; uti CICERO dicere amabat*) Atqui Dioecesis nostra non illos solum PRESBYTEROS, aut VIROS ECCLESIASTICOS connumerat, qui in praesenti *Dominiis* *Ornibus* advigilant: Enimvero praeter eos, qui in URBE NITRIAE Studiis Litterarum dant operam complures Episcopales Clerici, veluti praemisimus; sunt alii facile viceni, qui TYRNAVIAE (ab Emporio Litterarum florentissima PATRIAE nostrae Civitate) ad usum ECCLESIAE NITRIENSIS, continuis istius impendiis, & rite educantur, & Philosophicis, Theologicisque Disciplinis plenissime imbuuntur. E quibus non raro unum alterumve in hanc quoque URBEM ad Collegium Germanicum jure perveteri transmitti videmus. Horum igitur aliquos, emenso etiam Studio- rum curriculo, ad Pluteum residere ac remanere quasi superfluos, persaepe oportuerit; quamdiu nimirum Lacuna non interveniat, quam implere; rimma, quam obturare debeant. Donec (videlicet) aliquispiam Parochorum per mortem, aut quoquo modo altero, loco, & munere non decedat. Interea vero in abstrusioribus ac reconditis *divinorum Mysteriorum* *Cognitionibus*, in *Dogmatis* *Fidei* adstruendis ac vindicandis, in solemnibus

ECCLE-

PARS ALTERA. 187

ECCLESIAE Ritibus & Caeremoniis, in dicendo ad Populum, exercitantur, perficiuntur. Neque prius e Domo ad regularem ordinem composita pedem efferunt, quam in his omnibus, in LITTERIS (utpote) politioribus, ac severioribus, inque caeteris, quae modo praemisimus, septenis alii, alii octonis novenisque annis distineantur, atque sane laborem exsudent.

Pro laudatissima quippe, eaque CONCILIO TRIDENTINO in primis conformi, ac perpetua HUNGARIAE consuetudine, haud ullus in ORDINEM CLERICALEM refertur, vel assumitur; nemo pene unus in Ministerium Altaris ordinatur alio, quam ECCLESIAE *Titulo*. Neque usquam alibi degere fas illi integrumque fuerit, quam in SEMINARIO PROFICIENTIUM, quandiu ad obsequium ECCLESIAE non destinetur. Tum vero, cum senio aut morbo confectus est, aut quapiam calamitate redditus inutilis, *Rude* quasi donatur, & in DOMUM INVALIDORUM, vel DEFICIENTIUM redigitur: ubi supermac illi officii Caritatis praesto sunt ad id constituti.

E quibus sic ordinatim deductis, quid ni quocirca liquido constiterit, in ECCLESIA NITRIENSI PASTORES CURATORESQUE PLEBIS Christianae, nondum suppetere, verum & superfluere? atque, adeo non modo non esse pauciores, verum etiam copiosos? Quandoquidem autem tam diuturna,

eaque praeclara, ac vigili institutione formentur, qui porro fieri queat, ut ne Litterati, ut ne Eru-
diti, ut ne scientissimi sint? Adde: sub DIOECESIS
NITRIENSIS climate ac sydere natos Juvenes, lim-
pido (ut plurimum) felici, ac promptissimo;
firmo praeterea tenacique esse ingenio, ob aeris
temperiem atque clementiam. Quare pervulga-
tum est, neque proinde jactantiae gratia adin-
ventum, & ROMAE *Germanico in Collegio*; & VIEN-
NAE AUSTRIAE (cujus antiquissimam Studiorum,
UNIVERSITATEM multis retro Lustris frequentave-
re) & in patria TYRNAVIENSI ACADEMIA, & in
LYCEO NITRIENSI, CLERICOS ECCLESIAE istius, aut
semper palmam praeripuisse navatione, profectu
perspicacia; aut paucis omnino concessisse.

Inde fit, quod PAROCHI, ac PRESBYTERI Ec-
clesiae NITRIENSIS, in Philosophia perinde ac
Theologia, MAGISTRI, DOCTORESQUE passim au-
diant: passim *Laureis*, *Gradibus*, *Praerogativis*,
in FACULTATIBUS LITTERARIIS sint insigniti. Prop-
terea CHRISTIANUS AUGUSTUS *Saxoniae Ducum*
sanguine oriundus, PURPURATORUM ECCLESIAE
PATRUM Decus, & REGNI HUNGARIAE PRIMAS,
atque ARCHIEPISCOPUS STRIGONIENSIS, dum circi-
ter Annum Domini Quartumdecimum supra
MDCC. subjectas sibi DIOECESIS pro Potestate lu-
straret, quoque ordine statuque, Res Ecclesiasti-
cae gererentur, atque consisterent, coram, ac
peni-

penitus inspiceret, de PRESBYTERIS ECCLESIAE (qua patet) NITRIENSIS, sponte, ac libere (id quod erat) enunciauerat: *haud usquam doctiorem, ac rectius ordinatum Clerum sese reperiisse, qua perexerat, quam intra ambitum DIOECESIS NITRIENSIS.*

Iterum proinde, atq; iterum tecum expostulo ADVERSARIE (neque enim taedet idem saepius regere, utpote atrox admodum, & oppido injuriosum) rursus inquam tecum expostulo: Haecine illa fuerit *Nitriensis Ecclesiae communis in literis calamitas, ex quarum (scilicet) inscitia, incredibile fit, quantum detrimenti Res Ecclesiastica capiat? quam enormes Christiani officii perversiones, quam multi, & perniciosi errores in Evangelicam doctrinam irrepere possint? Quae tu (sane) de quibusvis Barbaris, vel Asiaticis, ac prope Tartarorum Populis; de iis tandem omnibus, apud quos probae Christianaeque Litterae prorsus lugeant, prostrataeque sint, haud majore propemodum insolentia, atque inclementia scribere poteras. Vide quocirca, si humani tibi quicquam sensus inest, quemadmodum jam undique circumclusus, occupatus, constrictus; immo captus, immo jugulatus prope, confectusve sis. Verum enim, nolim adhuc te penitus extinctum: servandus mihi es supremum in Triumphum.*

Jamvero, hanc ad rem in primis conferet, speciatim dispicere ac disquirere emolumenta potius; non
detri-

Incredibilia
emolumen-
tū exaeta
Christiani
Officii Ra-
tio, sedu-
laque perni-
cioforum er-
rorum extir-
patio in EC-
CLESIA
Nitriensi.

*detrimēta, quae Res Ecclesiastica (non ex in-
scientia, sed ex peritia Litterarum) in DIOECESI
NITRIENSI haftenus acceperit: quāve illic non
enormes Christiani officii perversiones, neque multi,
& perniciosi in Evangelicam Doctrinam errores ir-
repperint; sed vero, praeclara Christiani Officii
exempla sint exhibita, opera peracta, Instituta
introducenda. Quantum praeterea integerrima Catho-
licae Doctrinae Veritas ultro citroque disseminata,
quaquaversum promota, promulgata ubique.
Quomodo, & quibus in locis jure postliminii potita,
aut plerumque restituta in integrum, convalida-
ta, atque stabilita. Tum vero, istud quoque ad
pacens intentum haud parum juverit, & il-
lud alterum praevalide fulserit ac muniverit,
ut cum per Te, Joannes Ernestus HARRACHIUS
nuper EPISCOPUS NITRIENSIS, tanto diligentiae, con-
silio, omnisque Pontificiae Virtutis fructu Episcopatum
absens administravit, quantum nemo unquam
prasens assulerat; Per me contra, jam indicatum sit
haud obscure, nonnisi voluntarie, ac per sum-
mam adulationem id esse abs te datum auribus;
contulerit inquam ac juverit bene multum, ad te
in triumphum usque deducendum, in medium af-
ferre, quid potius DECESSORES JOANNIS ERNESTI,
non votis neque desiderii duntaxat, sed re ip-
sa egerint, praestiterint, atque confecerint. Ve-
rum, quia non unius Apologetici, sed Vo-
lumi-*

luminum negotium sit, narrationem omnium per laudationis capita instituere, atque haec eadem plureis in partes distribuere; nec non ipse ego in PRAEFATIONE SCRIPTIONIS nostrae receperim, haud me velle cogere, vel accersere praeterita, ad Caussam hodiernam sustinendam; aut idcirco quasi incidenter, atq; sane petita venia, de quibusdam propiorum temporum NITRIENSIBUS EPISCOPIS, ac prorsus generatim & universe, erit loquendum; aut (accommodatius) *Praeteritione* Oratoribus concessa utendum.

Praetereo quapropter GUBASOCIUM, qui Palatium Episcopale, AEDemque Cathedralem, immanitate TURCARUM collapsam ac profanatam, pro Viribus instauravit. SZELEPCINIUM; qui postea (ob sapientiae, probitatis, maximaeque ad res gerendas prudentiae laudem) REGNI PIRMAS renunciatus fuit. Sed antequam Episcopatu Nitriensi decederet, Parochias redintegravit; Beati *Francisci* Filiis Sacrarium peramplum, Coenobiumque posuit; Reditus Canonicorum cumulavit; Aram insignem, Cancellosse *Adytorum* comportatis de longinquo e marmoribus construxit; Supellectile, Aulacis, Reque omni vestitaria quam pretiosissima, TEMPUS Summum convestivit. HASCONEM deinde praetereo; qui per viam impositam Dignitatem (& opulentam, & honorificam) Annum duntaxat sustinuit: mox autem

PRAE-
TERITIO
Rhetorica
EPISCO-
PORUM
NITRIEN-
SIUM pro-
pioris retro
temporis, qui
praeclara,
quaeque pro
Emolumento
NITRIEN-
SIS ECCLESIAE
peregunt.

tem ea sese abdicans, Parochiales Curas resumpsit, *Pauperibus evangelizavit*, FIDEM longe lateque per DIOECESIM protulit. Pietatis tandem, zeliq; fervore consumptus, immo delassatus laboribus, *in Domino obdormivit*. PALFFIUM postea praetereo, *Thomam* dictum; (si bene nemini) Qui Propugnacula Episcopalis Castrî ad Formam justî *Munimenti* erexit; Fossam de Rupe altius cavatam circumduxit; Paratibus, Ornamentis, Vasis aureis, Tyaris, & Pastoralibus Pedis ECCLESIAM locupletavit. *Blasium* inde JAKLINUM praetereo; qui religiosissimum *Camaldulensium Monachorum* Ordinem ad Latus vicini Montis opimis cum possessionibus collocavit. LADISLAUM tandem MATTHIASOCIUM praetereo; qui quanta, quamque magnifica, ac sane incredibilia patrarit, jam ubertim (centesima sexagesima quarta pagina) complexus sum, ubi gloriosissimi istius NITRIENSIS ANTISTITIS GESTA vivis coloribus expingebam. Hi proinde continenti serie (superiore Seculo) sibi succedentes Praefules, in ipsa CIVITATE NITRIAE Totaque DIOECESI, id praeterea unum omnes spectabant intentissime, id assidue procurabant, quod ad VERAE RELIGIONIS propagationem, summaque ECCLESIAE *Commoda*, *Emolumenta*que & *opportuna subsidia* pertinebat, referebatur. Fuere quippe VIRI a PRINCIPE plane delecti: REGNI super CANCELLARIJ; penes quos maxima semper pote-

P A R S A L T E R A. 193

potestas aderat , auctoritas , atque jurisdictio . Fuisse simul PROVINCIAE NITRENSIS PRAESIDES *absoluto jure* : fuisse denique EPISCOPI , doctrina , religione , amore decori & honesti , ac plerique omnes Natalium quoque splendore praelustres atque conspicui . Inde profectum est , quod HAERESIM Contagionis more serpentem , jamque fibras , jamq; praecordia , jam & caput DIOECESIOS depascentem , eliminaverint , inque finitimos angulos represserint . Quod adeo luculentum , eoque perductum est , ut profecto non sit fas hodie quemquam Haereticum CIVITATE NITRIENSI donari ; neque ulli admissum moram illic necere , nisi tantisper , idque in transitu : aut gemina summum Hebdomade Opificum Collegis , dum interea de retinenda , vel mutanda sententia deliberent .

Verum , de Joannis Ernesti HARRACHII proximo DECESSORE , LADISLAO ADAMO , COMITE ERDÖDIO , pace tua ADVERSARIE plusculum . Nihil autem dixerim de clarissima GENTE illius ; nihil de DOMO spectatissima , commodis , atque pompa , omnique apparatus splendore , ad voluptatem , & magnificentiam potiente ; nihil de clarissimis Amicitis , & Conjunctionibus ; nihil de Dotibus elegantissimis & peregrinis naturae gratiis ; nihil de Dignitate REGNI CANCELLARII , de LEGATIONE amplissima ad POLONIAM REMPUBLICAM : Quippe pro

*Peculiaris
memoratio
Lad. Adami
ERDÖDII ;
quæ proximū
Decessorē habuit
HARRACHII
in Episcopatu
NITRIENSI.*

b b

co ,

eo, quod nunc exequendum fuscipio, *omnis mihi Oratio est cum Virtutis, non cum Generis celebritate; cum praeclare gestis, non cum voluptate; cum labore, ac studio, non commoditate; cum religionis fervore, non cum DIGNITATE: cum iis denique, qui se Patriae, qui suis Civibus, qui Dioecesi illustrandae, qui laudi atque gloriae Numinis, qui proximorum saluti, & natos esse arbitrabantur, & se totos dediderunt, sacraverunt.* (a)

(a) Cle. pro
Sex. Rosc.

Itaq; LADISLAUS ADAMUS ERDÖDIUS heic ROMAE imposita Litterarum Studiis (quae in HUNGARIA coeperat) coronide, SENIS, in ETRURIA, Numini in perpetuum sese devovit, Sacerdotio initiatus. In PATRIAM subinde redux, quum & claritate nascendi excelleret, & praesertim Doctrinae, modestiae, comitatis, probissimaeque indolis rara specimina ederet, CANONICORUM JAVARINENSIIUM COLLEGIO est accensus. Praepositus postea Ecclesiae Sanctissimi Salvatoris de Papocio renunciatus.

Aliquanto post, explendescentibus ingenii, voluntatiue decoribus, acri contentione ad id, quod honestum est ac laudabile, connixis; quandoquidem per omnem vitam nihil aut faceret, aut diceret, aut sentiret, nisi quod pium, quodve consultum, illustre, ac decorum foret; ad EPISCOPATUM NITRIENSEM subvectus fuit. In quo solidos omnino triginta annos exigens, majora gessit

gessit hercule ! quam ut ego pro dignitate commemorare valeam , isto praesertim (quod ab exordio facesso) rerum plurimarum compendio . Quae tum sane locupletius exequutus fueram , quum in Funere illius pro spectatissima dudum Concione dicebam . Atvero , cum & nostra interfit , tum coeptam quoq; ad rem , haud parum conferat ; perstringam heic etiam quaeciam , aut multa immo leviter attingam . ECCLESIAM quocirca (Sponsam videlicet suam) substructionibus exquisitis , auro quaquaversum illito , picturisq; decentissimis a summo ad imum perornavit : tessellatis de marmore pavimentis constravit : ARAS , DIVORUMque Simulacra , & ipsos certe parietes rarissimo artis plasticae artificio perpolivit . Adeo (denique) splendide illam quantacumque est convestivit , ut ipsa profecto videatur , de qua dictum sit : *Astitit a dextris tuis in vestitu deaurato , circumdata varietate* . Ad cujus deinde latus (veteri submoto) Palatium magnificum , ac regale propemodum extulit : Coenaculis , Conclavibus , Tricliniis (& numerosis , & capacibus , urbanoque paratu illustribus) intruxit , decoravit . Turrim editam ac spatiosam , Statuis , pergulis , cancellisq; insignem reddidit : in eaque Bibliothecam lectissimis Codicibus divitem apparavit , confersit . Quid postea ? annuos Episcopales Reditus , tercentum (& quod excurrit) nummum au-

reum perpetuo proventu uberiores, industria sua reddidit: Possessiones Episcopales permultas, amplis commoditatibus usui SUCCESSORUM honestavit: Tempia simul (eis in locis) non exiguae Molis aut a fundamentis excitavit pleraque, aut magna instauratione innovavit. Quid praeterea? Nihil non egit, ut in Clerum suae DIOECESeos, adlegeret Juvenes, ingenio in primis, inculpatisque moribus praecipuos: quos antequam hujusmodi in sortem adsumeret, Peritorum acri experientiae subiciebat. Tum vero, gustum facturum, atque stimulos additurum, quo alii ROMAM commode profiscerentur ad Litterarum Studia perhonorifice consummanda, commeatum large suppeditabat: Quo item alii in Sapientum confessu solemniter decertarent, ac solita Doctrinarum insignia consequerentur, & crebro, & copiose liberalitatem suam testatus fuit. Praecavit autem quam diligentissime, nequi Parochiis, Animarumque Divino pretio assertarum Procuratori praeficerentur, qui vitae integritate, qui sufficienti eruditione, qui praesenti ad res administrandas consilio haud pollerent. Non idcirco ad id muneris quemquam destinari sinebat, antequam de his omnibus periculum fecissent Viri deputati, atque studiosam experientiam instituissent. Inde CANONICORUM in COLLEGIUM haud unquam aliquem, aut rarissime ad-

sci-

scivit, nisi multo antea in *Vinea Domini* sudore irroratum, callosoq; labore perfunctum: Nec non cohili, dexteritatis, communisque existimationis, ac venerationis laude: praestantem. Ecquid insuper? illud ad extremum, vigilantia & contentissima solitudine, nec non sua partim ac suorum auctoritate zeloque; partim adjumentis, & suppetiis aliunde accersitis, illud sane confecit quamdiu EPISCOPATUM gessit, quod (Urbenobili) TERENTIO, ZOLNA item (opulenta Civitate) Pravorum Dogmatum Ministri ejeti, eliminati; praecisa omni etiam spe remigrandi. Quod firmum adeo ratumque est, ut si alicunde irrepere praesumant hodie, saxis impetantur, verberibus, praestationibus, atq; carceribus etiam, continuo multentur. Illud amplius: quod PUCHOVIVM (frequentissimum oppidum) atque errore usquequaque scatens, prorsus repurgatum sit, ne homine quidem illius Faecis reliquo. Illud maximae tandem atque incredibilis industriae, & perennis omnino FAMAE, ac sempiternae GLORIAE; quod videlicet, per id tempus, quo ipse *vigilabat PASTOR multum insomnis super Grege suo*, QUINQUAGINTA (pluraq;) MILLIA OVIVM PERDITARUM, & Haereticarum pravitatis scabie, ac impetigine infectarum, reducta, legitimoq; CHRISTI GREGI apposita, ac perfanata fuerint. Quod equidem, tum inusitato ECCLESIAE incremento confectum OPUS, tum auro,

auro (sane) cedroque dignum, (Deum immortalem appello, univerforum, quae usquam geruntur conscium) haudquaquam ego commentitiae ad hunc locum attuli; verum in PUBLICAS DIOECESIOS LITTERAS relatum, ac per seriem repositum, paucis ab hinc annis ex ore VICARII id temporis GENERALIS accepi. Viri profecto, quemadmodum sempiterna digni memoria; ita permagno sui desiderio (etsi capulari in senectâ) vita simul, & officio defuncti. Utpote, qui in PARTEM parandi maximi istius (cujus modo meminimus) emolumenti, diuturnus operarius accesserat; atque unicus ipse, facile quaterna animarum millia ab errore, ac defectione revocarat.

Confer jam ADVERSARIE luculentissimos hosce FRUCTUS NITRIENSIIUM antea EPISCOPORUM, cum illis JOANNIS ERNESTI HARRACHII nuper denati (qui nulli propemodum reipsa, quamlibet magnâ in votis fuerint) confer inquam; atque tum, (nisi oculos non recludas) necesse est, ut videas, jam nihil superesse amplius, quod arripueris, quo vel tantillum adhuc inficiari queas, multum admodum, & inique sane palpatum te fuisse, cum diceres: *Episcopatum tanto diligentiae, consilii, omnisque Pontificiae Virtutis fructu, absens administravit, quantum nemo unquam praesens attulerat.*

Inde autem, en tandem supremum ac postremo,

mo, en cumulatim confertimq; ante oculos tuos posita *incredibilia illa detrimenta, quae ex Litterarum infcitia Res Ecclesiastica capiat in Dioecesi, Civitateque NITRIËNSI!* Ecce enormes *Cbristiani Officii perversiones!* Ecce multos & perniciosos errores, qui ea de caussa *Evangelicam in Doctrinam irrepant!* Quandoquidem autem his infandis prorsus contraria in ECCLESIA NITRIËNSI & fieri, & facta gesta que fuisse, nemo jam unus ambigere valeat ob luculentam adeo, uberemq; demonstrationem; abolenda & expungenda procubdubio, atque commaculanda erunt verba tua, quibus initio funesti PANEGYRICI spondebas, *nihil te, nisi ad veritatem dicturum.* Enimvero, meridiano Sole clarius, ac lippis quoque evidentissimum est, te perplura dixisse, ac profudisse, nedum fide sublesta atque ancipiti, & vacillante; sed falso etiam, sed comminiscendo, & affingendo. Idque haud equidem sine palmari injuria, haud sine contumelia praegrandi, haud sine direptione, ac latrocinio quodam Honoris & Existimationis tum inclytae totius REGIONIS HUNGARIAE, cum etiam celebratae CIVITATIS NITRIËNSIS; ac denique istius nominis florentissimae DIOECESIS, atq; PROVINCIAE.

Quare, quum ad exitum nostra tum dñum pertigerit VINDICATIO, si te reponendi boni nominis, si sarcindae alienae FAMAE (quemadmodum pium quemque debet) tangit religio; palinodiam

canas

PERORATIO, sive
Epilogus
OPERIS,
atque Con-
fessio Supre-
ma A. D.
VERSA
Rll.

canas oportet. Revoca proinde, & retracta. At retracta (interest) peridonea hacce, aut assimili FORMULA: *Quidquam ego (viri Nobiles, & Eruditi) quidquam ego humani, idque non mediocre passus sum; sermonemque Vulgi, & opinionem imperitorum sequutus, longius a vero deflexi. Quam ob rem id fecerim, fere non invenio. Verum, jam & sentio, & confiteor, atque etiam palam facio, primum, quidem, laudabiles omnino in Ecclesia Nitriensi, Civitateque ipsa, Scholas vigere: tum vero, illic sane illic, totisque praeterea celebratae HUNGARIAE REGIONIBUS, nedum non esse nullas Litteras, at frequentiores etiam: atque probam, utilem, egregiamque illarum tradendarum colendarumque teneri rationem. Ex quo Litterarum Cultu, mirum est, quantum emolumenti augmentique Res Ecclesiastica, capiat, quam insigniter ac praeclare Christiani Officii munia plerumque impleantur: quam frequens, quam salutaris, quam nervosa, Evangelicae Doctrinae passim institutio fiat. Haec ego hunc ipsum ad modum se profecto habere, URBI, & ORBI declaro, notum facio, atque quibus valeo manifestationibus significationibus evulgo.*

Quod si quocirca resipiscenti hac ratione poenitere subeat, si taliter laesis cum HUNGARIS, ac mecum quoque in gratiam redis, ego te vicissim amplector, atque suavior. Sin consilia mea protervior aspernaris, age (per me licet) quod

PARS ALTERA. 201

quod lubet; obnitere porro, scripturi fodes, vim si qua tibi etiamdum superat, in nos instaure: Polliceor sane, teq; certum facio, sin minus me, HUNGAROS (GENTILES meos) comparatos dubio procul, atq; etiam expeditos, & omni tempore opperientes invenies, qui reprimant, qui retundant. Quippe quibus non minus ad calamum tractandum, quam ad stringendum gladii capulum, manus, animique idonei, atque alacres. Ego vero in asserenda, vindicandaque PATRIA, quantum per remissionem industriae contentionem, (qualem feriatis Ruri diebus pro more adhiberi convenit) quantum etiam pro mea mediocritate poteram, satis praestitisse videor

CONCLU-
SIO par-
ticularis ip-
sius Autho-
ris circa suā
Personam.

Pro PATRIA dixisse iuvat, quod dicere possis;

Quidquid id est, dicet PATRIA cara, sat est.

Quamobrem, nihil dico de meo ingenio, neque est quod possim dicere: neque, si esset, dicerem. Aut enim id mihi satis est, quod est de me opinionis, quidquid est. Aut si istud parum est, ego majus id commemorando facere non possum (a) Quid multis? isto saltem nobis EPIPHONEMATE jure (putem) acclamemus:

(a) Cic. in Qu.
Cec. p. 36.

Ex Autore licet, nostro tenuique paratu,

Vix aliquid possis laudis habere LABOR;

Attamen eximium pretium feret, attamen amplum

Asserto ex PATRIAE (sumet) HONORE DECUS.

Quamquam si nihilominus novis deinceps

c c

Cona-

Conatibus pro hac ipsa carissima PATRIA vires
 contendendi oportuerit, ingratiſſimus omnium Mor-
 talium fuerim, ſi metu retrocedam, ſi in amo-
 re intepeſcam, ſi me ſubtraham; & non (con-
 tra) totum id quantum eſt, quo nunc valeo,
 atque interea comparavero, contentiſſime impen-
 dam. Tantopere namq; illam a me diligi ſentio
 (quomodo ſane a quovis ingenuo diligi eam opor-
 tet; quippe quae vitae uluram, & omne quod
 ſumus, contulit) Tantopere inquam a me illam
 diligi ſentio, *quod, ſi etiam mihi nullum aliud ef-
 ſet officium in omni vita reliquum, niſi ut adver-
 ſus eam ſatis gratus judicaret; tamen exiguum reli-
 quae vitae tempus non modo ad referendam, verum
 etiam ad commemorandam gratiam mihi relictum pu-
 tare.* (a)

(a) Cic. poſt
 Red. in Sen.
 p. 150.

EXPLICIT . RURI

PER . AUTUMNI . OTIUM . IN . HERNICIS

HAUD . LONGE . A . CUNABULIS

M. TUL. CIC. C. MAR. PLIN. PLAUTIQUE;

SEXT. DEC. CAL. NOV. XLII. SUPRA CIOCCC.

SEDENTE . B E N E D I C T O . X I V

OMNIS . PATRIAE . ET . OMNIUM . PATRE

OPT. MAX. LITTERATIſſIMO



Pag.	Verf.	M E N D A	E M E N D A.
13	9	LITETRARUM	LITTERARUM
32	14	pluri	plurimum
40	9	tibi	ibi
48	25	igtur	igitur
—	28	JOANNAS	JOANNES
58	9	caepisti	coepisti
62	2	petigisse	pertigisse
—	24	propietates	proprietates
63	16	Isthic	Isthic
70	1	Super is	Superis
81	4	Discepl.	Discipl.
—	10	fuit ?	fuit.
—	25	pute	puta
94	24	quorum	quorsum
96	6	fugillare	fuggillare
103	24	Transubstantiationis	Transubstantiationis
108	28	conferamos	conferamus
115	13	insetia	infcitia
118	7	PHILOSOPHIA	PHILOSOPHIAE
125	3	pleraſque	pleraſque
136	8	ambitioſus	ambitioſius
138	7	aleri	alteri
139	18	FDE	FIDE
153	12	deſnita	deſnita
155	11	umbilium	umbilicum
169	9	SEPTEMURIIS	SEPTEMVIRIS
177	2	ADVERSARIAE	ADVERSARIA
178	15	pravo	parvo
189	8	regere	regerere
190	3	qua ve	quacve
199	6	quae	qui
—	18	comminſcendo	comminifcendo



~~005658745~~

569098

